



**NUM JAONG**

**PA KAUX PA CONG KHANKIX**

*Lai Efesux*

**NUM JAONG**

**PA KAUX PA CONG KHANKIX**

Lai Efesux

## Kaing: Lai

<b>Lox Tawm.....</b>	<b>(i)</b>
<b>Lawg gau [1]:</b>	
Tawx Khawngphak Khwan khankix ka pwi pa ot ka daux	1
Khrit khawm uik- Baux 1.....	.....
<b>Lawg gau [2]:</b>	
Tawx khawngphak khwan khankix ka pwi pa ot ka daux	10
Khrit khawm uik-Baux 2 .....	.....
<b>Lawg gau [3]:</b>	
Pawlux rawg bwan bawg liang son kix pwi yumrhawm Efesux .....	16
<b>Lawg gau [4]:</b>	
Krax im ju cie pwi Yumrhawm singaix pa hoik luan,daux singaix	25
mai pasax .....	.....
<b>Lawg gau [5]:</b>	
Pwi tang ceu tang cat mai pwi yumrhawm Yudax mawh tix mu	34
ka daux Khrit .....	.....
<b>Lawg gau [6]:</b>	
Pawlux rawgbwan bawg ra, son pwi yumrhawm Efesux khankix .....	45
<b>Lawg gau [7]:</b>	
Ceucão pa mawh rhawm tix mu .....	53
<b>Lawg gau [8]:</b>	
Simiang Yesux tawx Kawncau pa ting khankix,Cao jhai khankix,	61
Pwi sidieux loxbwan khankix, Sara ceucão mai Sara khankix ka Ceucão	.....
<b>Lawg gau [9]:</b>	
Im ju pa Khraox ka daux Khrit- Baux 1.....	68
<b>Lawg gau [10]:</b>	
Im ju pa Khraox ka daux Khrit -Baux 2 .....	77
<b>Lawg gau [11]:</b>	
Lox tawm Siyex ka Mex, ka Moeng, ka Miex Keeing ,	87
ka Kawn nyawm, ka Caoma mai ka Pwi cang khankix .....	.....
<b>Lawg gau [12]:</b>	
Ceep Kraung Naing Siyex tom grum- Baux 1 .....	98
<b>Lawg gau [13]:</b>	
Ceep Kraung Naing Siyex tom grum-Baux 2 .....	106

## **Lox Tawm**

Ceukaux lai in mawh “Num Jaong Pa Kaux Pa Cong Khankix : Lai Efesux ” heue. Ex sitoe lih khaing lai Engalik, pa mawh lai “ Firm Foundations: Ephesians” heue. Cao tiem ka lai in mawh *Trevor McIlwain* mai *Nancy Everson* heue.

Cao pa sitoe lih plak lai Vax mawh *Sara Sai Rong Shwe* heue. Pa cied ka lai in máwh Sara lhong *Rev. Sai Kat* heue. Ting bwanson ka Sara lhong heue.

Ka daux lai in koe lawg gau (13) lawg heue. Ka daux lai ex gwiex ti deuh lawg iak ra: lawg, pa mawh lawg plak gwiex mai lawg plak dawm heue. Sonsang baox pon phat ex ka grawng pa gau ex. deeh jhak ka baux phuk lai sigang khri pa tiem ti deuh ka daux lawg plak khawn dawm liak. Ka daux lawg plak gwiex, mawh dee sang mhai ex ti deuh grawng pa phat ex, pa ting ceu ka son ex heue.

Yam phat ex ka lawg mawx lawg an, yuh bwanson jah ti phat ka **Grawng dawd** pa praok pa koe plak khawng dawm liak. Ka piang an, sonsang sidawng yam phat ex ka lai in, ex hoik sau ti deuh pakpeung joh ngai, rieng joh ngai, lox tiag, rieng pheksidawng khankix heue. Grawng pa sang keud sawn ex, grawng pa sang ci: ex ti deuh mai grawng pa sanglang khankix kawx mawh pa ting ceu son ex heue.

Paox pa rom ti yuh kaing Siyiex khankix mai paox grawm khankix eue-e, khyok khaw ka ex sonsang coca ti phat ka Gumlox Siyiex heue. Gumlox Siyiex pa hoik phat ex, pa hoik tawng ex paw vi kieh mawh pa giex. Deeh krai paox tix mhong, deeh tawx riang rao ka paox tix liak. Ting bwanson ka paox grawm ex pa joh ka mau tan son lai in heue. Kieh ex mawh pwi pa ting lhaong plak Kwan tix ngaix hoik tix ngaix heue.

Phan mawh lai in mawh lai pa joh pa jhan ka sara ceucao khankix, mai son nyawm cawng pa gau ka phuk lai sigang khri khankix heue. Lai in chix ti shiao dee gau ex phuk lai sigang khri bawg mawx bawg an mai yam sidiex ex singaix twah khankix heue. Chix ti shiao ka daux kaing gau phuk lai ka daux nyiex ma ex heue.

Mawh kheu shiao ex ngai lai pa khraox, ex tom sau ngai lai Engalik hawt kah heue. Phan ang sidawng plak lox ka ngai lai pa khraox, yuh bwanson deeh jhak ka daux lai Dictionary liak.

Kieh pa nhim pa koe ka daux Khrit koe ka piang ex puxaik khankix heue.

**Ting bwanson,**  
*Sara Sai Rong Shwe*

## Lawg Gau [1]

### Tawx Bwanson pa dex mai Khwan ka pwi pa ot ka daux Khrit khawm uik - Baux 1

#### K. Lox singeuh

Pawlux, Yam hu nawh ti sidiex loxbwan bawg ra, nawh hu fi ka veng Efesux tivud heue.

- Jhi krax hu Pawlux ka veng Efesux ka daux rieng haktiex awawx. Pawlux deeh hu ka Efesux, Yam lih hu nawh krax bawg loe heue.
- Nawh ot been loe singaix.
- Ka daux bawg Yam an, nawh sipub pa tuktiak khaing pwi pa ang nyang yumrhawm khankix heue.\*
- Viang mawh nan, pwi tom nie yumrhawm ka Simiang Yesux, mai kix kraix khrawm tau mai sum ceucao Efesux heue.

Phat lai Kawncau 19: 1, 8-10.

Yam ing nawh ka veng Yeruxsaliem, nawh phlat ka veng Efesux heue. Nawh ghaok cao bung kaing ceucao (elders) khankix pa ot ka daux veng Efesux, mai yuh kaing kum daux veng Milet heue.

- Jhi dee ot veng Milet ka daux rieng haktiex awawx.
- Yam ot nawh tau mai cao bung kaing ceucao Efesux khankix, Pawlux plak jhi krax ot nawh, Yam ot nawh mai kix been 3 num heue.
- Nawh tawm kix, sonsang priex ka kawnpraix Siyiex khawm uik pa ot ka daux ceucao Efesux heue.  
Nawh grux tawng, grawng ang nawh lai baox yaox ka kix heue.

Phat lai Kawncau 20:32, 36-38.

Khaix hoik kah kum Pawlux ka pwi bung kaing ceucao khankix daux veng Milet nawh hu ka veng Yeruxsaliem heue. Pwi phyok nawh tan heue.

Nawh ot daux kawg Kesarix been 2 num heue. Khaix an, hu tawx nawh ka veng Romax, sonsang prawng ca ka nawh heue.

[Jhi krax hu Pawlux ka veng Romax, daux rieng haktiex]

Yam ot Pawlux daux kawg, daux veng Romax, nawh tiem lai in son pwi pa yumrhawm pa ot daux veng Efesux heue.

Khwan Singax Singeh thung Pawlux tiiem ka lai heue.

Viang lai pa tiem mawh son pwi pa yumrhawm Efesux khankix kawr, mawh gumlox Siyiex son pwi pa yumrhawm khawm uik, khawm ex heue.

Ex jah ti phat phao. Khaix, ex gau baux mawx baux an.

Phat lai Efesux 1:1-6

#### Grawng dawd

Gau ex tawng Bwanson pa dex mai Khwan pa hoik tawx Siyiex ka ex ka daux Yesux Khrit.

- krai ex mhong krax hu Pawlux ka veng Efesux
- Grawng laug Siyiex ka Pawlux ti mawh kawncau pa ting
- Krai grawng tawx Siyiex ceukaux "pwi singax" ka pwi pa yumrhawm ka daux Khrit

#### Sigang khri plih ex yaox

- Siyiex laug ex mawh pwi singax
- Grux ciak ex mawh kawn lih Tix
- Ka daux Khrit Siyiex rieb ka ex

\* Kawncau 19:23-41

cao bng kaing ceucao(elder)

Jhak ka Kawncau 14:23, 20:17

1 Timose 3:17

Kawncau 21-28

Efesux 3:1; 4:1

2 Timose 3:16;

2 Petru 3:16

**KH. Lai sipaox Pawlux ka pwi Efesux khankix.**



Phat lai Efesux 1:1

Pawlux tiem ah nin, “....*kawncau pa ting cie Yesux Khrit, kheu alo Siyiex....*”

Pawlux mawh pa laug Simiang Yesux. Yesux ploi nawh hu tang tix, hu krai lox bwan gauxrhawm ka pwi tang kaux khankix heue.

- Pawlux ang laug ti yuh kawncau pa ting ka tokaux tix.

- Pwi tang kaux laug nawh yuh kawncau ang mawh.

Kalatix 1:1

- Mawh Siyiex pa laug ka nawh mai ka nawh hu heue.

- Khaix hoik kaoh im Yesux, tokaux Yesux hoek bleeh ka nawh heue.

Kawncau 9:3-5

-( Yesux, laug kawncau pa ting khankix ka: sang yum Nawh, ka: sang sipaung ka Nawh, ka: sang kaoh im Nawh heue.)

- Simiang krai ka grawng Pawlux ka Ananix heue.

Lukax 6: 12-16



Phat Kawncau 9:15

Pawlux tiem lai in “... *ka pwi pa singax singeh, pa ot ka daux veng Efesux..*”

Pwi pa singax khankix mawh pwi mawx?

Pwi singax khankix mawh pwi pa yumrhawm ka Khrit heue.

1 Kawrinthux 1:2

- Dee bleeh ngai lai “singax” mawh “Pwi singax khankix” heue.

- Ex pa een rhawm ka daux Yesux Khrit, hoik gwieh ti deuh sonsang mawh cie Nawh heue.

Kok ka kix mawh pwi singax heue. Pawlux ah nin, “.... pa kaux sijax ka daux Yesux Khrit.....”

Pwi yumrhawm pa ot ka daux veng Efesux, mawh pwi pa een rhawm ka Simiang Yesux heue.

- Sanglang (Explain)

*Lox pa ah, “ pa kaux sijax ”, ang tie ah ka pa kaux sijax pwi Efesux khankix. Ah ka grawng hoik een kix rhawm ka Khrit heue. Kix een rhawm ka tix kaux khaing, mai yumrhawm ka tix kaux khaing heue.*

Ex kawx, hoik een rhawm ka Simiang Yesux heue.

- Ex yumrhawm ka kaing pa ghoik pa yuh Yesux heue. Nawh yum son phimap ex, kham pa sipaung son ex, deeh kaoh im tang ex heue.

- Ex yumrhawm ka Simiang Yesux Khrit heue. Nawh mawh Simiang pa Kaoh Im, mai mawh Cao Taoh heue.

Nawh niawh pa keung ex ti yumrhawm heue.

## Tawx Bwanson pa dex mai Khwan ka pwi pa ot ka daux Khrift khawm uik- Baux 1

- Yesux tag kia ngien tiebtie ka ex mhawm mhawm, khaing naing pa yuh Satan ka ex heue.
- Naws tawx siawpsibrawm ka ex sonsang pon thiang ex ka pa glaw pa nyaw pa kaoh khaing nex nham haktiex heue.
- Naws teem ex tiebtie ka ceu pa nyaw haktiex in heue.
- Yesux tag teei ex ing ka raoma, sonsang ot tau mai Naws leeing ju.

I Yohan 5:18;  
Yudax 24

I Kawrinthux 10:13

Ka daux lai in mai ka daux lai naws khawm uik, Pawlux kok ka pwi pa yumrhawm khankix mawh pwi pa “**Ot Daux Khrift**” heue.

- Ka: ang yumrhawm ka Khrift, ex mawh pa “**Ot daux Adam.**”
- Yam yumrhawm ex Daux Khrift dom an, Khwan Singax Singeh hoik baptis (com ) ka ex, mai deuh ex ka Daux Khrift heue.
- Siyiex, hoik rieb ka ex yam in, awm hoik rieb Naws ka Khrift heue. Mai ex hoik mawh tau mai Naws ka daux kuceu heue.

I Thesalonix 4:16-17

Romax 5:12;

I Kawrinthux 15:22

Romax 6:3

Pa rieb Siyiex ka ex, mai pa luan ex khaing sibrawm Satan, khaing sibrawm phimap mai khaing sibrawm pa yum, ang shiang mai mawh ex **pwi mawx**, mawh ex **pa tix**, mai ceu pa **hoik yuh** ex heue.

Viang mawh nan, pa rieb Siyiex mai pa kieh ex luan khaing ku ceu mawh hkeu ot ex ka **daux Khrift** heue.

- Siyiex hoik kleuk ex mawh pwi yumrhawm ku kaux ka Simiang Yesux heue.
- Ex mawh Tokaux Naws, mawh kheu nan ex mawh tau mai Naws ka daux kuceu heue.
- Ex mawh cie Khrift.( Ex shiang ka Khrift)

I Kawrinthux 12:13

Phat ka Romax 6:3-4

Kalatix 5:24

Phat ka Efesux 1:2

Simiang kieh pwi pa yumrhawm pa ot ka daux veng Efesux doh keud yuh nin, ex pon bwanson pa chaox rhawm mai pa nhim khaing Yesux Khrift heue.

- Bawgyam pon ex krax taoh, mawh bawgyam pon ex pa nhim khaing Siyiex heue.
- Ex caw ti doh keud ku singaix yuh nin, ex ot mai pa nhim tau mai Siyiex, viang krax ot krax koe ex yuh ka mawx ang .
- Ex pon krax taoh kheu bwanson pa chaoxrhawm Siyiex, khaing Yesux Khrift heue.
- Siyiex tawx bwanson ka ex ku singaix, yuh ka mawx sonsang pon im ju ex ka daux sibrawm pa tawx ka ex khaing Khwan Singax Singeh heue.

Romax 5:1-2

Efesux 2:8-9

2 Petrus 1: 3-4

### NG. Siyiex hoik nawb Bwan pa dex mai Khwan khawm uik ka pwi pa yumrhawm ka Khrift khankix.

Cao Pawlux hoik mhai ti een Bwanson pa ting pa tawx Siyiex ka ex ka daux Khrift heue.

Phat Efesux 1:3

## **Tawx Bwanson pa dex mai Khwan ka pwi pa ot ka daux Khrit khawm uik- Baux I**

### **- Keud sawn:**

*Simiang haktiex khankix koe sinngao tom nie heue. Kix koe siang pa ting ngawh, khri, mau, siang simaox paing( diamond) mai siang simaox klai khankix heue.*

*Sinngao khankix mawh cie simiang mai cie nyiexma Nawh, ang mawh son pwi hun. Pwi hun ang pon ih ka singao cie khunhawkham.*

*Siyiex ex nie lheu ting khaing simiang haktiex khawm uik. Haktiex in mawh cie Nawh, pa koe ka piang mai ka daux haktiex khawm uik mawh cie Nawh. Ka piang an, raoma kawx mawh cie Nawh heue. Bwanson pa dex mai Khwan pa ang chix laux leeing pa koe ka daux raoma long, mawh cie Nawh mai kaoh khaing Nawh heue.*

*Mawx sang pon sinngao Bwanson an khankix lie? Ex tix kaux kawx ang keung ti pon khankix pie tix ceu kawx. Ex ku kaux hoik yuh phimap.*

*Phuk lai singang khri baux in, krai ex mhong grawng hoik tawx Siyiex Bwanson nie ding nie dawd ka ex heue. Kheu keung ex ti pon ang mawh, mawh kheu hoik mawh ex tix mu tau mai Yesux Khrit heue.*

### Baox phat ka Efesux 1:3

Siyiex tawx ka ex Bwanson pa dex mai Khwan **tiblah** ngie ang mawh. Hoik tawx bwanson pa dex mai Khwan **khawm uik** ka daux Khrit heue.

- Sonsang keung ex ti pon bwanson in khankix, ex ang tie yaox ti yuh patix.

- Bwanson khankix mawh pa kaoh khaing Keeing pa moh ka ex, Keeing raoma heue.

Pa Yaogyaw ex ka Siyiex mawh pa pawk ex ka bwanson pa chaoxrhawm Siyiex ka ex heue. Khaw ti mawh nan heue.

- Ex chix ti yaogyaw sinum ka Siyiex, phan ang mawh nan, chix ti yaogyaw yawg yien ka daux rhawm tix, yam mawx ang ah, dee mawx ang ah. (Maix sang yaogyaw ka Siyiex ka grawng pa tix?)

1 Thesalonix 5:17-18

### Deeh phat ka Efesux 1:3

Ceu pa hoik tawx Siyiex ka ex ka daux Simiang Yesux, mawh “.....Bwanson pa dex mai khwan khankix heue”.

Siyiex tawx Bwanson ceu in khankix, khaing Khwan Singax Singeh, pa ot ka daux ex heue.

Bwanson inkix, ang awm ka lox sijax mukheu pa tawx ka ceu pwi Isarilax.

- Siyiex tawx haktiex ka kix pwi Isarilax, kieh kix luan khaing pwi koeng, tawx kix krax nyawm ot nyawm koe mai ceu pa lo kix heue.

- Lox mukheu inkix khawm uik peung tix ka krax cu krax nghiet pwi Isarilax ka been pa deuh Siyiex heue.

Viang mawh nan, Bwanson pa tawx ka ex ka daux Khrit mawh Bwanson pa dex mai khwan, pa ang peung tix ka krax cu krax nghiet ex.

Lai Sidiex 28:1-14

## **Tawx Bwanson pa dex mai Khwan ka pwi pa ot ka daux Khrit khawm uik- Baux 1**

Kix mawh bwanson pa chaoxrhwam Siyex, pa tawx ka ex pa ot ka daux Yesux Khrit heue.

- Bwanson khankix ang mawh kraung khrai ceu pa koe ka piang haktiex, Ang mawh mau, pa ih pa un, kraung, gwang haktiex, krax nyawm ot nyawm koe mai krax im ju pa ang koe krax khirhawm.
- Bwanson pa dex mai Khwan khankix ang mawh pa kaoh khaing haktiex ot ex. Mai ang mawh ceu pa chix pon, chix shiao ex kawn pwi ka piang haktiex in.

Bwanson pa dex mai Khwan khankix hoik tawx ka ex khaing raoma mai hoik tawx ka kix pwi pa yumrhawm khawm uik, khawm pwi Yudax mai pwi tang ceu tang cat heue.

### **- Keud sawn:**

*Ka daux baux siyieh num pa hoik luan khankix, pwi pa yumrhawm tom nie koe sinngao haktiex ceeix khaing. Pwi tiblah koe sinngao haktiex tom nie mai gwieh ti tawx ka pwi ang koe khankix heue. Pwi pa yumrhawm tiblah yaox ti kham geu ka pa saux pa ngia mai pa lauxrhawm lauxrhi ka piang haktiex in heue. Viang mawh nan pwi pa yumrhawm tiblah koe pa nyawm ot nyawm koe mai sipub pa khirhawm ceeix khaing heue.*

Philippi 4:12

*Ka piang haktiex in, viang kawnpraix Siyex khankix hot ang ah, mi ang ah, khirhawm ang ah, gauxrhawm ang ah, kix hoik pon pa mi pa tawx Siyex heue. Pa mi plak khwan, nie lheu mhawm khaing ceu pa mi pa koe ka piang haktiex heue.*

Mathiex 6:19-21

Ceu pa tawx Siyex ka kawn Tix khawm uik ka daux Khrit, ang chix die chix uik- mawh bwanson pa kaux leeing ju heue.

Bwanson ceu in khawm uik hoik tawx ka ex “.. ka daux Khrit....”

Ex tiag ti yaox **Bwanson pa dex mai khwan ka sinngao haktiex** ha.

### **Pakpeung joh ngai**



Nyum cie Nyum cie  
pwi hot pwi mi



Nyum cie pwi pa yumrhawm ku kaux

Pwi tix kaux chix ti mi, phan ang mawh nan chix ti hot ka sinngao haktiex heue. Viang mawh nan, pwi pa yumrhawm kukaux koe Bwanson pa dex mai khwan ka daux raoma heue. Pawlux mhai ti deuh graghrawng Bwanson pa dex mai khwan tiblah heue.

**S. Siyex laug ex mawh pa singax ka daux Khrit**

 Phat ka Efesux 1:4

Siyex laug ti teei ex ka daux Simiang Khrit tom ka: sang jah ti kaw haktiex heue.

Siyex tawng kuceu, ka: sang lih ti mawh kuceu heue.

- Nawh hoik grux tawng ka ceu pa sang lih ti mawh, tom ka: ang nawh nyang phan nyang kaw ka haktiex heue.

- Nawh hoik tawng, Adam tag ang cu nghiet ka lox Nawh. Kheu Adam, ex khawm uik hoik lih keh, mawh kawn phimap heue.

Phan mawh nan, Yam yaox Siyex hoik mawh ex pwi phimap ka daux Adam, rhawmrhi Siyex mawh yuh ka mawx ka piang ex?

- Siyex thiang ti tik ka ex ka daux Adam heue.

- Grawhgrawng nawh, Adam mawh kawn phimap tix kaux, Siyex thiang ti tik ka nawh mai pwi pa ot ka daux nawh khawm uik heue.

Viang mawh nan, Simiang Yesux hoek ka piang haktiex in, sonsang mawh Cao Taoh ex heue.

- Nawh ang thiang ka lox Siyex awm Adam.

- Simiang Yesux yuh ceu pa khaw rhawm Siyex ka daux kuceu heue.

- Siyex laug Yesux kieh mawh **Kaing;**, **Cao Thung** ka pwi ceu Tix heue.

Kheu hoik laug Siyex ka Yesux, pwi pa yumrhawm pa ot ka daux Yesux kawx, hoik mawh pa hoik laug Siyex kah heue.

Siyex laug ti teei ka ex ka daux Khrit heue.

- Tom ka sang kaw haktiex, Siyex hoik tawng ka kix pa ot ka daux Khrit ku kaux mai hoik laug ti teei ka kix heue.

- Siyex thiang ti tik ka ex pa ot ka daux Adam, viang mawh nan Nawh laug ka ex pa ot ka daux Khrit heue.

Kheu pa tix Siyex lai laug ka ex pa ot ka daux Khrit lie?

Pa bak pa deuh Nawh son ex mawh pa tix lie?

- ..... “Yuh ka mawx sonsang mawh ex pa singax singeh, pa ang koe dee cha, pa loig sivoe Nawh ka daux krax muh..”

- Siyex laug ex ka daux Simiang Khrit, kheu Nawh hoik bak ti deuh, sonsang gwieh ti deuh ka ex son Nawh heue.

Yam ot ex ka daux Adam, ex ot greem pa kwang phimap.

Viang mawh nan, Siyex laug ex ka daux Khrit mai tang gwieh ti deuh sonsang chix shiao Nawh son Tix heue.

- Ka: sang phan Siyex ka haktiex, Nawh laug ex kukaux pa ot ka daux Khrit heue.

- Nawh tang gwieh ti deuh ka ex son Tix sonsang pon yuh ex awm pa khaw rhawm Nawh, awm yuh Simiang Yesux ceu pa khaw rhawm ka Siyex heue.

Romax 5:8

Romax 5:12;  
I Kawrinthux 15:22

I Timose 1:15

Mathiex 3:17

Kawlawsie 1: 18-20

## Tawx Bwanson pa dex mai Khwan ka pwi pa ot ka daux Khrit khawm uik- Baux I

### SH.Siyiex grux ciak ka ex mai priex kieh mawh kawn lih Tix

Phat ka lai Efesux 1:5

Kheu mawh krax moh Keeing ka ex, Nawh hoik tat ti deuh ka: sang kaw Nawh haktiex, yuh ka mawx ex pa ot ka daux Khrit khawm uik, **pon glhawk kawn pa die huan** (mature adult children) ka daux nyiexma Siyiex heue.

Romax 8 krai ka glhawk ceu in, son pwi pa yumrhawm heue.

Phat ka lai Romax 8:14-15

- Yam mawh ex pa khraox keh ka daux nyiexma Siyiex, krax keud krax tawng ex kawx awm kawn nyawm heue.
- Viang mawh nan, Siyiex tawx glhawk pa mawh **kawn riex ju** (adult children) ka daux nyiexma Nawh heue.

Yam tiem Pawlux ka lai in son pwi yumrhawm pa ot daux veng Romax, pwi mi tom nie tang koe pwi cau pwi soi, mai kieh kix priex ka kawn nyawm tix mai kieh kix gau sawn ka kawn tix heue.

- Yam ot kawn nyawm khankix ka greem pwi cau pwi soi khankix, hoik krai ti deuh ka kix ceu pa pon kix ti yuh mai ceu pa ang kix pon ti yuh heue.
- Viang mawh nan, khaix hoik rieb keeing ka kix mawh **kawn pa hoik ting** (grown-up children), kix ang lai yaox ti ot greem pwi cau pwi soi khankix.
- Kix ang lai lhat ka pa ciyang heue.
- Awm hoik mawh kix kawn riex ju (adult children), kix teei beeh glawm ka daux nyiexma heue. Mawh kheu lhat kix krax ciyang ang hoik mawh, mawh kheu koe krax moh mai nabyam ka keeing tix heue.  
Ex kawx pon akhwang mai koe beeh glawm ceu in tau mai Simiang Yesux heue.

1 Petru 2:2

Kalatix 4:1-7

### NY.Ka daux bwanson pa chaoxrhawm Siyiex, Nawh rieb ka ex, ka daux Khrit.

Phat ka lai Efesux 1:6

Bwanson raoma pa tawx Siyiex ka ex, hoik plak jhi grawng pa ting hlaong Bwanson Nawh miex ding ka piang ex heue.

Ex mawh pwi pa ang keung ti moh kawx, Nawh hoik groi pa moh tix ka piang ex ka daux Khrit heue.

Ex koe grawhgrawng pa ting ceu pa caw ti yaogyaw ka Nawh heue.

Yam ot ex ka daux Adam, Siyiex thiang ti tik ka ex.

Yam in kheu ot ex ka daux Khrit, Siyiex hoik rieb ka ex.

Yam hoik com Yesux daux rawm, lih mawh pa tix? Tawng pex?

Phat ka lai Mathiex 3:17

Mawh kheu mawh ex pwi pa ot tau mai Simiang Yesux, Siyiex tom rieb ka ex awm kawn pa moh Tix heue.

## Tawx Bwanson pa dex mai Khwan ka pwi pa ot ka daux Khrit khawm uik- Baux 1

### - Keud sawn:

Klawng ting, viang rawm ting miex ding kawx, phan nyep siviex phai, rawm dung ang mawh lie? Rawm ang lai chix hu ang mawh lie? Yam deeh paoh siviex phai, rawm graox mai chun ti lih ang mawh lie?

Yam kawn ot ex ka daux Adam, phimap ex hoik kieh ex singai khaing Siyiex. Bwanson pa koe ka daux Khrit ang chix bleeh ka ex, kheu ex ang yumrhawm heue.

Viang mawh nan, phan ex yumrhawm ka Khrit, bwanson Siyiex khawm uik, lih hoek ka ex ka daux Yesux Khrit heue.

### T. Lox nyeep

Ka daux Yesux Khrit, ex mawh kawnpraix Siyiex, mai hoik rieb ti teei ka ex kadaux nyiexma Nawh heue.

Kawlawsie 1:12-13

Ex mawh pwi pa ih sin cie Simiang ka piang Simiang khankix heue.

Ka daux bwanson pa chaoxrhawm Nawh, Nawh tom laug, mai tawx ka ex bwanson pa dex mai khwan khawm uik pa koe ka daux raoma heue.

Ex ah ting bwanson ka Siyiex, kheu Nawh tawx bwanson pa ang ex chix tiag chix siming heue.

2 Kawrinthux 9:14-15

### Lox chawk

1. Pawlux ah nin, ex ot ka daux Khrit heue. Dee bleeh mawh pa tix lie?

*Ka: ang ex nyang yumrhawm ka Khrit, ex ot ka daux Adam heue.*

*Viang mawh nan, yam yumrhawm ex ka Khrit dom an, Khwan Singax Singeh baptis ka ex, mai deuh ex ka daux Khrit heue. Siyiex rieb ka ex, awm rieb Nawh ka Khrit heue. Ex mawh pa rom ti kleuk tau mai Nawh heue.[Phat Romax 6:3-4]*

2. Kheu pa tix Pawlux lai ah, ex khaw ti yaogyaw ka Siyiex lie?

*Kheu Siyiex mawh pa daox pa am tete heue. Nawh hoik tawx ka ex Bwanson pa dex mai Khwan pa koe ka daux Khrit, khaing ka daux Khwan Singax Singeh heue.[ Phat ka lai Efesux 1:3]*

3. Ka Adam mai ka pwi pa ot ka daux Adam, Siyiex een ti tawng yuh ka mawx?

*Adam mawh kawn phimap. Siyiex thiang ti tik ka Nawh mai pwi pa ot ka daux Nawh khankix heue.*

4. Siyiex laug ka kix pa ot ka daux Khrit yam mawx?

*Ka: ang nyang kaw ka haktiex heue. [Phat ka lai Efesux 1:4]*

5. Kheu pa tix Siyiex laug ka ex pa ot ka daux Khrit lie?

*Kheu Simiang Yesux Khrit, hoik yuh ceu pa khawrhawm Siyiex. Siyiex tom laug ka Nawh mai pwi pa ot ka daux Nawh ku kaux heue.*

6. Pa bak Siyiex mawh pa tix? Grawng pa laug Nawh ti teei ka ex ka daux Khrit mawh pa tix?

*Nawh laug ti teei ka ex ka daux Yesux Khrit, kheu Nawh hoik gwieh ti deuh ka ex son Nawh heue. Yam ot ex ka daux Adam, ex ot greem pa kwang phimap, viang mawh nan Siyiex laug ka ex ka daux*

*Tawx Bwanson pa dex mai Khwan ka pwi pa ot ka daux Khrit khawm uik- Baux 1*

*Khrit mai gwieh ex deuh sonsang shiao son Tix heue.* [ Phat ka lai Efesux 1:5]

7. Awm pa krai ka daux lai Efesux 1:5, Siyiex tat ti deuh pa tix ka pwi pa ot ka daux Khrit, tom ka: ang nyang kaw haktiex lie?

*Siyiex hoik tat yuh nin, pwi pa ot ka daux Khrit tag pon glhawk kawn pa die huan (mature adult children) ka daux nyiexma Siyiex heue. Ex pon ka glhawk in, tau mai Simiang Yesux Khrit heue.*

[Phat ka lai Efesux 1:5]

8. Sonsang pon rieb Siyiex ka pwi pa yumrhawm khawm uik, Nawh yuh pa tix lie?

*Nawh deuh kix ka daux Khrit, pa mawh kawn pa moh Nawh heue.*

[Phat ka lai Efesux 1:6]

## Lawg Gau [2]

### Tawx Bwanson pa dex mai Khwan ka pwi pa ot ka daux Khrit khawm uik- Baux 2

#### K. Lox Singeuh

Pwi pa ot ka daux Khrit, mawh pwi mi heue.

Bwanson pa dex mai khwan khankix hoik tawx ka ex. Tawx pie ceeix ngie ang mawh, hoik tawx **khawm uik** heue.\*

Yam phat ex ka grawng bwanson pa dex mai Khwan khankix, rawg bwan ka Siyiex sonsang chix im ju awm pa hoik plak jhi Nawh heue.

- Ex yie chix priex daux rhawm tix ka ceu pa lo ex, mai coca ti yuh sonsang pon ka ceu pa lo ex heue.
- Viang mawh nan, ka daux Khrit, hoik tawx ka ex Bwanson pa dex mai Khwan khawm uik heue.
- Yam gau sawn ex ka Gumlox Siyiex, Khwan Cao sidiex gau ex tawng grawng Cao Khrit mai grawng Bwanson pa koe ka daux Nawh heue.

#### Rieng joh ngai

**Pa lo aux....**  
**Pa lo aux....**



**Keud son tix khaing**

**Ka daux Khrit aux hoik pon  
ceu pa lo aux khawm uik**



**Keud ngie ka Khrit khaing**

- Ceu pa keud pa ce son cao tix, hoik loh mai keud ngie ka Khrit heue.

#### KH.Siyiex hoik liag (taoh) ka ex mai hoik pluat phimap ex



Phat ka Efesux 1:7

Sigang khri ah nin, *Ex mawh pwi pa hoik liag (redeemed) ka Nham Simiang Yesux* heue. Dee bleeh mawh patix lie?

Lai Romax 3:24 tiem ah nin, ... “kheu bwanson Siyiex, kix pon hoek krax rah krax see giex, ang tawx ngawh, kheu krax taoh pa koe ka daux Yesux Khrit ...”

Yam tiem Pawlux ka pwi Efesux bawg in, pwi kix tom nie hoik mawh siliex heue.

<b>Grawng dawd</b>
Lawg in mawh grawng
Bwanson pa dex mai
Khwan pa hoik tawx
Siyiex ka ex, ka daux
<b>Khrit heue.</b>
- Siyiex taoh ka ex mai
pluat phimap ex
- Kieh ex tawng krax
pa bak Tix
- Siyiex tawx lox sijax
mukheu ti sang tawx
sinngao tau mai
Yesux
- Hoik tawk cum ka ex
ka Khwan Singax
Singeuh

\* Efesux 1:3

## Tawx Bwanson pa dex mai khwan khankix ka pwi pa ot ka daux Khrit khawm uik- Baux 2

- Kix hoik koe cao, mai cao an simie ti yuh pa tix ka kix kawx chix tix heue.

- Ka: ang ex nyang pon krax taoh, ex kawx koe cao, mawh Satan heue. Ex kham ti yuh silex nawh heue.

Viang mawh nan, Siyiex ploi Yesux Khrit hoek kham ti yum tang ex heue.

Yesux Khrit hoik liag ka ex, ka daux lah **phimap** ka **Nham Cao Tix** heue.

- Nawh liag yuh ka mawx? Nawh liag ka ex khaing siliex phimap yuh ka mawx?

- Nawh hoik jah nham Tix ka son ex.

Siyiex hoik rieb ka pa yum Yesux, mai hoik kieh nham Nawh jah sonsang liag ka phimap ex tom kub heue.

### **- Keud sawn:**

*Yam kawn ot ex ka daux pa faik, ex yuh siliex phimap. Siliex hoik mawh cao tix heue. Ex yuh phimap kheu mawh ex kawn phimap.*

*Yam in ex hoik mawh cie Khrit. Nawh hoik tawx siawpsibrawm ka daux Khwan Singax Singeh sonsang pon tiebtie ka phimap heue. Ex ca kawn yuh phimap kheu mawh ex kawn phimap heue. Viang mawh nan, phan ex ting huan ka daux Khrit, krax im ju ex deeh plak jhi ka ceu pa hoik tawx Siyiex ka daux Khrit heue.*

*Phimap ang doh pon kwang ka ex tom rheung. Ex ot greem Cao pa Khraox, pa mawh Yesux Khrit heue.*

Grawhgrawng nawh, Yesux hoik ploi ka ex khaing pa giex pa gang Satan mai phimap heue. Ex chix ti moh ka Siyiex mai yuh kaing son Nawh awm pa koe rhawm tix phao heue.

Ex ang lai mawh pwi pa ciyang ka daux Adam. Hoik mawh pwi pa luan kheu Simiang Khrit heue.

Mawh kheu pa kied ting krax chaoxrhwam Siyiex, Siyiex hoik nyao pluat ka phimap ex heue.

Romax 6:6-7

Kawlawsie 1:14

Hebrie 10:12-14

Romax 6:11-14

Romax 6:23

1 Kawrinthux 2:6-10

Kawlawsie 1:13-14

2 Kawrinthux 4:4

## NG. Siyiex kieh ex tawng kaing pa bak Tix son sivoe pa sax

 Phat ka Efesux 1:8-10

Ka daux Khrit, Siyiex hoik kieh ex tawng pa hoik bak Tix son sivoe pasax heue.

Ka: ang ex nyang yumrhawm, ex ot ka daux pa faik heue. Satan hoik tie hoik thox ka ngai ex heue.

Ex hoik nied prah ka pa Mawh pa Meh, mai ex ang tawng ceu pa sang lih ti mawh pasax heue.

- Keud sawn:

*Pwi khankix nai bawg Yam mai mau khri tom nie, sonsang chix tawng grawng pa sang lih mawh ceu pa tix pa sax heue. Kix koe pa khirhawm ka grawng kuceu heue. Kix simie ti tawng grawng sang lih mawh pa tix Yam yum kix heue.*

*Viang mawh nan, ex pa yumrhwam ka Yesux, ang koe pa lhat pa graung ka singaix pasax. Viang chix koe pa nu pa sivix ka daux krax im ju kawx, ex tawng ka Khrit, ex ang koe pa khirhawm son ju Leeing ju heue.*

Ka daux Khrit, Siyiex hoik tawx krax tawng krax ur.g khaing Gumlox Nawk heue.

- Ex hoik tawng grawng sang laux yuh Simiang Yesux ka Satan mai ka pwi pa hawt khaix nawh khawm uik heue.

- Ex hoik tawng Simiang Yesux tag kwang piang ku kaux mai ka piang ku ceu awm cao prawng mai Khunhawkharn tix kuax heue.

- Keud sawn:

*Yam cao kaing: Yudax khankix chawk cheng ka Yesux, kix sawg grawng pa sang pon pah Nawk yum ka piang khaoxlhak heue.*

*Cao giex kaing li pa ting chawk ka Nawk ah nin, "Mawh Maix Khrit, Kawn cie pa ting Bwanson lie?"*



Phat ka Makux 14:62-65

*Pwi khankix saux rhawm, kheu kix keud Yesux pie ka kix heue.*

*Kix mawh pa ot ka daux khwan pa faik heue.*

*Kix ang tawng kaing pa sang yuh Siyiex pasax.*

*Kix ang tawng grawng sang kwang Simiang Yesux tingaix sax awm Khunhawkharn ka piang kuceu mai ka pwi khawm uik heue.*

Pwi tom nie ang tawng ka ceu in khankix.

Ex chix ti ah ting bwanson ka Simiang kheu Nawk tawx ceu pa chix yaox ka ceu in ka daux Khrit heue.

1 Thesalonix 4: 13-18

Plak Jhi 20:10-15

Plak Jhi 11:15

**S. Siyiex tawx lox mukheu sonsang mawh pa ih sin tau mai Simiang Yesux**



Phat ka Efesux 1:11

Yan hoik mawh Simiang Yesux Khunhawkharn ka piang kuceu mai ka piang pwi khawm uik, ex tag pon kuceu, pa koe ka daux Nawk heue.

Plak Jhi 22: 3-6

## Tawx Bwanson pa dex mai khwan khankix ka pwi pa ot ka daux Khrith khawm uik- Baux 2

 Phat ka Efesux 1:12

Yam kwang Simiang Yesux Khrith mai yam pon ex ceu pa koe ka daux Nawn ku ceu, ang mawh ex pa pon krax yaogyaw awawx. Mawh ngie Siyex tix kaux khaing pa keung ti pon pa yaogyaw.

- Bwanson plak khwan mai bwanson raoma kuceu hoik tawx ka ex heue.
- Ex ang koe graghgrawng pa sang yaw ka tokaux tix.
- Mawh Simiang Siyex nong nong pa keung ex ti Yaogyaw heue.

Yakop 1:17

Yudax 25:  
Plak Jhi 5:9-13

## SH. Siyex hoik tawk cum ka ex ka Khwan Singax Singeh

 Phat ka Efesux 1:13

Siyex tawx Khwan Singax Singeh ka ex yam yumrhawm ex ka Simiang Yesux mawh Cao Taoh Tix dom an heue.

Siyex hoik teei nham Kawn Tix Yesux Khrith, mai hoik liag ka ex, mai Nawn hoik tawk cum grawng hoik mawh ex cie Nawn heue.

### - Pa mhai tawng:

*Didix, tom hoek bawgyam baux ghoik 20 siyieh num, lai khankix tawb ka ten mai tang tawk cum tix kieh mawh mhai cie heue. Yam an dix, pwi shiao ceep gien khankix mawh cum tix heue.*

*Cum hoik mhai ti deuh sidawng, mawh pwi mawx pa mawh Cao pa tiem ka lai heue. Cum hoik mhai ti deuh cao tiem ka lai heue. Cum tiebtie sonsang ang pwi pon yuh lai pie lai jhiien (imitate) heue.*

Yumrhawm ex ka Yesux dom an, Siyex tawk cum Tix ka ex sonsang plak jhi grawng mawh ex cie Nawn heue.

Cum pa tawk Siyex ka ex mawh Khwan Singax Singeh Nawn heue.

Kheu yumrhawm ex ka Khrith, tawk ex ka Khwan Singax Singeh, mawh kheu nan Satan ang lai chix ti ah mawh cie tix heue.

 Phat ka Romax 8:38-39

## NY. Pa ot Khwan Singax Singeh ka daux ex, mawh gawng (guarantee) pa tawx Siyex sonsang mawh pa taoh son pasax (future deliver ance) heue.

 Phat ka Efesux 1:14

Khwan Singax Singeh hoik mawh gawng pa tawx Siyex, pa hoik plak jhi ka grawng sang teei Nawn ka ex ing ka Meung Raoma heue.

Phuk lai sigang khri ah nin, ka daux Meung Raoma, phimap ang koe, pa saux pa ngia ang koe, pa yum ang koe.

Plak Jhi 21:4

- Keud sawn:

Viang Yesux hoik jah nham ka piang khaoxlhak mai hoik ghoik tawx ngawh ka son ex kawx, tokaux ex ca kawn yuh phimap, ca koe krax saux krax ngia mai krax yum heue.

Viang mawh nan, Khwan Singax Singeh mawh gawng(guarantee) pa yuh Siyiex ka daux tokaux ex, grawng sang hoek Simiang Yesux mai kieh tokaux ex luan khaing phimap, pa saux pa ngia mai krax yum mai tag yuh ex mawh awm Tokaux Tix heue.

Simiang Yesux tag teei ex ot leeing ju mai Tix ka daux Meung Raoma heue.



Phat ka Romax 8:11

Ka daux Meung Raoma, ex tag yaox grawng ting lhaong Siyiex miex ding heue.

Ka daux Meung Raoma long, ex tag yaogyaw mai ah lox ting bwanson ka Nawh leeing ju heue.

2 Kawrinthux 4:16 tom hoek  
5:15

1 Thesalonix 4:17

Plak Jhi 5:13

## T. Lox nyep

Ka piang haktiex in pwi tom nie ang koe ceu pa keud pot, mai ang koe krax tawng krax yung ka Siyiex kawx, phan mawh ex mawh pa pon bwanson khaing Siyiex heue.

### Pakpeung joh ngai

Ka daux Adain	Ka daux Khrit
Thiang ti tik	Laug ti teei
Kawn phimap	Singax, ang mawh kawn phimap
Ot plak praix nyiex ma Siyiex	Mawh kawn lih Siyiex
Mawh Siliex phimap	Hoik liag ti teei khaing phimap
Prawng ka phimap	Pluat ka phimap
Ang tawng ka pa bak Siyiex	Yaox ka pa hoik bak Siyiex
Ang koe Khwan Singax Singeh	Tawk cum ka Khwan Singax Singeh
Sipub krax ciyang phimap leeing ju	Pon sin leeing ju ka daux Khrit

Ka daux Khrit ex mawh - pa hoik laug Siyiex  
 - singax mai ang koe phimap  
 - ca kieh ex mawh kawn lih Tix  
 - hoik liag ti teei ex ka nham Yesux

## **Tawx Bwanson pa dex mai khwan khankix ka pwi pa ot ka daux Khrit khawm uik- Baux 2**

- phimap ex hoik pluat
- kieh ex chix yaox ka pa hoik bak Nawh
- hoik tawk cum ka ex ka Khwan Singax Singeh Tix
- hoik tawx lox mukheu ka ex sonsang mawh pa ih ka sin Nawh leeing ju ka daux Khrit heue.

Ex hoik tawng grawng sang ot ex leeing ju tau mai Khrit ka daux Meung raoma heue. Ex ah ting bwanson ka Siyiex son bwanson pa yuh Nawh son ex ka daux Khrit.

### **Lox chawk**

1.Siyiex plak jhi pa tix ka ex ka grawng pasax lie?

*Siyiex hoik tawx krax tawng krax yung, mawh kheu nan, ex tom tawng grawng sang yieh Simiang Yesux ka Satan mai ka pwi pa hawt khaix nawh khankix heue. Simiang Yesux tag kwang ka ex ku kaux, mai ka kuceu, awm cao prawng mai Khunhawhham heue. (Efesux 1:10)*

2.Mawx pa sang pon krax yaogyaw kheu pon ex krax taoh lie?

*Mawh Siyiex. (Efesux 1:12)*

3.Siyiex deuh mhai sakse pa tix sonsang plak jhi grawng mawh ex kawn-praix cie Tix lie?

*Nawh tawk cum Khwan Singax Singeh Tix ka daux ex heue. (Efesux 1:13)*

4.Pawlux krai ah nin,.. “ *Khwan an mawh gawng ka grawng sin ex, tom bawg yam sang taoh Nawh Cao cie tokaux Tix, sonsang yaogyaw min plakngai Nawh heue*”. Dee bleeh mawh pa tix lie?

*Dee bleeh mawh nin, Khwan Singax mawh gawng pa tawx Siyiex ka son ex, tom bawg yam hoek teei Simiang Yesux ka ex ti ot tau mai Nawh ka daux Meung Raoma heue. (Efesux 1:14).*

## Lawg Gau [3]

### Pawlux rawg bwan bawg liang son kix pwi yumrhawm Efesux

#### K. Lox singeuh

Kawan Singax Singeh hoik tawk cum ka ex, awm hoik tawk ka pwi veng Efesux heue.\*

- Ex hoik pon bwanson ka daux meung raoma, bwanson pa dex mai khwan pu koe ka daux Cao Khrit heue.

Viang mawh nan, ex ang chix yaox ka bwanson khankix ka ngai tix.

Kheu patix ang chix yaox lie? Kheu mawh bwanson pa dex mai khwan, ang mawh ceu pa chix tee, ceu pa chix giex, ceu pa chix yaox ex.

Phan mawh nan, sang chix tawng ex ka bwanson ankix yuh ka mawx?

Sang nie chix tawng ex ka Siyiex yuh ka mawx?

#### KH. Pawlux ah lox ting bwanson ka Simiang son krax moh mai krax yumrhawm kix pwi Efesux



Phak lai Efesux 1:15-16

Pawlux ah lox ting bwanson mai yaogyaw ka Simiang son pa ting riang pa koe ka daux kix mai son krax yumrhawm pa kaux cong kix, pwi Efesux heue.

Kix een rhawm tix ka Simiang Yesux khaing heue.

Krax Yumrhawm ka Simiang Yesux, mawh pa ting ceu ka daux krax im ju ex ka piang haktiex in heue.

- Kheu yumrhawm ka loxbwan, ex tom pon krax taoh heue.

- Kheu yumrhawm ka Simiang mai ka lox mukheu Nawh, ex tom chix ti im ju awm pwi pa yumrhawm ka Cao Khrit heue.

#### - Keud sawn:

*Ex, keud yuh ka mawx? Yumrhawm ex ka Simiang ka daux krax im ju ex kusingaix lie? Lox mukheu Nawh mawh lox mukheu tete telai lie? Mawh yumrhawm ex tete lie?*

Pawlux yaogyaw mai ah lox ting bwanson ka Simiang, grawhgrawng nawh, pwi veng Efesux pa yumrhawm khankix moh ka pwi pa singax khankix khawm uik heue.

#### - Keud sawn:

*“ Pwi pa singax ” ah ka pwi pa yumrhawm khawm uik heue.*

*Ka daux Khrit, Siyiex hoik tang gwieh ti deuh, phan ang mawh nan hoik yuh kieh singax ka pwi yumrhawm khawm uik heue.*

<p style="text-align: right;"><b>Grawng dawd</b></p> <p style="text-align: right;"><b>Krai grawng rawg Pawlux bwan son Efesux:</b></p> <ul style="list-style-type: none"> <li>- sonsang nie lheu tawng ka Siyiex mhawm nhawm</li> <li>- sonsang tawng mai keud pot ka pa kok Siyiex ka daux Cao Khrit</li> <li>- sonsang tawng grawng mawh kix sin cie Khrit</li> <li>- sonsang tawng, siawp sibrawm Siyiex mawh sibrawm pa kied ting ka piang pwi pa yum-rhawm ka daux Khrit</li> <li>- sonsang tawng ka glhawk pa yaog Siyiex ka Simiang Yesux Khrit</li> </ul>
---

\* Efesux 1:13-14

1 Kawrinthux 1:2

## *Pawlux rawg bwan bawg liang son kix pwi yumrhawm Efesux*

Pwi Efesux pa yumrhawm khankix, moh tix kaux lai tix kaux awm pa moh Siyiex heue.

### - Sanglang:

*Plak lox Greg (Helasax), ngai lai pa shiao son krax moh mawh agape heue. Ka daux lai in ex ah ka krax moh Siyiex, pa lih koe ka daux rhawmrhi pwi pa yumrhawm kheu Khwan Singax Singeh heue.*

Krax moh Siyiex kied sidaing tang khaing, krax moh pa tawng ex kawn pwi heue.

- Krax moh Siyiex ang deuh num ka ceu pa pawk ex ka Nawh heue.

- Viang kawn pwi ang moh ka Siyiex kawx, Nawh moh ka kawn pwi.

### - Deeh ci: ti deuh

*Krax moh Yesux Khrit ting miex ding, hoik plak jhi ka piang khaoxlhak heue. Nawh hoik tawx Ju Tix son kawn phimap, lheu khaing an, Nawh kawn baox ploi phimap cie pwi pa plaux ka Nawh heue.*

Kheu pa tix pwi yumrhawm Efesux pon moh ka paox tix, ka daux krax pa moh ceu in lie?

I Kawrinthux 13:1-7.  
Kalatix 5:22

I Yohan 3:16

Yohan 3:16  
Romax 5: 6-8

Kheu kix tawx akhwang ka Yesux Khrit, sonsang groi Khwan Singax Singeh ka kix ka daux krax im ju kix heue.

Romax 5:6

Phan ex kieh Khwan Singax Singeh ot ka daux ex, krax moh Cao Khrit tag ot ka daux ex heue.

## NGPawlux rawg bwan, sonsang koe pwi Efesux ka *Khwan pa chix yaox* ( spiritual insight) mai grum tawng (full knowledge) ka grawng Siyiex

 Phat ka Efesux 1:17

Pwi yumrhawm Efesux khankix ting riang ka daux krax yumrhawm mai moh ka paox tix, tix kaux lai tix kaux heue.

Pawlux rawg bwan son kix, sonsang ting lhaong krax tawng krax yung ka Siyiex heue.

### - Keud sawn:

Mawh ah Pawlux *ti sang kraix khrawm ka grawhgrawng Siyiex lie?*

*Ang mawh. Nawh krai grawng pa tawng nawh ka Siyiex, pa mawh Keeing raoma. Nawh tawng kheu nawh phat ka Gumlox Siyiex heue. Phuk lai sigang khri gau ex tawng:*

*- Siyiex mawh mawx ? Jhawm been (character) Siyiex mawh pa tix? Kaing yuh Nawh pa ting sibrawm ( His mighty works) mawh pa tix? ceu in khankix heue.*

*Siyiex simie ex tawng ka Tix awm tawng ex ka Pwi tix kaux heue.*

**Pawlux rawg bwan bawg liang son kix pwi yumrhawm Efesux**

Nawh hoik sau Khwan Tix ka daux ex sonsang tawng ex ka  
Nawh mhawm mhawm heue.

- Keud sawn:

*Ex tawng ka paox tix, meed ka paox tix yuh ka mawx? Phan ex ang tawx bawgyam sikah, ex ang chix meed ka paox tix.*

*Pa yuh ex paoxpie ka Siyiex kawx awm an heue. Phan ex nie tawx bawgyam ka Gumlox Nawh ang ah, ka daux krax rawg bwan ang ah, ka daux pa **keud dum** (meditate) ka Gumlox Nawh ang ah, paox pie pa yuh ex ka Nawh nie raux, nie cong heue.*

Glang ot ex ka piang haktiex in, Siyiex simie ex ting huan sijheeng ka daux krax tawng krax yung ka Nawh heue.

- Keud sawn:

*Yam hoik keh ex ka daux nyiexma Siyiex, Nawh deuh ex mawh glhawk kawn riex ju (adult children) heue. Nawh tawx bwanson pa dex mai khwan khankix ka ex, kheu ot ex ka daux Khrit heue.*

*Siyiex tawx ceu inkix khawm uik, yam keh ex plak khwan dom an ka daux nyiexma Siyiex heue.*

*Viang mawh nan, ex ang nyang pon pa im ju awm pwi pa hoik riex plak Khwan dom an, mai ang nyang pon ti cie ka ceu pa hoik tawx Nawh khawm uik heue.*

*Kheu pa tix lie? Kheu kawn mawh ex kawn iak ka daux krax tawng krax yung plak khwan (**spiritual understanding**) heue.*

- Keud sawn:

*Kawn iak khankix yuh ti tawng ka ceu pa hoik tawng pwi riex ju (pwi ting) yuh ka mawx?*

*Kix lo ti jhak, lo ti gau ka ceu pa yuh pwi heue. Phan yuh nan, kix tag ting lhaong ka daux krax tawng krax yung kix heue.*

Awm an, Siyiex sidiex ka ex ka daux Khwan Singax Singeh Nawh, mai glhawk ex tom ting huan mai lih mawh pa riex ju ka daux nyiexma Siyiex heue.

- Nawh sidiex sonsang tawng ex ka Krax pa bak Nawh heue.

- Nawh tawx ka ex khwan pa chix yaox (spiritual insight), sonsang chix yaox ex ka ceu pa bak Nawh mai yuh awm Gumlox Nawh heue.

Ex ang chix pon ceu inkix khaing pa chix pa tawng kawn pwi.

Ceu inkix chix ti gau khaing Khwan Singax Singeh pa hoik tawx Siyiex ka ex heue.

 Phat ka Yohan 14:16-17,26; 16:12-14.

Pa tawng ex sidawng mawh nin, Siyiex hoik tawx Khwan Singax Singeh ka ex heue.

Ex tawng, Siyiex simie ex tawng ka Tix heue.

Philippix 3:7-11

Romax 8: 14-17

I Petrux 2:2

Philippix 1:9-11

## **Pawlux rawg bwan bawg liang son kix pwi yumrhawm Efesux**

Mawh kheu nan, ex chix mhaing ka Siyiex sonsang kieh Khwan Singax Singeh gau sawn ka ex, ka ceu pa hoik rawg Pawlux son pwi yumrhawm Efesux heue.

Yohan 17:3

### **S. Pawlux rawg bwan, son pwi yumrhawm Efesux sonsang tawng kix ka pa keud pot jun pot pa hoik kok ka kix**

 Phat ka Efesux 1:18

Ex baox phat ka baux in tix bawg.

Pawlux rawg bwan yuh nin, “... *sonsang tawx ngai pa riieng pa tawng pa yung* (*eyes of understanding*), *sonsang tawng pex pa keud pot jun pot ka pa kok Nawh ...*”

Ceu pa hoik bak Siyiex son ex, nie lheu ting khaing ceu pa tawng ex ka piang haktiex in heue.

Siyiex hoik baox thie pa chix yaox ex (added insight) mawh kheu nan ex koe pa keud pot viang ex ot ka daux pa tuktiak kawx heue.

2 Kawrinthux 4:13-18:  
5:1-8

#### **- Keud sawn:**

*Im ju ka piang haktiex in ang mawh pa yie son pwi pa yumrhawm ka Khrit. Sonsang tawng ex ka ceu pa hoik bak Siyiex ka son ex, mawh pa kied ting ceu heue.*

*Pwi yumrhawm pa hoik sax sipub pa chawk pa cheng pa kin khankix, krai grawng koe pa keud pot leeing ju (eternal perspective) heue. Kheu bwanson pa chaoxrhawm Siyiex, kix chix yaox ceu pa kharhawm tin piang haktiex khaing pa riieng leeing ju heue.*

Romax 8:18

*Ex hoik tawng grawng sang ot ex leeing ju tau mai Khrit - dee ang koe phimap, dee ang koe pa saux pa ngia, dee ang koe pa khirhawm khirhi. Pa kharhawm ceu pa yaox ex inkix thai loh krax keud krax yaox ex (our view) heue. Krax im ju ex piang haktiex mawh tivud khaing. Ang doh chix tiag ka ju pa im leeing ju ka daux Meung Raoma tau mai Khrit heue.*

Pwi yumrhawm Efesux khankix keud pot ka grawng pa tag sang yuh Siyiex ceu pa Ting ka son kix heue.

Viang mawh nan, sonsang nie chix sidawng kix, mai nie lheu chix tawng kix, Pawlux rawg Simiang gau ka kix heue.

- Son pwi pa yumrhawm ka Khrit, Siyiex hoik bak hoik khre ti deuh ceu pa daox pa am khankix heue.

1 Thesalonix 4:16-18

- Simiang Yesux tag deeh hoek teei ka ex pwi pa yumrhawm khawm uik ing mai Nawh ka Meung Raoma heue.

Nie lheu gau ex ti tawng ka ceu pa hoik bak Siyiex ka son ex, nie lheu chix keud pot ka singaix pa sang hoek Simiang heue.

Mai rhawmrhi ex nie kaux cong son pa tuktiak pa sang pub ex ka piang haktiex in heue.

## *Pawlux rawg bwan bawg liang son kix pwi yumrhawm Efesux*

Pakpeung joh ngai:

Krax Im Ju ka daux

Meung Raoma:

- **Min Plakngai**

- **Lleeing ju leeing phan**

*Kheu krax yumrhawm  
ex koe pa keud pot*

Krax Im Ju piang haktiex

- **Koe ceu pa sivix (pa nu)**

- **Ot tivud khaing**

**SH. Pawlux rawg bwan sonsang tawng pwi Efesux ka sinngao Siyiex  
pa mi mai min plakngai , ka daux pwi rah pwi see khankix.**



Phat ka Efesux 1:18

Ex hoik pon sin pa koe ka daux Simiang Yesux heue.

Ex pon kuceu pa koe ka daux Simiang Yesux, kheu hoik yuh ka ex mawh tix mu ka daux Nawh heue.

Ka daux phuk lai, Efesux 1:18 ah nin, ex mawh cie Nawh- mawh kheu nan, ex mawh **sinngao** cie Nawh heue.

- Simiang Yesux hoek ka piang haktiex in, mai tawx **Nham Tix** ka son ex heue.

- Yamin, ex hoik mawh **Sinngao** cie Nawh, mai hoik mawh pa kied koe ngawh jum son Nawh heue.

Mawh kheu nan Pawlux rawg bwan, sonsang tawng pwi pa yumrhawm khankix ka grawng mawh kix **sinngao** pa koe ngawh jum son Simiang heue.

- **Keud sawn:**

*Rhawm ex yie chix keud ka grawng pa shiang mai haktiex in heue. Ceu pa yaox, pa mhong ex chix kieh ex singai khaing Siyiex heue. Chix laux yuh ka paoxpie pa yuh ex ka Siyiex heue.*

*Mawh kheu nan, ex mhaing ka Siyiex sonsang gau ex tawng ka grawng ang ex lai mawh cie ex, mawh ngie **sinngao** cie Nawh khaing heue.*

*Yesux Khrit hoik tawx Nham Tix ka son ex. Mawh kheu nan, krax im ju ex ang lai mawh cie ex. Caw ti mawh krax im ju pa lih min plakngai son Yesux heue.*

1 Petrus 1:18-19

## *Pawlux rawg bwan bawg liang son kix pwi yumrhawm Efesux*

**NY.Pawlux rawg bwan sonsang chix tawng pwi yumrhawm Efesux**  
**khankix ka grawng pa kied ting siawpsibrawm Siyiex (exceeding greatness of God's power) son pwi yumrhawm kukaux heue.**

Phat ka Efesux 1:19-20

- Keud sawn:

*Yam krai ex grawhgrawng tix ceuceu, ex sawg lox tiag pa nie blong sidawng heue. Ex chix ah, “ Sidah khoek an, nyao yuh pa khreeing khawm uik.”*

*Viang mawh nan, yam simie Siyiex krai ex mhong ka grawng siawp sibrawm Nawh, Nawh shiao lox tiag pa blong sidawng ceu patix?*

*Nawh krai ex mhong grawng pa ting siawpsibrawm Tix miex ding heue. Siawpsibrawm Nawh pon yaog Yesux Khrit kaoh khaing pa yum heue.*

*Ka daux ceu pa hoik phan hoik yuh khankix, tix ceu kawx ang chix tiag ka siawpsibrawm Siyiex. Nawh yaog Yesux Khrit kaoh khaing pa yum, hoik mawh pa pex ka phimap heue.*

Yesux Khrit hoik sipub krax yum son ex, hoik deeh kaoh mai hoik haok ing ot ka plak taix khawn dawm Siyiex heue.

In mawh siawpsibrawm pa koe Siyiex, son pwi pa yumrhawm khawm uik heue.

1 Petrux 3:22

Phat ka Romax 8:11

Siyiex tag yaog tokaux ex kaoh khaing pa yum heue.

Nawh tag loh kix mawh pwi pa ang lai koe phimap, pa ang koe pa saux pa ngia mai pa ang koe pa yum heue.

1 Kawrinthux 15:51-58

- Simiang Siyiex tag viex ex haok ing ka Meung Raoma tau mai Nawh heue.

- Satan ang lai baox chix nyaw ka ex.

Mawh kheu nan, ex kawx chix ti mhaing ka Keeing raoma sonsang gau ka ex sijheeing:

- Sonsang tawng ex ka kaing pa yuh siawpsibrawm Siyiex khaing Khwan Singax Singeh pa lih ot ka daux ex heue.

- Sonsang tawng ex ka grawng ot Khwan Nawh mai yuh kaing ka daux ex yamin mai tom yaox ex ti ot tau mai Simiang Yesux ka daux Meung Raoma heue.

*Pawlux rawg bwan bawg liang son kix pwi yumrhawm Efesux*

**Pakpeung joh ngai**

**Siawpsibrawm Siyiex ka daux Khrit**

**Viex ex hu ka  
Meung Raoma**

**Ot ka daux  
krax im ju ex**

**Sonsang  
Taoh ka ex**


**T. Siyiex yaog min Simiang Yesux Khrit**

Pawlux krai ex mhong grawng yaog Siyiex ka min Simiang Yesux Khrit khaix hoik kaoh Yesux khaing pa yum heue.



Phat ka Efesux 1:21

**Pakpeung joh ngai**



Siyiex yaog min Simiang Yesux Khrit ting-

- Ka piang kawncao raoma pa krub ka Nawh khawm uik.
- Ka piang Satan mai phicaox pa hawt khaix nawh khankix.
- Ka piang kawn pwi khawm uik leeing ju leeing phan.

Philippians 2: 9-11

## *Pawlux rawg bwan bawg liang son kix pwi yumrhawm Efesux*

 Phat ka Efesux 1:22-23

Siyiex tawx Simiang Yesux ot ka glhawk pa mawh Kaing:, ka piang Ceucao Nawn heue. Ceucao mawh Tokaux Yesux heue.

Ceucao jah ti koe singaix pawie Pientekote, yam lih hoek ot Khwan Singax Singeh ka daux kawnpraix Siyiex sijheeng heue.

Jah bawgyam an, pwi yumrhawm khawm uik mawh kawn nyiexma Ceucao heue.

Yesux Khrit mawh Kaing: Ceucao heue.Ceucao mawh Tokaux Nawn.

- Nawn mawh Cao kaing: mai koe siawpsibrawm ka piang pwi yumrhawm khawm uik heue.
- Siawpsibrawm Nawn khawm uik lih ot ka daux ex heue. Ex kaux mawx kaux an, mawh kawn nyiexma pa ot ka daux Kaux Nawn eue.

Kawlawsie 1:17-20

### T. Lox nyee

Siyiex ex mawh Siyiex pa caw ex ti lhat graung heue.

Nawn simie ex tawng, krax Moh ting miex ding mai Siawpsibrawm Nawn raux miex ding heue.

Kheu ot Khwan Singax Singeh Nawn ka daux ex, Nawn chix gau sidiex ka ex, sonsang ting krax tawng krax yung ka grawng Nawn heue.

Ex ah lox ting bwanson ka Nawn, son Siawpsibrawm mai son pa Moh Nawn ka ex, mai son kaing pa ting pa hoik cox Nawn son ex ka daux Meung Raoma heue.

### Lox chawk

1.Pawlux mhong ka grawng Efesux ceu patix, sonsang kieh nawn ah lox ting bwanson ka Siyiex lie?

*Pawlux mhong krax yumrhawm kix ka Simiang Yesux mai krax moh kix ka pwi pa yumrhawm khawm uik ka daux Khrit heue.*

 Phat ka Efesux 1: 15-16

2.Mawx chix gau sawn ka ex sonsang mawh ex kawn riex glhawk ka daux nyiexma Siyiex mai sonsang pon ex ka bwanson pa dex mai khwan khankix, pa tawx Siyiex kheu Simiang Yesux Khrit lie?

*Mawh Siyiex pa pon sidiex ka ex sonsang tawng ex, Krax pa cox Nawn mai sonsang tawx ka ex Khwan pa chix yaox (spiritual insight) ka ex kukaux heue. (Phat ka Efesux 1:17)*

3.Pa keud pot pa ting ceu son pwi pa yumrhawm khawm uik mawh pa tix?  
*Pa keud pot ex mawh pa sang deeh hoek Simiang Yesux mai keud pot ka sonsang yaox ti ot tau mai Nawn leeing ju heue.*

*Pawlux rawg bwan bawg liang son kix pwi yumrhawm Efesux*

*Nawh tag yuh tokaux ex awm Tokaux Cao tix. Tokaux pa ang lai yuh phimap, tokaux pa ang lai koe pa saux pa ngia mai pa yum heue.*

4. Sinngao cie Simiang Yesux mawh pa tix?

*Mawh kawn praix Nawh khankix, pa hoik liag ka Nham Cao Tix heue. ( Phat ka Efesux 1:18).*

5. Sibrawm Siyiex pa ot ka daux ex pwi pa yumrhawm mawh pa kied ting heue. Grawng pa ting sibrawm Nawh, tiag Siyiex ka ceu tix lie?

*Siyiex tiag ka siawpsibrawm pa yaog Nawh kaoh ka Simiang Yesux Khrit khaing pa yum, mai tawx Nawh ot plak taix khawn dawm Siyiex heue. Siyiex tawx sibrawm ka Nawh, ka piang kawncau raoma khawm uik, ka piang Satan mai phicaox pa hawt khaix Nawh khawm uik, mai ka piang pwi khawm uik mai piang Ceucao heue. ( Phat Efesux 1:19-23)*

6. Yesux mawh Kaing: ka Ceucao Nawh heue. Dee bleeh lox an, mawh pa tix lie?

*Dee bleeh ah nin, Simiang Yesux mawh Cao, mawh Cao kaing: mai mawh siawpsibrawm ka piang pwi pa yumrhawm khawm uik heue.*

## Lawg Gau [4]

**Krax im ju pwi pa Yumrhawm ka daux singaix pa hoik luan, ka daux singaix yamin mai ka daux singaix pasax**

### K. Lox singeuh

Ex sax mhong lox pa ah, “Tang tawng ka tokaux tix- yuh ti tawng ka mawh maix pwi mawx- kieh mawh awm pa s’mie maix ti mawh ka tokaux tix.”


Yam deeh jhak ex ka tokaux tix, ex kied lauxrhawm kah heue.

Ka daux lai tawx Cao Pawlux ka Efesux, Siyiex kieh ex doh keud ka jhawm peung (identity) tokaux cao tix heue.

- Sivoe ang ex nyang pon krax taoh
- Krax im ju ex yamin, (khaix hoik pon ex krax taoh khaing siawp sibrawm Siyiex kheu Yesux Khrit).
- Krax im ju ex pasax ka daux Khrit.

### KH. In mawh krax im ju ka daux singaix pa hoik luan


#### 1. Ex mawh pwi pa yum ka daux pa phit pa lud mai ka daux phimap phigrham



Phat ka Efesux 2:1

Pawlux ah nin,... “....hoik yum pex kheu pa phit pa lud mai phimap phigrham..”

Ka: ang ex yumrhawm ka Simiang Yesux mawh Cao Taoh tix, ex mawh pa yum plak khwan heue. Kheu mawh ex kawnpraix Adam, ex khawm uik mawh khwan pa hoik yum yam keh tix mai hoik singai khaing Siyiex heue.



Phat ka Romax 5:12

Ex khawm uik mawh kawn phimap tom yam jah ti keh heue.

Lai Romax 6:23 ah nin, “..ngawh riang phimap mawh krax yum..”

Viang tokaux ex klawd kawx, hoik mawh pa yum ka Siyiex heue. Hoik tang hu khaing Siyiex heue.

- Ex ang lai chix tawng ka Siyiex mai Krax pa bak Nawh.
  - Ex ang lai chix moh ka Siyiex, mai ang lai chix cunghiet ka Siyiex.
- Pawlux ah nin, ex mawh pa yum sivoe ngai Siyiex, kheu pa phit pa lud yuh ex heue.
- “Phit” pa ah ex mawh pa khukhlaik krax hu tix, phan ang mawh nan mawh pa lud hu khaing krax pa bak Siyiex heue.
  - Mawh pa tang hu krax hu tix, ang lai mawh krax pa cox Siyiex.

### Grawng dawd

Lawg in, gau ex tawng, grawng kleuk pwi yumrhawm ka Siyiex yuh ka mawx da daux singaix pa hoik luan, ka daux singaix yamin mai ka daux singaix pasax heue.

Deuh kaing: ting ka grawng Simiang Yesux Khirt mai siawpsi-brawm, pa chix kieh thai loh ka pwi pa yumrhawm heue.

## *Krax im ju cie pwi Yumrhawm singaix pa hoik luan,daux singaix mai pasax*

Adam mai pwi haktiex khawm uik, hoik khukhlaik khaing krax pa cox Siyiex son kix heue.

- Mawh kheu jao in, ex mawh pwi grai - hoik tang hu khaing Siyiex, hoik mawh pa yum ka Siyiex heue.

- Kheu jao in, pwi pa ang yumrhawm khankix ca kawn mawh pa yum sivoe ngai Siyiex heue.

Cao Pawlux ah nin, ex hoik yum sivoe ngai Siyiex, kheu phimap ex heue.

- “**Phimap**” koe dee bleeh yuh nin, kuklieh khaing dee mhai pa bak Siyiex, kukleh khaing dee pa khaw ex ti bleeh heue.

- Koe dee bleeh yuh nin, ex ang bleeh ka mhai pa deuh Siyiex ka son ex awm pa koe ka daux gumlox Nawh heue.

- **Keud Sawn:**

*Siyiex ah nin, kheu Adam, pwi khawm uik mawh pa yum ka Nawh, heue. Mai ex khawm uik hoik kuklieh ka mhai pa bak Siyiex ka son ex heue.*

*Mhai an mawh pa tix lie?*

*Sonsang mawh pa grum mhawm awm Siyiex heue.*

Yesux mawh pa grum mhawm tix kaux khaing heue.

- Yam ot Nawh ka piang haktiex, Nawh yuh awm pa krai Keeing Nawh ka Tix heue.

- Pwi pa cu nghiet ka gumlox Siyiex tom naog ang koe tix kaux kawx.

 Phat ka Romax 3:23

### **2. Ex ot awm alo rhawmrhi haktiex in.**

 Deeh phat ka Efesux 2:2

Pawlux ah nin, “ pa hoik sax hu pex, awm pa khaw mai been haktiex ”

Ka: sang keh ex ka daux nyiexma Siyiex, ex tang hu ka krax tix, ang hu ka krax pa cox Siyiex ka son ex heue.

Mawh pakpeung rhawm keud (attitudes), jhawm keud (opinion), ngawh jum (value) mai ceu pa bak (aims) pwi haktiex khankix pa kwang ka ex mai pa thung ka ex heue.

2 Kawrinthx 4:4

1 Petrux 1:18

Ex hoik tang hu khaing Siyiex mai ang lai cai ka Nawh mai ang lai moh ka Krax pa cox Nawh, awm haktiex pa ang yumrhawm heue.

### **3. Ex Im ju awm alo Satan**

Mawh mawx pa thung ka pwi pa ang yumrhawm lie?

Mawh Satan.

 Phat ka Efesux 2:2

## **Krax im ju cie pwi Yumrhawm singaix pa hoik luan,daux singaix mai pasax**

Ka: ang Yesux nyang taoh ka ex, ex im ju ka daux alo Satan heue.  
 Satan thung ka rhawm ex, mai bung ex ang cu ti nghiet ka lox Siyiex.  
 Cao Pawlux kok Satan mawh, “...simiang siawpsibrawm bhaung...”

### **- Keud sawn:**

*Ex caw ti doh keud yuh nin, viang Satan mawh pa koe siawpsibrawm kawx, ang koe sibrawm ka dah.*

*Satan ang koe siawpsibrawm khawm uik awm pa koe Siyiex.*

*Satan ang chix ot ku dah jheeng jheeng.*

*Satan mai phicaox nawh khankix chix ot tix dah, ka daux bawg yam titiaix neh heue.*

## **4. Ex im ju ka daux krax pa ang cu nghiet ka Siyiex**

Phat ka Efesux 2:2

Yam im ju ex ka daux alo Satan, hoik awm ot ex ka daux pa tieh feen ka alo Siyiex heue.

Pwi pa yumrhawm khawm uik mawh, “..kawnpraix pa cu nghiet...”

## **5. Ex im ju awm alo rhawm pa caox pa caig**

Phat ka Efesux 2:3

Kheu mawh ex kawnpraix Adam, ex lih keh ka daux rhawm pa caox pa caig heue.

Sivoe keh ex baox tix bawg, rhawm pa caox pa caig kwang ka piang ex mai thung ka ceu pa keud ex, lox pa krai ex, mai pa yuh ex heue.

Phat ka Romax 8:5-9

In mawh krax im ju ex ka: ang ex nyang keh ka daux Khwan Singax Singeh heue.

## **6. Siyiex songrhawm ka ex**

Phat ka Efesux 2:3

Kheu mawh ex ...kawnpraix pa ang cunghiet.. ex mawh kawnpraix pa kieh Siyiex songrhawm ka tix heue.

Ex ot greem pa songrhawm Siyiex, kheu yuh ex ceu pa caox pa caig, ang mawh, mawh kheu ca ot ex ka daux pa ang cu ang nghiet heue.

Yohan 12:31;  
 1 Yohan 5:19

1 Kawrinthux 15:22

Yohan 3:36

Romax 1:18

**Ka: ang ex nyang keh ka daux nyiexma Siyiex mawh ex patix ?**

**Mawh nin:-**

- Mawh pa yum sivoe ngai Siyiex kheu pa phit pa lud mai phimap ex
- Pakpeung rhawm keud (attitudes), jhawm keud (opinion), ngawh

## **Krax im ju cie pwi Yumrhawm singaix pa hoik luan,daux singaix mai pasax**

rum (value) mai pa bak (aims) pwi haktiex khankix kwang mai thung ka ex heue.

- Satan kwang mai thung ka ex.
- Ca kawn im ju ka daux pa ang cu ang nghiet.
- Rhawm pa seeing pa brai ex, thung ka krax keud ex, ka lox sikah ex, mai ceu pa yuh ex.
- Im ju ka greem pa songrhawm Siyiex.

Ex ang koe pa keud pot mai ot awm Siyiex ang lai koe heue.

### **NG. Glhawk pwi pa yumrhawm ka daux singaix yamin**

- Glhawk ex daux singaix mawh tix lie?
- Yamin, maix koe pa keud pot lie?
- Mawx pa kieh maix mawh pwi pa tang khaing paox tix lie?

Mawh Siyiex pa kieh maix mawh pwi tang heue.

 Phat ka Efesux 2:4-6.

#### **- Tiag ti yaox:**

*Ka: ang Simiang nyang taoh ka ex, ex ot glhawk pa ang koe krax keud pot heue. Ex hoik awm pwi Isarilax pa kreeix sinax tab ceh simiang Pharaw mai Rawm Sigrit Sigra pa Raoh heue. Ang lai koe krax pa sang luan ka son kix. Mawh ngie Simiang Siyiex pa taoh ka kix mai Siyiex yuh son kix awm an heue.*

Lih Hu 14

*Ex kawx awm an, ang koe pa teem mai ang koe pa keud pot ka daux singaix pa hoik luan heue. "Viang mawh nan.... Siyiex..." vaoh ex kaoh khaing glhawk pa yum mai tawx ju pa dex mai Khwan khaing ka daux Simiang Yesux Khrit heue. Siyiex yuh yuh nan kheu Nawh mawh krax moh mai krax chaoxrhawm pa ang chix sidah heue.*

Glhawk ex yamin mawh "... pa ngawm ka daux Meung Raoma, ka daux Yesux Khrit heue."


Cao Pawlux sidiex grawng pa mawh pa meh in ka daux baux 4-6, pa hoik sidiex nawh ka daux Romax 6 heue.

- Simiang Yesux mawh pa yuh tang kawn Siyiex ku kaux heue.
- Mawh kheu nan, yam yum Nawh son ex, ex kawx yum tau mai Nawh.
- Yam kham Nawh pa sipaung, ex kawx hoik kham ti sipaung heue.
- Yam kaoh Nawh khaing krax yum, ex kawx kaoh khaing pa yum heue.

Cao Pawlux baox ah nin, yam Simiang Yesux ngawm plak taix khawn dawm Siyiex, ex kawx ngawm tau mai Nawh heue.

Krax im ju cie pwi Yumrhawm singaix pa hoik luan,daux singaix mai pasax

Rieng joh ngai:



Siyiex ah nin, ex ngawm tau mai Khrit ka daux Meung Raoma heue.

-Keud sawn:

Viang mawh nan maix tag keud yuh nin, "Aux tag ang ngawm ka daux Meung Raoma mai ang gauxrhawm ka ceu pa koe tan. Aux ot tin piang haktiex. Aux sipub pa kharhawm tom nie bawg heue."

Pa keud maix khaw heue.

Viang mawh nan, doh keud ka grawg pa tiem Cao Pawlux ka Pwi yumrhawm Romax awawx.

BOOK Phat ka Romax 8:17-18

Yam ot ex ka piang haktiex in, ex ang pon ceu pa koe ka daux Simiang Yesux khawm uik heue.

Viang mawh nan, yam deeh hoek Nawh , Nawh tag viex ex ing mai Nawh leeing ju leeing phan heue.

Yohan 14:3

-Rieng Pheksidawng (Illustration)

Ka daux phuk lai Samoelax, tiem ti deuh ah nin, Khunhawkham Sawlux tieh feen ka Siyiex heue. Mawh kheu nan, Siyiex laug Dawit sonsang plud dee ngawm Sawlux, mawh Khunhawkham Isarilax heue. Siyiex cau cao jhai Samoelax hu groi rawm bee ka Dawit, viang nawh kawn mawh kawn iak tix kaux heue.

1 Thesalonix 4:16-17

1 Samoelax 13:13-14; 16:1,13.

Viang mawh nan, Sawlux ang cu ti lih khaing ara khunhawkham. Nawh koeng ka Dawit mai sawg ti pah ka nawh heue. Sawlux hawt khaix Dawit ka daux tiag heue. Nawh ca deuh phimap ka piang Dawit mai sawg ti plaux ka nawh tom nie bawg heue.

Yam lih mawh ceu in kix, Dawit een rhawm tix ka Siyiex khaing heue. Nawh tiem lai Yaogyaw tom nie, yam ot nawh ka daux pa khirhawm heue. Dawit tawng sidawng grawng hoik laug Siyiex ka nawh mawh khunhawkham heue.

Ka: sang yaox nawh ti ngawm piang dangngeung khunhawkham, nawh yaox ti pau khix num tom nie heue. Viang mawh nan, nawh mawh khunhawkham dom an, yam hoik groi rawm bee ka nawh heue.

## **Krax im ju cie pwi Yumrhawm singaix pa hoik luan,daux singaix mai pasax**

Awm an, hoik laug ti teei ka ex sonsang pon sinngao leeing ju leeing phan heue.

- Ex mawh kawn praix Siyiex.
- Ex ngawm tau mai Cao Khrit ka daux Meung Raoma heue.


Viang ex sipub ka ceu pa kharhawm ka daux ju in nie ding nie dawd kawx, dee sang yaox ex ti ot ka piang Meung Raoma ang mawh nin, mawh dee koe pa nyawm rhawm heue.

Ex hoik yum tau mai Khrit, hoik sipaung tau mai Nawh, mai hoik kaoh tau mai Nawh, ex ot tau mai Nawh ka daux Meung Raoma heue.

Grawhgrawng nawh, Simiang Yesux ot ka daux Meung Raoma mai ceu pa lo ex koe tan heue.

- Siyiex ah nin, Nawh hoik kieh ex kaoh tau mai Simiang Yesux heue.
  - Mai Nawh hoik kieh ex ngawm plak khawn dawm Siyiex tau mai Simiang Yesux heue.
  - Mawh kheu nan, glhawk pa ot ex ka daux Khrit, hoik kieh ex luan khaing siawpsibrawm Satan, khaing phimap mai khaing pa yum heue.
- In mawh glhawk son pwi pa yumrhawm ku kaux yamin, khawm aux mai khawm maix heue.

### **Rieng joh ngai:**



*sibrawm phimap      pa nu pa sivix      pa nu pa sivix      pa nu pa sivix*  
*pa nu pa sivix      pa nu pa sivix      sibrawm Satan      pa nu pa sivix*  
*pa nu pa sivix      krax yum*

*Kheu mawh ex pa ot ka daux Simiang Yesux, ex pon riang rao mai bwanson khaing Nawh, sonsang pon kham ex pa kharhawm ka piang haktiex in heue.*

Hebrie 4:16

### **S. Singaix pasax son pwi pa yumrhawm( believer's future)**

Siyiex hoik krai ex mhong grawng ex pa hoik luan, mai grawng ex yamin, khaing Pawlux heue. Phan mawh nan grawng ex pasax mawh tix?



Phat ka Efesux 2:7

Pawlux ah nin, “ka daux ju pa sang hoek”( the ages to come), Keeing ex meung Raoma tag jhi ex yaox, krax moh Nawh ting miex ding, kheu mawh ex pwi pa ot ka daux Khrit heue.

## Krax im ju cie pwi Yumrhawm singaix pa hoik luan,daux singaix mai pasax

Nawh krai graghgrawng leeing ju ex pasax (our eternal future) heue.  
Ceu pa sang pon ex kuceu ka daux Meung Raoma, tag mawh kheu Simiang  
Yesux Khrit heue.

Siyiex moh ka Yesux mai hoik tawx kuceu ka Nawh mai ka ex, pwi pa  
hoik yumrhawm / een rhawm ka Nawh heue.

Efesux 1:3

## SH.Siyiex taoh ka pwi pa yumrhawm

 Phat ka Efesux 2:8-9

Pwi tix kaux kawx ang keung ti pon krax taoh mai pa pluat phimap khaing  
Siyiex.

Titux 3:3-5

### - Keud sawn:

Abelax,Sethax,Enawk,Abraham,Icak,Yakok,Yosiep,Mose,Arun,Yawsux,  
Dawit,Marix pa mawh miex Yesux, Yosiep, Yohan cao comrawm, kawncau  
ting kao ra kaux, Pawlux- mai can pwi tang kaux pa yumrhawm pa hoik  
pon krax taoh khankix( khawm maix mai aux)- hoik pon krax taoh kheu  
bwanson pa chaoxrhawm Siyiex heue.

Ex khawm uik keung ti pon pa ciyang khaing Siyiex heue.

Kheu krax moh mai krax chaoxrhawm Nawh kied ting, Nawh pluat ploi  
phimap ex mai rieb ka ex awm kawn lih Tix heue.

Sang rieb ex krax taoh Siyiex yuh ka mawx?

Mawh khaing pa yumrhawm heue. Ex yumrhawm mai een rhawm ka  
Simiang Yesux heue.

Mawh sax coca ex ti yuh tix ceuceu sonsang pon taoh ka tokaux tix lie?

Ang! Krax taoh mawh khawngphak pa pon ex giex khaing Siyiex, pa  
hoik bak Nawh mai pa hoik tawx Nawh ka ex heue.

Yohan 3:16

 Phat ka Romax 6:23

 Phat ka Efesux 2:10

Ex mawh rieng pa hoik that (designed) Siyiex mai mawh pa hoik yuh  
Siyiex ka taix Tix (crafted) heue.

### - Tiag lox:

*Phan pwi tawx simaox lung ka aux, aux tag keud an mawh suah  
heue.*

*Viang mawh an, phan tawx simaox paox pa awm an ka pwi pa klaing  
ka simaox siang, dom an nawh tawng simaox an mawh simaox pa  
khrawm tau mai siang simaox klai (diamond) heue. Kheu mawh  
nawh pa min ka kaing siang, nawh tag kit ti teei ka siang khaing  
simaox heue. Nawh tag sit mai cox jhawg ka siang heue. Mai  
deuh ka piang pheen pa koe grang heue.*

*Phan nawh viex siang simaox klai pa mhawm an hoek ka aux, aux  
tag ang doh pon ci: kheu siang an kaoh khaing simaox heue. Aux*

## **Krax im ju cie pwi Yumrhawm singaix pa hoik luan,daux singaix mai pasax**

tag daox mai chuh rhawm ka rhoi khaix taix cie kaw pa min ka  
kaing cied simaox heue.

*Ex kawx awm paox heue. Ka: ang pex nyang pon krax taoh, ex kawx awm simaox suah, pa caw ti taing kadaux mawnarhok heue. Viang mawh nan, Siyiex teei ka ex mai taoh ka ex heue. Mai cox jawg ka ex kieh awm Kawn Ai Tix, pa mawh Simiang Yesux heue.*

Ex mawh rhoi khaix taix Siyiex heue.

Siyiex yuh kaing ka daux krax im ju ex ku singaix, sonsang mawh ex awm pa bak Nawh ka ex heue.

 Phat ka Romax 8: 28-29.

Siyiex cox ex awm Yesux, pa mawh Kawn Simex Tix heue.

## **NY. Lox nyEEP**

Ex ah lox ting bwanson ka Simiang son krax im ju ex pa khraox pa tawx Nawh ka ex khaing Cao Khrit mai son dee pa ngawm ex tau mai Nawh ka daux Meung Raoma heue.

Ex ah lox ting bwanson ka Nawh, kheu ca kieh ex awm mai Kawn Simex Tix, pa mawh Yesux Khrit heue.

### **Lox chawk:**

1. “Ka: ang ex nyang pon krax taoh, ex mawh pa yum”, phuk lai ah nan heue. Dee bleeh sang ah patix lie?

*Viang tokaux ex mawh pa im kawx, ex mawh pa yum ka Siyiex heue. Mawh pa hoik singai khaing Siyiex heue. Mawh kheu nan ex ang chix tawng ka Siyiex mai krax pa bak Nawh heue. Ex ang chix moh ka Nawh mai ang chix cu nghiet ka Nawh heue.*

2. “Yuh pa phit” (trespass) ah ka patix, koe dee bleeh patix lie?

*“Phit” pa ah ex mawh pa khukhlaik krax hu tix, phan ang mawh nan mawh pa lud hu khaing krax pa khaw, pa hoik bak Siyiex heue. Mawh pa hu ka krax pa keud tix, ang hawt hu ka krax Siyiex.*

3. “Yuh phimap” ah ka ceu patix lie?

*Kuklieh khaing mhai pa bak Siyiex, dee pa caw ex ti bleeh heue. Ex ang bleeh ka mhai glhawk pa deuh Siyiex ka son ex, awm pa koe ka daux gumlox Nawh heue. (Romax 3:23)*

4. Sonsang plak jhi dee bleeh phimap, koe rieng phek sidawng (illustration) ka maix lie?

5. Ka: ang ex nyang pon krax taoh, mawx pa kwang mai mawx pa thung ka pakpeung rhawm keud (attitude), jhawm keud (opinion), mai ceu pa keud sawn ex lie?

*Krax im ju cie pwi Yumrhawm singaix pa hoik luan,daux singaix mai pasax*

*Mawh rhawm pa cai ka ceu pa caox, mai tokaux Satan pa kwang ka haktiex pa ang yumrhawm (unbelieving world).(Efesux 2:2).*

6. Ka: ang ex nyang pon krax taoh, rhawm pa cai ex, kwang ka ex yuh ka mawx?

*Mawh rhawm pa cai ka ceu pa caox, pa thung ka ex heue. Ex mawh kawn praix Adam, mai lih keh ka daux haktiex in tau mai rhawm pa cai ka pa caox- pa mawh rhawm pa yuh ka ceu pa hpit pa lud heue. (Phat ka Efesux 2:3, Romax 8:5-8).*

7. Ka daux phuk lai sigang khri pa prim, koe been pa krai grawng pa ang lai koe pa keud pot ka daux krax im ju tix heue. Been an mawh been pa tix?

*Pwi Isarilax ang lai kor pa keud pot ceeix kawx heue.Kix hoik kreeix kix sinax kru naing Pharaw mai Rawm Sigrit Sigra pa Raoh heue.*

8. Ka daux lai Efesux 2:6, Simiang krai ex mhong, dee pa sang yaox ex ti ot tau mau Yesux kheu mawh ex pwi pa yumrhawm heue. Dah dee an mawh dee mawx lie?

*Daux Meung Raoma. Ex ngawm tau mai Yesux, plak taix khawn dawm Siyiex ka daux Meung Raoma heue ( Phat ka Efesux 2:6)*

9. Ka daux lai Efesux 2:7, Simiang krai ex mhong yuh nin, Nawh tag sang plih ex yaox tix ceu son leeing ju leeing phan (for all eternity) khawm uik heue. An mawh pa tix lie?

*Nawh sang plih ex yaox leeing ju ka bwanson pa hoik tawx Nawh ka pinag ex ka daux Khrit.( Phat ka Efesux 2:8-9)*

10. Sang chix pon ex krax taoh, kheu kaing mhawm pa yuh ex lie?  
*Ang. Mawh kheu bwanson pa chaoxrhawm Siyiex mai kheu yumrhawm ex ka Simiang Yesux heue. ( Phat ka Efesux 2:8-9)*

11. Kheu patix ex mawh rhoi khaix taix Siyiex lie?

*Ka: ang ex nyang mawh Khrityan, Siyiex yaox ex mai hoik bak ti sang taoh ka ex heue. Khaix an:, Nawh yuh ex awm pakpeung Kawn Simex Tix, Simiang Yesux heue. Siyiex yuh kaing ka daux krax im ju ex, sonsang pon hawt yuh ex awm pa bak Tix heue. (Phat ka Efesux 2:10 mai 8:28-29).*

## Lawg Gau [ 5 ]

### Pwi tang ceu tang cat mai pwi yumrhawm Yudax khankix mawh tix mu ka daux Khrit

#### K. Lox Singeuh

Siyiex laug kawncau pa ting pa mawh Pawlux, sonsang viex lox bwan hu ka pwi tang ceu tang cat heue. Siyiex shiao Pawlux mai kieh kix pwi yumrhawm Efesux doh keud ka ghawk pa ot kix glang ka: an dix heue. (sivoe ang kix nyang rieb ka Simiang Khrit heue).

#### KH.Glhawk pwi yumrhawm tang ceu tang cat, ka: ang kix nyang pon ka Cao Khrit

##### 1. Kix mawh pwi pa ang pat hak.

Phat ka lai Efesux 2:11

Pawlux jah ti krai grawng pa pat hak, kheu in mawh pa kied ting ceu son ceucat pa kaoh khaing Abraham heue.

**Pa pat hak** mawh **mhai** pa tawx Siyiex ka Abraham sonsang plak jhi yuh nin, doeh simie ceucat<sup>1</sup> nawh mawh pwi pa hoik laug Siyiex mai grawng hoik tawx Siyiex haktiex Isarilax ka kix heue.

Phat ka lai Yam Jah 17:1-11

##### - Pa mhai tawng

*Ka daux been cie pwi tang ceu kawx koe pa pat hak heue.  
Viang mawh nan son pwi Yudax, pa pat hak kleud tix mai lox mukheu Siyiex pa dex mai haktiex heue.*

##### 2. Kix mawh pa ang koe Cao Khrit

Phat ka lai Efesux 2:12

Pwi Yudax ca pau ka Khrit, pa mawh Mesiyax, miex yieh num mawx, tom ka: ang Nawh nyang lih keh heue.

Viang mawh nan pwi tang ceu tang cat khankix ang koe pa keud pot ka Cao Taoh pa sang hoek khaing Siyiex<sup>2</sup> heue.

##### 3. Kix mawh pwi tang meung (aliens)

Siyiex hoik laug ka Isarilax, sonsang mawh kix cao pa pon ka sinngao Nawh heue.

- Siyiex ciyang ka pwi Ejiptux mai pwi tang ceu khankix, kheu kix tuktiax ka Isarilax heue.
- Siyiex mawh Khunhawkham pa ting cie pwi Isarilax heue.
- Pwi tang ceu khankix mawh noy sinie ka pwi Isarilax heue.

#### Grawng dawd

Lawg gau in tiag ex yaox ka ghawk pwi tang ceu tang cat, pa ang ot ka daux Khrit dix mai ghawk siyox pa tawx Siyiex ka Isarilax heue.

Lawg in jhi ex yaox yuh nin, pwi yumrhawm tang ceu tang cat mai pwi Yudax khawm uik, hoik mawh tix mu, ka daux Yesux Khrit heue.

Yamjhak ex ka Nyiex bwan Siyiex pa Singax Singeh-ex yaox kawncau pa ting mai cao jhai khankix mawh num jaong heue. Yesux mawh simaox pa ot ka daog, mai pwi pa yum rhawm khankix mawh simaox sum nyiex heue.

<sup>1</sup>.Lox mukheu pa tawx Siyiex ka Isarilax, mawh khaing doeh ceucat Yakok heue. Lai Yam Jah 28:13-15:35:10-12.

Lox mukheu pa tawx Siyiex ka Mose, ang teh mawh son doeh simie ceucat Abraham khawm uik, mawh ngie son doeh ceucat pa kaoh khaing Yakok heue. Lai Lih Hu 6:1-8; 19:3-6; Yaogyaw 147:19-20.

<sup>2</sup>.Siyiex krai sidawng khaing cao jhai khankix yuh nin, tix ngaix sax Nawh tag tawx Cao Taoh ka ceu pwi khawm uik heue.  
Viang mawh nan, pwi tang ceu tang cat ang krub ka Siyiex, ang tawng ka Siyiex mai ang yum- rhawm ka lox mukheu Nawh.

#### **4.Kix mawh pwi tang meung pa ang kleuk ka lox mukheu**

Abraham mawh Keeing ka ceu pwi Yudax heue. Yam jah Siyiex ti kok ka nawn bawg liang, Siyiex tawx lox mukheu ka Abraham grawng sang lih cao taoh ka daux ceucat kix tix kaux, sonsang taoh ka kawn phimap heue.

 Phat ka lai Yam Jah 12:1-3.

Khaing Yesux, pa mawh doeh ceucat Abraham, Siyiex bak ti tawx bwanson ka ceu pwi kuceu khawm uik ka piang haktiex heue.

Khaix an, Siyiex baox tawx lox mukheu khankix ka Isarilax, grawng sang hoek Cao Taoh, mai pa sang lih keh ka daux ceu pwi kix heue.

Yohan 8:56  
Kalatix 3:8

Siyiex baox tawx lox mukheu grawng pa sang tawx Cao Taoh, khaing Khunhawhham Dawit heue.

#### **- Pa mhai tawng**

*Cao jhai Siyiex khankix tawx lox mukheu pa kaoh khaing Siyiex ka Isarilax heue. Siyiex tawx lox mukheu ka Abraham grawng sang nawb Nawh bwan ka ceu pwi khawm uik, awm an:, Siyiex sikah ka cao jhai ka grawng sang viex Nawh krax taoh ka pwi khawm uik kudah kudee heue.*

*Viang mawh nan, pwi tang ceu tang cat ang tawng ka Siyiex mai ang tawng ti krub ka Nawh heue.*

Romax 9:3-5.

#### **5.Kix ang koe pa keud pot jun pot**

Siyiex gau ka kix Isarilax, grawng pa chix taoh Nawh nongnong khaing phimap heue.

Nawh gau ka kix sonsang hoek ka Nawh ka daux krax pa khaw heue.

- Siyiex kieh kix sum nyiex gox bwan man heue.

- Nawh laug Arun mai kawn ceucat nawh sonsang tan lu ka nham, tix num hoik tix num son phimap pwi khankix heue.

- Siyiex tawx lox mukheu ah nin, tix ngaix sax Nawh sang ploi Cao Taoh pa mawh Yesux Khrit son kix, sonsang tawx ngawh phimap heue.

Kheu Siyiex gau ka kix ceu an khankix, kix tom koe pa keud pot jun pot heue. Kix tom keud pot ka pa sang hoek Cao Taoh heue.

Viang mawh nan, **pwi tang ceu tang cat** ang koe nyiex gox bwan man, ang koe cao kaing: li, ang koe nham pa tan lu pa pon rieb Siyiex.

Kix pwi tang ceu tang cat khawm uik mawh pa ot ka daux pa faik heue.

- Satan jhawp kix ka siawpsibrawm tix mai kieh kix koe ceu pa lhat graung ka daux krax im ju kix heue.

Hebrie 2:15

- Pwi tang ceu tang cat ang koe pa keud pot ti sang luan khaing siawpsibrawm Satan heue.

## **6.Kix ang koe Siyiex ka piang haktiex**

Siyiex plak jhi to kaux Nawk ka Abraham, Icak mai Yakok heue.

Siyiex yuh Isarilax tawng ka Tix, mai plak jhi siawpsibrawm Tix khaing ka daux Mose, pa mawh pwi cau pwi soi Nawk heue.

Viang mawh nan, pwi tang ceu tang cat ang koe Siyiex pa sang krub.

- Kix ang tawng ka Siyiex pa mawh pa meh mai Siyiex pa im ju.

- Kix krub ka riengrao pa hoik yuh kix ka taix tix heue.

- Kix krub ka singaix, khix, simuing, tosat mai sim khankix heue.

### **- Keud sawn:**

- Pwi tang ceu tang cat tix kaux sonsang hoek ka Siyiex (yam mawh baux yam phuk lai pa prim), koe krax tix nyaing khaing. Caw ti loh beenli krub (proselyte) mai rieb ka beenli Yudax heue. Kaw pa loh been an caw ti pat hak mai hawt ka been pa hoik tawx Siyiex ka Isarilax heue. Yam loh ka been krub, kaw an caw ti yumrhawm ka Siyiex sonsang taoh ka nawk khaing phimap tix heue.*

## **NG. Pwi tang ceu tang cat mai pwi Yudax mawh tix mu ka daux Khrit**



Phat ka Efesux 2:1-3

Pawlux krai ex mhong krax ot krax koe ex, ka: ang ex nyang pon krax taoh heue.

Phan ang mawh krax moh Siyiex mai krax pa chaoxrhawm Nawk ex kawx kawn ot ka ghawk an heue.

Viang mawh nan, ka daux krax chaoxrhawm Nawk, Siyiex ploi Simiang Yesux Khrit hoek yum son phimap haktiex heue.



Phat ka Efesux 2:1-3

Kix pwi tang ceu pa yumrhawm, pa **singai** khaing Siyiex, yamin **dex** ka Siyiex kheu nhom Simiang Yesux heue.

Yesux Khrit tawx **Ju Tix** mawh **ngawh riang** son phimap pwi khawm uik heue. Mawh son pwi Yudax mai son khawm pwi tang ceu tang cat khankix heue.



Phat ka lai Efesux 2:14

Mawh ngie Simiang Yesux pa viex pa nhim ka sinax pwi Yudax mai pwi tang ceu tang cat heue.

Kheu ot ka daux Khrit, pwi Yudax pa yumrhawm khankix dex ka Siyiex heue.

Ka daux Khrit, pwi Yudax pa yumrhawm khankix mai pwi tang ceu tang cat khankix mawh tix mu khaing heue.

*Pwi tang ceu tang cat mai pwi yumrhawm Yudax mawh tix mu ka daux Khrit*

- Sanglang:

*Lai Kawncau 10, krai grawng sidiex gau Simiang ka Kawncau pa ting pa mawh Petrux, ka grawng ang koe ceu pa tang sinax pwi Yudax pa yumrhawm mai pwi Tang ceu tang cat pa yumrhawm heue.*

*Simiang cox khre son Petrux, sonsang viex nawh loxbwan hu ka Kawnelix, pa mawh pwi Tang ceu tang cat tix kaux heue. Viang mawh nan, Petrux mawh pwi Yudax tix kaux mai ang laig ka nyiex pwi tang ceu tang cat mai ang dex mai priex pa ih kix heue.*


*Ka daux rieng susai, Simiang sidiex gau ka Petrux, sonsang ang nawh lai keud pwi Tang ceu tang cat mai khawm priex ih kix mawh pa **ang singax** heue. Nawh jhi Petrux yuh nin, pwi pa yumrhawm ka Khrit khawm uik-pwi Yudax mai khawm pwi Tang ceu tang cat-Siyiex hoik kieh singax mai hoik rieb sidu awm paox tix heue.*

Ka daux lai Romax, Pawlux hoik krai sidawng yuh nin, Siyiex ciyang khawm ra kiex pwi Yudax mai pwi Tang ceu tang cat kheu phimap kix heue.

- Pwi Yudax ciyang ka pwi Tang ceu tang cat, viang mawh nan, tokaux \*
- \* kix ang cu nghiet ka been pa deuh Siyiex heue.
- Pwi Tang ceu tang cat ang koe been pa hoik tiem ti deuh, kix ca phit ka Siyiex heue.
- Mawh kheu nan, Siyiex tom ciyang ka kix khawm ra ceu pwi heue.

**Rieng joh ngai:**

### Siyiex ang pon rieb



**Ang rieb ka paox tix, tix kaux lai tix kaux**

Phat ka lai Romax 2:12; 3:9-10, 19.

Simiang Yesux kieh pwi Yudax mai pwi Tang ceu tang cat khankix koe pa yuh paox pie pa khaw pa caw ka Siyiex heue.

Phat ka lai Efesux 2:15-17.

Yesux Khrit hoek ka piang haktiex mai cu nghiet ka been pa deuh Siyiex khawm uik heue.

*Pwi tang ceu tang cat mai pwi yumrhawm Yudax mawh tix mu ka daux Khrit*

Khaix an Tokaux Nawh, kham ti teei krax ciyang son phimap kawn pwi khawm uik heue.

- Nawh kham ti teei pa ciyang, pa caw kix pwi Tang ceu tang cat ti kham awm pa koe daux been Siyiex heue.
- Nawh kham ti teei pa ciyang, son kix pwi Yudax pa ting rhawm, pa tawng ka been mai pa ang cu nghiet ka lox Siyiex heue.

Yesux ang joeng kham ti teei pa ciyang awm pa koe been-

Romax 1:16

Nawh **preet** (abolish) ti tik ka been pa **koeng** (enmity) ka paox tix, pa ang chix kieh kix ih rhawm paox tix heue.

Kawlawsie 2:13-17  
Hebrie 7:18, 8:13

Mawh ngie pa yum Yesux ka piang khaoxlhak, pa chix kieh ceu in mawh pa grum naog heue.


Simiang Yesux hoik yum son pwi Yudax mai pwi Tang ceu tang cat, mawh kheu nan pwi pa yumrhawm ka Nawh kaux mawx ang ah:-

- Hoik pon pa pluat khawm uik heue.
- Siyiex hoik chix rieb ka kix heue.
- Tix kaux lai tix kaux hoik chix rieb ka paox tix heue.

Kheu hoik kleuk ex tau mai Yesux, pwi pa yumrhawm khawm uik-  
**pwi Yudax mai khawm pwi Tang ceu tang cat khankix**- hoik mawh pa khraox heue.

Kawlawsie 3:11

**Rieng joh ngai:**



- Ka daux Khrit, ex ang lai mawh pwi Yudax, ang lai mawh pwi Tang ceu tang cat, hoik mawh tix ceu khaing heue.
- Ex mawh “.... Pwi khraox Tix kaux...” ka daux Khrit.



Phat ka lai Efesux 2: 18.

Khwan Singax Singeh ot ka daux kaux pwi mawx kaux pwi an heue.

Romax 8:9;  
Kawlawsie 1:27

- Keeing Cao Siyiex rieb ex sidu awm paox tix.

## *Pwi tang ceu tang cat mai pwi yumrhawm Yudax mawh tix mu ka daux Khrit*

- Ex khawm uik- Yudax pa yumrhawm mai Pwi Tang cat pa yumrhawm khankix- chix ti sikah ka Siyiex mai krub ka Nawh khaing ka daux Yesux Khrit heue.

### **- Keud Sawn:**

*Ka: ang Yesux hoek ti kham yum son pwi Yudax mai Pwi Tang ceu tang cat, pwi pa ang pat hak ang pon laig rawg bwan tau mai pwi Yudax ka daux nyiex bwan heue. Kix pwi Tang ceu tang cat pon ti laig lawg plak praix khaing heue.*

*Viang mawh nan, khaix hoik kham Simiang Yesux ti yum, Siyiex gah ti tik ka man pa tie sivoe deek ied Singax heue. Nawh simie pwi Yudax pa yumrhawm mai khawm pwi Tang ceu tang cat pa yumrhawm khankix tawng ka grawng rieb Nawh ka kix yam in, sonsang sikah ka Nawh mai sonsang krub ka Nawh heue.*

Pwi Tang ceu tang cat ang sax koe akhwang ti hu dex Siyiex pa krub Abraham, Icak mai Yakok heue.

Viang mawh nan, yamin ka daux ceukaux Yesux, ex khawm uik - Pwi Yudax pa yumrhawm mai pwi Tang ceu tang cat pa yumrhawm khankix- bawg yam mawx ang ah, chix ti hoek ka Keeing Cao Siyiex heue.

## **S. Pwi yumrhawm ka Khrit mawh Nyiex bwan singax cie Siyiex.**



Phat ka lai Efesux 2:19-22

Baux yam tiem ka lai camlig, pwi khankix sum nyiex ka simaox heue. Nyiex bwan Yeruxsaliem kawx sum ka simaox heue.

JHI KIX YAOX RIENG SIMAOX PA SUM NYIEX, YAM MAWH BAUX YAM TIEM KA CAMLIG AWAWX.

Pawlux shiao ka simaox sum nyiex, kieh mawh rieng joh ngai, sonsang jhi ka nyiex bwan pa khraox, pa sum Siyiex yam in heue.

Nyiex bwan Siyiex, pa sum Nawh yamin, ang mawh simaox tete.

Pa ah Pawlux mawh ka pwi yumrhawm khawm uik heue. Mawh pwi Yudax mai khawm pwi Tang ceu tang cat khankix heue. Kix hoik awm simaox pa hoik kleuk tix tau sonsang lih mawh nyiex bwan pa ting, pa singax tix mu son Siyiex heue.

- Siyiex hoik gawieh ti deuh ka kawn praix Tix khankix khaing haktiex, sonsang mawh dee ot Nawh ka piang haktiex in heue.

- Khrit ot ka daux ex, sonsang yuh kaing Siyiex ka piang haktiex in heue.

- Siyiex simie ex krub ka Nawh, nabyam ka Nawh mai yaogyaw ka Nawh heue.



Phat ka lai Efesux 2:20

Kawncau pa ting khankix mai cao jhai khankix mawh num jaong Nyiex bwan pa ting cie Siyiex heue.

1 Petrus 2:9

- Simiang Yesux laug ti teei kawncau pa ting khankix, yam ot Nawh ka piang haktiex in heue.
- Nawh gau sawn ka kix mai ploi kix hu jah kaing sum nyiex bwan pa ting son Nawh heue.



Phat ka lai Makux 3:13-19

- Pawlux kawx mawh kawncau pa ting tix kaux heue.
- Yesux kok nawh yuh *tang Tix* (special representative), sonsang sidiex loxbwan ka pwi Tang ceu tang cat heue.

Siyiex tawx Gumlox Nawh ka cao jhai (pa tiem ka phuk lai sigang khri pa khraox), tom hoik uik tiem kix ka lai **Loxbwan pa gauxrhawm gauxrhi<sup>1</sup>**, **Lai pa tawx kawncau pa ting ka ceucao<sup>2</sup>** khankix mai Lai Plak Jhi Kieh Yaox heue.

- Kawncau pa ting khawm uik mawh cao jhai heue.
- Siyiex tawx lox ka caojhai tang kaux pa ang mawh kawncau pa ting .

Kheu patix kok kix kawncau pa ting mai caojhai khankix mawh  
**Num jaong Nyiex bwan cie Simiang lie?**

Kheu pwi yumrhawm khawm uik een rhawm tix ka pa gau pa sawn kawncau pa ting khankix mai caojhai khankix, pa hoik tiem ka daux phuk lai sigang khri yamin heue.

- Siyiex tawx lox ka ex khaing kawncau Nawh mai khaing cao jhai Nawh khankix heue.
- Grawng **Siyiex** pa tawng ex kuceu mawh pa tawng khaing gumlox pa hoik tawx Siyiex ka kawncau pa ting mai cao jhai baux phuk lai pa Prim mai phuk lai pa Khraox heue.

Pawlux ah nin, Simiang Yesux mawh num simaox pa ot ka daog heue.

- Num simaox ka daog mawh, simaox pa jah ex ti sum yam yuh ex nyiex heue.
- Num simaox mawh siag num jaong nyiex pa sum an heue.
- Mawh dee rob ding nyiex ra plak, mai mawh dee kleuk ding mai paox tix heue.

Yesux mawh simaox pa liang, pa hoik sum ka daux nyiex bwan Siyiex mai ex mawh simaox pa hawt sang hawt sivie Nawh heue.

Lukax 6:12-16

Kawncau 9

<sup>1</sup> Ah ka lai Mathiex, Makux.  
Lukax mai Yohan heue.

<sup>2</sup> Ah ka lai pa tiem  
Pawlux heue.

2 Timose 3:16-17

Pakpeung joh ngai:

## NYIEX BWAN SIYIEX PA SINGAX

PWI YUMRHAWM		
PWI YUMRHAWM	PWI YUMRHAWM	PWI YUMRHAWM
PWI YUMRHAWM	PWI YUMRHAWM	PWI YUMRHAWM
KAWNCAU PA TING KHANKIX	<b>YESUX KHRIT</b>	CAOJHAI KHANKIX

### - Keud sawn:

*Ka: ang ex nyang yumrhawm ka lox bwan gauxrhawm ex ang nyang mawh siag nyiex bwan Siyiex.*

*Viang mawh nan khaix hoik yumrhawm ex ka loxbwan si sidiex kawncau pa ting mai cao jhai khankix, ka grawng maox a Simiang Yesux Cao Taoh ex, ex hoik mawh pwi pa keh ka daux si a psibrawm Khwan Singax Singeh heue. Simiang hoik shiao ex maox simaox ka dee sum Nawk Nyiex bwan Tix heue.*

Nyiex bwan sum Simiang hoik hoik yamin lie?

Ang! Kusingaix pwi khankix mhong ka loxbwan mai yumrhawm ka Gumlox Siyiex heue.

Ex pa mawh kawnpraix Siyiex caw ti sidiex gau ka Gumlox Siyiex, sonsang nie nie pwi pa yumrhawm mai baox mawh simaox pa sang ka nyiex bwan pa sum Nawk heue. In mawh beeh glawm ex heue.

**SH.Siyiex plak jhi bwanson pa chaoxrhawm Tix, khainig Loxbwan Gauxrhawm. Pwi Tang ceu tang cat mawh pa ih sinngao tau mai pwi Isarilax, mai mawh Tokaux tix mu ka daux Khrit heue.**

 Phat ka lai Efesux 3:1-6

Pawlux hoik sidiex ah nin, pwi tang ceu tang cat mai pwi Yudax pa yumrhawm khankix mawh Tokaux tix mu yam in.

In mawh ceu pa daox pa hoik plak jhi ka ex heue.

- Kheu patix kieh nie, Siyiex hoik lang ka pwi Isarilax mawh pwi jhi heue.

- Ka daux lox mukheu pa tawx Siyiex ka daux phuk lai sigang khyi pa prim hoik koe grawng pwi tang ceu tang cat heue.

1 Petrux 2:5-7

1 Petrux 3:6

## **Pwi tang ceu tang cat mai pwi yumrhawm Yudax mawh tix mu ka daux Khrit**

- Viang mawh nan, Siyiex ang sax plak jhi ka daux phuk lai pa prim ka grawng pa sang mawh pwi yumrhawm khaing pwi Tang ceu tang cat khankix mai pwi yumrhawm khaing Yudax khankix mawh Tokaux tix mu, pka daux Ceucao heue.

- In ca mawh **pa raux pa mox** heue.\*

Pa raux pa mox in, plak jhi ka Kawncau pa ting khankix mai Caojhai khankix heue. Mai plak jhi ka Kawncau pa ting Pawlux heue.

- Pa raux pa mox pa kaoh khaing bwanson pa chaoxrhawm Siyiex plak jhi yuh nin:-

**- Kheu Loxbwan cie Yesux Khrit, Siyiex kraix khrawm pwi yumrhawm Yudax mai pwi yumrhawm Tang ceu tang cat, mawh Tokaux tix mu, pa mawh Ceucao heue.**



Phat ka lai Efesux 3:7-9

Siyiex kieh pa raux pa mox sidawng khaing Kawncau pa ting pa mawh Pawlux heue.

- Krax taoh pa por kheu bwanson pa chaoxrhawm Siyiex, (mai kheu yumrhawm ka Yesux Khrit), mawh khawngphak pa tawx giex khaing Siyiex ka pwi Yudax mai ka pwi Tang ceu tang cat heue.

- In mawh kaing pa bak Siyiex pa ting son krax taoh heue.



Phat ka lai Efesx 3:10-12.

Siyiex plak jhi pingnya cuij pa raux pa mox tix ka Ceucao heue. Nawh plak jhi pingnya cuij pa raux ka pwi mai kawncau raoma pa ot ka daux meung raoma heue.

Pingnya cuij pa raux pa simie Siyiex ti plak jhi mawh patix lie?

Nawh simie ti plak jhi, pa bak Nawh son leeing ju leeng phan pa ghoik ka daux Khrit heue.

- Yesux Khrit hoik viet ceuk phimap ex kū kaux mai hoik tawx pa pluat ploi phimap (hoik liag pa pluat phimap) son pwi pa yumrhawm ka Nawh khawm uik heue.

- Yesux Khrit kaoh im khaing pa yum, mai tawx ju pa im leeing ju ka pwi pa yumrhawm ka Nawh heue.

- Pwi mawx yumrhawm ka Yesux Khrit, Siyiex rieb ka nawh mai tawx ju pa im pa khraox ka Nawh heue.

- Pwi pa yumrhawm ka Khrit khawm uik, yoax ti luan khaing Satan, luan khaing phimap mai luan khaing krax yum heue.

Kaing pa ghoik yuh Yesux tang ex kawn phimap khankix mawh khawng-phak pa chaoxrhawm Siyiex pa tawx giex ka ex heue.

Khawngphak in tawx giex ka kix pwi pa yumrhawm khankix heue.

\* Pa raux pa mox, pa shiao ex tin, sang ah ka grawhgrawng pa kawn glip, viang mawh nan yamin hoik plak jhi sidawng heue.

Ka daux Khrit, Siyiex hoik yuh grum naog ka been khawm uik heue.

Krax hu ka Siyiex, hoik baoh son pwi Yudax mai pwi Tang ceu tang cat  
~~kheu~~ Yesux Khrit heue.

Phat ka lai Efesux 3:13

Keud sawn ka Pa mawh Pa meh pa hoik plak jhi Siyiex awawx. Pawlux krai pwi Efesux mhong, son ang kix ceu pa laux rhawm ka grawng pa khan geu pa sipub nawh heue.

Ex kawx chix ti tawx riang rao ka paox tix, yam keud sawn ex ka bwanson Siyiex pa daox pa am pa hoik plak jhi ka daux Yesux Khrit mai ka Ceucão Nawh heue.

#### **NY.Lox nyeep**

Ex tang koe grawng been kawx, yamin ex mawh tix mu ka daux Yesux Khrit heue. Ex ah lox ting bwanson ka Simiang kheu taoh ka ex, mai kheu yuh ex mawh tix mu khaing, mai kieh ex mawh siag Nyiex bwan Tix ka daux Khrit heue.

#### **Lox chawk**

1. Ka: ang Pwi tang ceu tang cat nyang māwh pwi pa yumrhawm, krax ot krax koe kix yuh ka mawx?

*k. Ang pat hak, pa mawh mhai pa dex dawd ka Siyiex. (Efesux 2:11)*

*kh. Ang tawng grawng pa sang hoek Cao Tao.*

*ng. Ang laig hu mai pwi Isarilax.*

*s. Ang pon lox mukheu pa tawx Siyiex, awm tawx ka Isarilax.*

*sh. Ang koe pa keud pot ka krax taoh leeing ju leeing phan.*

*ny. Ang tawng ka Siyiex pa mawh pa meh mai grawng pa mawh Siyiex pa im ju. (Efesux 2:12)*

2. Mawx kieh pwi yumrhawm Tang ceu tang cat khankix mawh pa tang lie? *Mawh Siyiex. Kheu Nawh tawx ka Yesux. (Efesux 2:13)*

3. Krax pa yuh paox pie sinax pwi yumrhawm Tang ceu tang cat mai pwi yumrhawm Yudax mawh yuh ka mawx yamin? Paox pie pa yuh ka Siyiex mawh yuh ka mawx lie?

*Pwi yumrhawm Tang ceu mai pwi yumrhawm Yudax mawh tix mu yamin. Kix khawm ra ceu pwi, hoik dex dawd ka Siyiex kheu Simiang Yesux heue. (Efesux 2:14-16)*

4. Efesux 2: 19-22 ah patix ka pwi pa yumrhawm lie?

*Pwi pa yumrhawm khankix, khawm pwi Yudax mai pwi Tang ceu tang cat khankix, hoik awm simaox pa hoik kleuk tau sonsang lih mawh nyiex ting tix lhang- pa mawh Nyiex bwan Siyiex - dee ot Nawh ka piang haktiex in heue.*

*Pwi tang ceu tang cat mai pwi yumrhawm Yudax mawh tix mu ka daux Khrit*

5. Mawx pa mawh num jaong Nyiex bwan cie Simiang lie?

*Mawh kawncau pa ting khankix mai cao jhai khankix heue.*

6. Kok kawncau pa ting mai cao jhai khankix, mawh num jaong.. kheu pa tix lie?

*Kheu pwi pa yumrhawm pa ot ka daux nyiex bwan Siyiex khankix een rhawm tix ka lox sidiex gau kawncau pa ting mai ka lox cao jhai khankix, pa hoik tiem ka daux phuk lai yamin heue. Ex tawng ka Siyiex, mawh kheu lox pa tawx Nawh ka kawncau pa ting mai cao jhai khankix heue.*

7. Mawx mawh pa mawh num simaox ka daog (cornerstone) ka daux nyiex bwan Siyiex lie? *Mawh Simiang Yesux Khrit heue.*

8. Kheu patix kok Simiang Yesux mawh **num simaox ka daog** lie?

*Num simaox ka daog mawh simaox pa liang ti sum yam kaw ex num jaong nyiex heue. Mawh dee jah ex ti yuh nyiex heue. Num simaox ka daog an mawh dee kleuk ding ra plak, mai kieh ding ra plak rob paox tix tau heue. Yesux mawh simaox pa liang ti sum son Nyiex bwan Siyiex, mai ex mawh simaox pa sum hawt sivie Nawh heue.*

9. Ex mawh siag Nyiex bwan Siyiex bawg yam mawx lie?

*Yam yumrhawm ex ka Yesux Khrit mawh Cao Taoh tix heue.*

10. Nyiex bwan Siyiex hoik hoik sum yamin lie?

*Ang! Ku singaix pwi nie nie mhong ka Loxbwaan mai yumrhawm ka Loxbwaa Siyiex mai pa laig ka Nyiex bwan Siyiex nie hun sipie heue.*

11. Sonsang krai loxbwan ka pwi tang kaux khankix, sonsang yumrhawm kix ka loxbwan mai baox laig ka daux nyiex bwan Siyiex, mawh bee h glawm pwi mawx lie?

*Mawh bee h glawm cie pwi pa yumrhawm khawm uik heue.*

## Lawg Gau [ 6 ]

### Pawlux rawgbwan bawg ra: son pwi yumrhawm Efesux khankix

#### K. Lox singeuh

Ex kukaux chix tawng kheu chix tiag, chix tong (measure)ex ka kuceu heue.

- Singai miex lag, miex kilo lie?
- Nawh lhaong miex ding lie?
- Nawh cien miex kilo (coi) lie?
- Phan plaik ka sibex in, sang uik keei miex lon lie?
- Siviex, vieh miex sawk lie?
- Kawk ngu rieng miex ding lie?
- Nawh sang hoek yam mawx lie?

Bawg yam rheung miex nari, krax singai miex lag, kraung cien miex coi (kilo), nghox koe miex khrawng , ex tawng kheu meed shiao ex ka ceu pa tiag pa tong khankix heue.

Nie gau ex ka grawng Siyiex, nie tawng ex heue.Ex chix tong chix tiag kuceu kawx, ex ang chix tiag chix tong ka grawhgrawng Siyiex heue.

- Siyiex mawh leeing ju leeing phan.
- Siyiex mawh siawpsibrawm khawm uik.
- Pa keud pa tawng Nawh (pingnya) ang koe pa sidah.

Mawh kheu nan, yam krai Siyiex ka krax moh Nawh ka ex, Nawh ang tiag ex yaox ka lox pa shiao ex ka piang haktiex in.

Kawncau pa ting Pawlux rawg bwan, sonsang tawx Siyiex krax tawng krax yung ka pwi Efesux sonsang tawng kix ka krax moh Siyiex heue. Kheu krax moh Siyiex nie luan raux khaing pa tawng ex heue.

(In mawh lox rawg Pawlux bawg ra:, son pwi yumrhawm khankix heue)

#### KH.Pawlux paoh lox rawg bwan tix son Efesux



Phat ka lai Efesux 3:14-15

Pawlux ah, nawh grux ngawng ka Siyiex heue. Nawh ah ka pa rawg bwan ka Siyiex heue.

Pwi Yudax grux ngawng yam rawg kix bwan ka Siyiex, sonsang plak jhi krax nabyam, krax yungyi mai krax pa deuh tokaux tix tiiem heue.

Pa ah Pawlux .. “nyiexma khawm mu” ah ka nyiexma Siyiex heue.

#### Pawlux rawg sonsang

- koe kix sibrawm kheu Khwan Siyiex pa ot plak daux
- ot Khrit daux rhawm kix kheu krax yumrhawm kix.
- kie kix kaux riah mai ka daux krax moh.
- tawng kix ka krax moh Cao Khrit
- naog kix mai ceu pa grum naog ka daux Siyiex heue. Ka daux lawg gau in, ex sang gau grawng Rhawm pa simie Siyiex, mai siawpsibrawm pa chix kieh pwi yum-rhawm loh pakpeung tix awm pakpeung Yesux Khrit.

Yawbax 38 tom hoek 41

Yaogyaw 24:10; 90:2; 93;

Romax 11:33-36

## *Pawlux rawgbwan bawg ra;, son pwi yumrhawm Efesux khankix*

- Ah ka pwi Yudax pa yumrhawm mai pwi Tang ceu tang cai pa yumrhawm khankix heue.
- Pwi pa yumrhawm ka Yesux mawh Cao Taoh tix, hoik laig ka daux nyiexma Siyiex heue.
- Ex pa mawh kawn nyiexma Siyiex tiblah, kawn ot ka piang haktiex yamin, pwi tom nie hoik yum mai ot tau mai Nawh ka daux Meung Raoma yamin heue.

 Phat ka Efesux 2:19

Ex khawm uik koe Keeing tix kaux mai **nyiexma tix mu** khaing.

Romax 1:16

Hebrie 12:22-24

### **NG. Pawlux rawg bwan son sonsang koe kix riang tau mai siawp-sibrawm kheu Khwan Siyiex pa ot plak daux (inner man)**

 Phat ka Efesux 3:16

Pawlux rawg ah nin, Keeing Siyiex tag baox riang rao ka kix...  
“awm pa mi Nawh plak minplakngai heue...”

Ex caw ti baox riang rao kusingaix .....

- Sonsang pon tiebtie ka pa nyaw pa glaw
- Sonsang chix cunghiet ka Simiang kadaux krax im ju

Ka daux ex koe riang rao ceu in lie? .....Ang koe!

Mawh ngie Siyiex pa pon tawx riangrao tom kub ka ex, mai Nawh simie yuh nan ka ex heue.

Siyiex tag baox riangrao ka ex.. “awm pa khaw mai min plakngai Nawh heue...”

Pa tawx Siyiex ang koe pa sidah.

Philippix 4:13

Philippix 4:19

Ceu pa lo ex kuceu, koe ka daux Nawh khawm uik heue.

#### **- Lox tiag.**

*Siyiex awm pwi pa kied mi tix kaux, thung ex pa mawh pwi hot pwi shiah hu ka nyiex Tix heue. Nawh hoik tawx lox mukheu Tix sonsang yuh son ex, awm pa rawg ex ka Nawh heue. Mai Nawh tag tawx ka ceu pa lo ex kuceu khawm uik heue.*

Siyiex tawx riang rao Tix ka ex yuh ka mawx?

Khwan Singax Singeh Nawh pa ot ka daux ex, tawx ka ex heue.

Phan ex tawx akhwang ka Khwan Singax Singeh, sonsang tawx riang ka “*pwi plak daux*”, pa mawh rhawm ex mai ka rhawm keud ex, ex tag pon riangrao khaing Siyiex sonsang chix cu nghiet ka Nawh- viang ex sipub pa nu pa cian mai pa nyaw pa glaw.

2 Kawrinthux 12:9-10  
Philippix 4:12-13

**S. Pawlux rawg sonsang ot Khrit ka daux rhawm kix kheu krax yumrhawm kix heue.**

Phat ka Efesux 3:17

Pawlux rawg: " Sonsang ot Khrit ka daux kix kheu krax yumrhawm..."

Simiang Yesux hoik ot ka daux kix pwi Efesux kheu Khwan Singax Singeh Nawh heue.

Viang mawh nan Pawlux rawg son kix, sonsang tawx akhuang ot ka Simiang Yesux ka daux krax im ju kix awm nyiex ot Tix heue.

- Lox tiag :-

*Yam hu fi maix ka pwi tix kaux kaux, maix yuh awm noy tix kaux heue. Maix ot awm noy nyiex tix kaux heue. Phan maix cairhawm, maix ang doh pug ti sawm awm nyiex ot tix. Mawh cao nyiex pa ghaok maix sawm heue.*

*Pie Yam taug mao maix, maix ang nieb nyat, phan cao nyiex ang tawx dee sang nyat heue.*

*Viang mawh nan Yam ot maix ka nyiex cao tix, mawh ot maix yuh ka mawx? Ex ang lai yuh awm noy sinie tix kaux.*

*Maix chix ti yuh awm alo tix heue. Kheu mawh nyiex cao tix heue.*

*Awm mawh maix cao nyiex, maix chix ti krai lox ka yno ceu pa sang caw ti yuh ka mawx heue.*

Pa rawg Pawlux Yam an son pwi Efesux, mawh pa caw ex ti rawg son tokaux ex heue.

- Ex caw ti rieb ka Yesux kadaux krax im ju ex ku bawg Yam heue.

- Mai deuh Nawh mawh Cao ka piang ex mai ka piang ceu pa koe ex khawm uik.

**- Deeh ci ti deuh:**

*Do keud maix ka grawng Marix pa ngawm dex caong Yesux lie?*

*Yesux mawh yno Marix heue. Viang mawh nan, Marix ngawm mai rhawmrhi pa tiem dex caong Yesux mai nghiet ka lox sidiex Nawh heue.*

- Nawh mawh Cao ka daux krax im ju ex heue. Ex khaw ti gauxrhawm mai kieh Nawh mawh Cao nyiex kadaux tokaux ex, awm mawh Nawh Cao nyiex ka son nyiex Tix heue.

- Simiang Yesux hoik liag ti teei ka ex ka nham Tix heue. Mawh kheu nan, ex khaw rieb ti teei ka Nawh ka daux krax im ju ex mai kieh mawh Cao ka daux krax im ju ex heue.

Kawlawsie 1:16-18

Lukax 10:39

## SH. Pawlux rawg bwan sonsang kaux riah ka daux krax moh

Phat ka Efesux 3:17

Phan ex kieh Simiang ot ka daux tix mai kieh Nawh mawh Cao kaii.g. kadaux krax im ju ex, awm nyiex Cao Tix, Nawh tag thung ka ex mai tag kieh krax moh tix naog ka daux ex heue.

### - Lox tiag

*Phan keeing nyiex, mawh pa yie meet rhawm, mai pa dawd rhawm nyiex ma nawh tag ang hiex tawng krax moh mai krax pa gaux rhawm heue.*

*Viang mawh nan, phan keeing nyiex mawh pa koe krax moh krax rhawm, pa chix chaoxrhawm, nyiex ma nawh tag koe krax moh ka paox tix heue.*


Phan ex kieh tokaux tix mawh dee ot dee kwang Simiang Yesux, krax moh Nawh tag ot ka daux krax keud sawn ex, ka daux lox sikah krai ex mai ka daux ceu pa yuh ex heue.

- Ex tag mawh **riah** pa hoik **giex** ka daux tiex **krax moh** heue.

### Rieng joh ngai

- Krax im ju ex tag koe riang mai tag ot yien(stable) ka daux Khrit, awm riah khaox pa laig ka daux tiex tom raux heue.

Yaogyaw 1:1-3



## *Pawlux rawgbwan bawg ra: son pwi yumrhawm Efesux khankix*

- Yam pa nyaw pa glaw mai pa sivix hoek sijaox pa piang ex, ex chix cung kaux kaux cong cong, kheu siawp krax moh Cao Khrit heue.

### **S. Pawlux rawg bwan sonsang tawng kix krax moh Cao Khrit.**

Phat ka Efesux 3:17-19

Ex tawng grawng pa moh Khrit ka ex mai ka pwi tang kaux khankix heue.

Viang mawh nan, phan een rhawm ka riang rao tix nong nong, ex ang chix tawng krax Moh Nawh tom grum naog.

#### **Rieng joh ngai**



Siyiex tawx Gumlox Tix ka ex, mai Khwan Singax Singeh, sonsang gau ka ex heue.

- Gumlox Siyiex sidiex grawng mawh Siyiex, pa mawh pa meh, mai grawng moh Nawh ka ex heue.
- Khwan Singax Singeh sidiex ka ex mai teem ex tawng ka ceu pa dex mai khwan, pa ang ex kawn pwi chix ti tawng heue.
- Khwan Singax Singeh sidiex ka ex sonsang tawng ka krax moh Khrit ka daux rhawm pa chix tawng ex, mai sonsang cim ex ka krax Moh Nawh ka daux rhawmrhi ex heue.

Pawlux rawg bwan sonsang tawng pwi yumrhawm khankix ka  
“ ..krax moh Khrit...”

Ex ting huan ka daux krax moh Khrit, awm tawx Siyiex akhwang ka daux krax im ju ex heue.

- Tibawg bawg ex ang pon kham ka ceu pa sivix pa kin jhawm heue.
- Viang mawh nan, Siyiex teei ceu pa sivix, pa nu mai sidiex ka ex heue.

Phat ka Romax 5:3-5

### **Pawlux rawg bwan sonsang naog mai ceu pa grum naog daux Siyiex**

Phat ka Efesux 3:19

Mawh kheu tawx ex akhwang ka Khwan Singax Singeh, ti sidiex ka ex sonsang tawng grawng Krax Moh Khrit, krax im ju ex nie nie awm krax im ju Cao Khrit heue.

2 Kawrinthux 5:14-15

Efesux 4:11-13;  
2 Timose 3:16

## *Pawlux rawgbwan bawg ra: son pwi yumrhawm Efesux khankix*

Kheu hoik yuh ka ex awm Khirt, ex hoik "... naog mai ceu pa grum naog ka daux Siyiex...", kheu Simiang Yesux mawh Siyiex heue.

Krax im ju ex tag naog mai krax moh pa awm krax moh Simiang Yesux heue.

- Ex caw ti moh ka pwi, awm moh Siyiex ka kix heue.

- Ex caw ti "...naog mai ceu pa grum naog ka daux Siyiex heue..."

Krax moh Siyiex, pa hoik kieh Kawn Tix kham ti yum, tag thung krax im ju ex heue.

Ex ang lai im ju ka daux alo tokaux tix, im ju son Simiang mai son pwi tang kaux khankix heue.

Pā simie Siyiex ka ex pwi pa yumrhawm ku kaux mawh.....

**Sonsang tawng ex krax pa moh Khrit, mai naog mai ceu pa grum naog ka Siyiex ka daux Khrit heue.**

Rieng joh ngai

### **SIYIEX SIMIE KA PWI YUMRHAWM KHAWM UIK:**



**TH. Pawlux yaogyaw ka Siyiex son siawpsibrawm pa ting, pa chix kieh thai loh heue.**



Phat ka Efesux 3:20-21

Pawlux nyeep lox rawg bwan tix mai yaogyaw ka Siyiex:

- Sonsang yuh pa nie lheu kaing pa rawg ex mai ka daux kawn praix Nawh khankix,

- Sonsang nie lheu yuh khaing pa keud ex ti deuh heue.<sup>1</sup>

Nawh yuh ceu in yuh ka mawx?

- Yuh mai siawpsibrawm Nawh pa ot kadaux ex.

2 Kawrinthux 3:18

## **Pawlux rawgbwan bawg ra: son pwi yumrhawm Efesux khankix**

- Phan mawh nan, siawpsibrawm an mawh pa tix?

- Siawpsibrawm an mawh siawpsibrawm:-

Pa yaog ka Simiang Yesux kaoh khaing pa yum mai deuh Nawh ngawm ka plak taix khawn dawm Siyiex.

Mai tawx sibrawm ka Nawh sonsang koe sibrawm ka piang Satan, ka piang phicaox, ka piang kawncau raoma pa mhawm khankix mai ka piang pwi khawm uik.

- Sibrawm Khwan Singax Singeh ot ka daux ex pa mawh kawnpraix Siyiex ku kaux heue.

Phat ka Efesux 1:19-23

Yudax 24-25

<sup>1</sup> Viang mawh nan Siyiex ang doh yuh ceu pa ang khaw ka Tix.

Lox tiag: Nawh ang lhet.

## **N. Lox nyeeip**

Deeh phat ka Efesux 3:14-21

Ka daux pa gau ex, hoik jhi ex yaox ka ceu pa simie Siyiex ex yuh ka daux krax im ju ex, sonsang awm ex ka Yesux heue.

Tokaux Siyiex simie ti yuh ka in heue.

- Nawh tawng ex ang chix yuh.

- Nawh chix yuh mai Nawh tag yuh ka in heue.

Ex ah lox ting bwanson ka Nawh, kheu pon ex akhwang patawng ka Khrit.

Ex ah lox ting bwanson ka Nawh, kheu loh ex awm ka Tix mai chix tawng ka krax moh Nawh ka daux krax im ju ex heue.

Romax 8:28-39

## **Lox chawk:**

1. Pa ah Pawlux, *nawh grux ngawng ka Siyiex* an sang ah ka patix lie?

*Nawh ah, nawh rawg bwan ka Siyiex heue. Pwi Yudax ca grux ngawng yam rawg kix bwan heue.*

2. Yam tiem Pawlux, “*nyiexma khawm mu pa ot ka daux raoma mai ka piang haktiex*” an sang ah ka pwi mawx?

*Ah ka pwi pa ot ka daux nyiexma cie Siyiex- pwi Yudax mai pwi Tang ceu tang cat- pwi pa yumrhawm ka Simiang Yesux mawh Cao Taoh tix heue. Pwi nyiexma cie Siyiex tiblah kawn ot ka piang haktiex yamin, viang mawh nan pwi nyiexma tom n.e hoik dawg yum, mai yamin ot tai mai Siyiex ka daux meung raoma heue.*

3. Viang ex sipub pa nyaw pa glaw mai ot ka daux pa sivix kawx, son sang chix cunghiet ex ka Siyiex, Siyiex tawx riang rao ka ex yuh ka mawx lie?

*Kheu Khwan Singax Singeh Nawh pa ot ka daux ex heue. Phan ex tawx Khwan Singax Singeh lih naog ka **pwi plak daux** (inner man), pa mawh pa chix keud chix tawng ex mai ka daux rhawmrhi ex, Siyiex tag tawx riang rao sonsang chix cunghiet ka Nawh heue.*

**Pawlux rawgbwan bawg ra: son pwi yumrhawm Efesux khankix**

4. Pa rawg Pawlux, “Kheu krax yumrhawm, kieh Khrit ot ka daux rhawm pex” pa ah nan, sang ah ka patix lie?  
*Pawlux simie pwi yumrhawm khankix rieb ka Simiang Yes:ux ka daux krax im ju kix ku yam heue. Pawlux simie kix tawng ka grawng mawh Simiang Yesux Cao, ka daux krax im ju kix heue.*
5. Koe maix rieng pheksidawng (illustration) sonsang jhi grawng ot Yesux ka daux ex awm nyō sinie tix kaux, mai **ot ka daux ex awm Cao nyiex** tix kaux lie?
6. Krax im ju ex sonsang mawh riah pa hoik giex ka tiex, krax moh Khrit, kheu pa tix mawh pa ting ceu lie?  
*Yam pa nyaw pa glaw mai krax sivix hoek sijaox ka piang ex, ex chix ti cung kaux kaux cong cong kheu siawpsibrawm krax moh Cao Khrit heue.*
7. Sang chix ting huan Krax Moh Khrit ka daux ex mai ka daux pwi tang kaux yuh ka mawx?  
*Ting huan kheu tawx akhwang ka Khwan Singax Singeh mai kieh Nawh sidiex ka ex sijheeng ka Gumlox Nawh, mai tawx akhwang mai kieh lih mawh awm pa hoik bak Siyiex ka ex heue.*
8. Sang chix mawh ex pwi pa “naog mai ceu pa grum naog ka daux Siyiex..” yuh ka mawx lie?  
*Kieh Khwan Singax Singeh sidiex ka ex (sonsang tawng ka krax moh Simiang Yesux ka ex) mai ka pwi tang kaux khankix heue.*
9. Simiang chix yuh son ex miex ding lie?  
*Chix yuh lheu khaing pa rawg ex, lheu khaing pa keud ex. (Efesux 3:20)*
10. Nawh yuh pa nie lheu khaing pa tawng ex, ka sibrawm ceu patix lie?  
*Yuh ka sibrawm Tix, pa mawh sibrawm pa yaog ka Yesux kaoh khaing krax yum mai sibrawm pa hoik kieh Nawh ngawm plak taix khawn dawm Siyiex ka daux meung raoma heue. (Efesux 1:19-23)*

## Lawg Gau [7]

### Ceucao pa mawh rhawm tix mu

#### K. Lox Singeuh

Ka daux lai Efesux simin ting 1 tom hoek 3, Pawlux gau ka ex grawng tawx Siyandex bwanson ka pwi pa yumrhawm khawm uik ka daux Khrit heue.

¶ Phat ka Efesux 1:3

- Siyandex hoik tawx bwanson pa koe kadaux Khrit kuceu ka ex.

¶ Phat ka Efesux 2:4-6

- Siyandex hoik kieh ex ngawm ka daux raoma tau mai Simiang Yesux heue.

¶ Phat ka Efesux 2:22

- Siyandex hoik kieh ex rom tix tau - pwi *Yudax mai pwi Tang ceu tang cat*\* - sonsang mawh nyiex bwan pa singax cie Nawh, dee ot Khwan Singax Singeh Nawh heue.

¶ Phat ka Efesux 3:16-19

- Siyandex simie ex ghaok Yesux Khrit, hoek ot ka daux rhawmrhi ex mai lih naog mai krax Moh Nawh ka daux ex mai ka daux pwi tang kaux khankix heue.

¶ Phat ka Efesux 3:20-21

- Ang joeng mawh ngeie in khaing, Siyandex chix ti yuh ceu in khankix ka daux ex.

Kheu bwanson pa mhawm ceu inkix, Pawlux tom tiem ti tawx riang rao ka ex, sonsang chix im ju yuh nan heue.

#### Pa mhai tawng:

*Kawncau pa ting pa mawh Pawlux, Yam tawx nawh lai in ka pwi Efesux, nawh ot ka daux thawng Romax heue. Yam ot nawh ka daux pa giex pa gang, nawh tiem ti tawx lai ka ceucao pa ot ka daux veng Philippix mai veng Kawlawsie heue.*

*Lai in khankix ang tie mawh son kix nong nong, mawh son ex pwi pa yumrhawm kukaux, khawm ex pa ot ka daux singaix heue.<sup>1</sup>*

#### KH. Pawlux khyox ka pwi Efesux sonsang im ju singax singeh

¶ Phat ka Efesux 4:1

Kheu Siyandex hoik yuh ceu pa daox pa am son pwi pa yumrhawm khawm uik, Pawlux tom khyox ka pwi Efesux sonsang im ju ka daux pa singax singeh heue.

Ex caw ti im ju awm pwi:-

- Pa hoik pon bwanson plak khwan khawm uik

#### Grawng dawd

Lawg in sang gau grawng ceucao pa mawh tokaux Khrit heue. Sivoe, ex gau ka bwanson Siyandex pa hoik tawx ka ex ka daux Khrit heue. Ex deeh gau grawng pa susaoh Pawlux sonsang koe rhawm tix mu, kheu hoik tawx bwanson ka ex ka daux Khrit heue.

Efesux 4:4-6, jhi ex yaox num jaong 7 ceu, sonsang koe ex rhawm tix mu ka daux Khrit heue. Kaing: ting mawh pa cox khre Siyandex ka pwi pa yumrhawm khankix sonsang im ju ka daux Khrit, kheu sibrawm Khwan Singax Singeh pa ot ka daux ex heue.

\* 1 Petrus 2:4-5

<sup>1</sup>. Pawlux, kheu mawh nawh pa tawx lox bwan, nawh hu krax kaing: rheung lag mai sidiex lox bwan dee hu tix kudah heue. Viang mawh nan Siyandex shiao ka lai pa tiem nawh khankix mai kieh nawh krai lox bwan ka baux ju khawm uik ku dah heue.

## *Ceucao pa mawh rhawm tix mu*

- Pa ngawm tau mai Khrit ka daux meung raoma
- Pa mawh nyiex bwan tix mu, dee ot Khwan Singax Singeh
- Pa moh Siyiex tom raux
- Pa mawh pwi pa tawx akhwang ka Simiang Yesux Khrit mai kieh Nawh thie ka krax moh Tix ka ex mai ka pwi tang kaux khankix.



Phat ka Efesux 4:1

- Lox tiag:

*Ex chix tiag ti yaox ka lox pa krai Pawlux yuh nin heue.*

*Ca deuh maix hu ka veng mai yaox kawn nyawm tix kaux, caung ti ih piang krax heue. Kheu maix chaoxrhawm ka nawh, maix simie ti tawng grawng nawh sidawng heue. Maix yaox nawh ang koe miex keeing, hawt hu piang krax, caung ti ih, briex ti ih mai eei kaux tix heue.*

*Maix ang simie ti grham ka nawh yuh nan, mai teei ti eei nawh mawh kawn tix heue. Nawh hoik mawh kawn nyiex ma maix heue.*

*Maix yuh nan kheu maix moh ka nawh heue. Maix tawx nawh ceep kraung, tawx dee it, tawx priex mai tawx nawh gau lai heue.*

*Lheu khaing an, maix plak jhi grawng moh maix ka nawh mai rieb ka nawh mawh kawn lih tix heue.*

*Viang mawh nan, tix ngawb, nawh lih hu khaing nyiex heue. Maix nied ti hu sawg ka nawh dee yaox maix ka nawh bawg liang heue. Maix yaox nawh ot tan tete heue. Nawh caung ti ih awm hoik sax yuh nawh bawg ka heue.*

*Maix ueeh kok nawh ing ka nyiex heue.*

*Maix ah nin ka nawh, "Aux hoik teei ti eei maix mawh kawn lih tix. Yam in maix hoik ih sin tau mai kawn aux khankix. Mawh kheu nan aux khyox ka maix, paw lai hu ot piang krax. Paw lai caung ti ih, paw lai briex kraung pwi. Maix hoik mawh kawn nyiex ma aux. Aux simie ti teem ka maix sonsang im ju awm kawn nyiex ma ex."*

*Been in hoik plih ex yaox sidawng ka grawng pa moh Siyiex ka ex.*

*Yam yaox Simiang ka ex, ex ot ka piang haktiex, ot greem pa kwang Satan, ot ka daux phimap mai pa yum heue. Viang mawh nan Nawh taoh ex mai siawpsibrawm Tix heue.*

*Ex hoik mawh pwi pa keh ka daux nyiexma Nawh heue.*

*Nawh ceep ex ka kraung pa rah pa see, mai tawx sin pa sidu nyum tau mai Kawn Nawh, pa mawh Simiang Yesux Khrit heue.*

*Yamin Siyiex shiao Pawlux mai krai ex mhong grawng ang ex lai khaw ti ot ka aux krax im ju pa prim heue.*

Efesux 2: 1-4

1 Petrus 1:3-4

Efesux 1:3

## *Ceucao pa mawh rhawm tix mu*

Ex mawh kawn nyiexma Siyiex phaox. Mawh kheu nan, ex caw ti im ju awm Simiang Yesux heue.

Phat ka Romax 12:1-2

Alo Siyiex mawh patix son ex lie?

Siyiex simie ex im ju yuh ka mawx?

### **NG. Siyiex simie kawn nyiexma Nawh mawh rhawm tix mu**

Phat ka Efesux 4:1-3

Siyiex simie kawn nyiexma Tix ih rhawm paox tix heue.

Pawlux ah nin, Siyiex ang simie kawnpraix Tix simah ka paox tix mai tap toi ka paox tix heue.

- Keud sawn:

*Yam simah kawn nyiexma maix ka paox tix, mawh nyawm rhawm maix lie? Ang doh nyawm rhawm. Kawn nyiexma pa simah ka paox tix, ang chix koe pa gauxrhawm.*

Pham mawh nan, sonsang koe pa nhim mai pa gauxrhawm ka daux nyiexma Siyiex, sang caw ex ti priex rhawm tix yuh ka mawx?

#### **1.Pawlux jhi ex yaox sonsang koe rhawm pa awn (humility)**

Lox blak son pa awn rhawm awn rhi mawh pa ting rhawm heue. Ex caw ti kieh rhawm tix awn sivoe pwi khankix, caw ti nab yam ka krax keud kix mai ceu pa yuh kix heue.

Phat ka Romax 12:3

Ex ang khaw ti luan keud ka tokaux tix, paw keud tokaux tix mawh pa nie blong mhawm khaing tang kaux.

#### **2.Ex caw ti koe rhawm pa awn pa tiiem mai rhawm pa nab (gentle)**

Ex caw ti koe rhawm pa simie ti sidiex, caw ti tawng grawng pa caw ex ti gau tom nie khaing pwi tang kaux khankix heue.

- Yam sipub ex ka pa tap pa toi kawx, ex chix koe pa nhim ka daux rhawm ex, ex caw ti tawng, Siyiex ca koe rhawm pa piang ex.

- Keud sawn:

*Simiang Yesux mawh phektem pa mhawm ka son ex heue. Grawh grawng nawh, son kuceu Nawh een rhawm tix ka Siyiex heue. Nawh kham ti rieb ka ceu pa kharhawm, ang tang phimap ka pwi, ang pawk bix ka pwi pa toi ka Nawh.*

Philippix 2:3-4

1 Petru 5:5

Romax 8:28-29

1 Petru 2:21-23

*Awm mawh ex kawn Siyiex, ex caw ti ot ka daux pa nhim mai paox tix heue.*

## *Ceucao pa mawh rhawm tix mu*

### 3. Ex caw ti gun yeung mai pa lang gun yeung

- Keud sawn:

*Phan pwi tix kaux kaux yuh ceu pa ang ex khaw rhawm, phan ang mawh nan klah lox ka ex, ex yie pawk bix, awm ang ex nyang pon krax taoh khaing Simiang heue.*

*Ex pawk yuh ka mawx? Rhawm pa song taoh sijaox ka daux ex mai chix ti pawk lox caox heue. Ex chix ti keud ceu pa pawk bix, phan ang mawh nan, yaog taix ka pwi pa tap toi ka ex heue.*

*Viang mawh nan Siyandex ah, ex caw ti im ju pa khraox pa hoik tawx Nawk, ka daux Simiang Yesux Khrit heue.*

*Ex tix kaux lai tix kaux caw ti gun yeung ka daux krax moh heue.*

- Keud sawn:

*Viang kawn khrit tiblah yuh kaing sivix ka ex tix bawg bawg kawx, ex gun yeung mai rieb ti teei heue. Moh ka kix awm moh Yesux ka ex heue.*

Sang chix gun ex yuh ka mawx?

Koe krax tix nyaing khaing- ex caw ti een rhawm ka sibrawm pa hoik tawx ka ex khaing ka daux Simiang Yesux Khrit heue<sup>2</sup>.

Phat ka Romax 6:6-14

Phan ex nghiet ka gumlox Siyandex, Khwan Singax Singeh thie naog ka krax im ju ex heue.

Mawh ngie khaing sibrawm Khwan Singax Singeh, ex chix ti yuh ka ceu pa cau Siyandex ka daux gumlox Nawk heue.

Philippix 2:5-8

<sup>2</sup>.Romax 6, mawh pa pex pa hoik tawx Khrit ka ex mai sonsang pon hawt ex kah heue. Num jaong pa Mawh pa Meh in, gieh ex veeh ka rhawm pa ah aux mai kieh ex een rhawm ka Khwan Singax Singeh pa ot ka daux ex heue.

S.

### **Khwan Singax Singeh vien ka pwi pa yumrhawm khawm uik mawh tix mu tau**

Phat ka Efesux 4:3

Khwan Singax Singeh pa ot ka daux ex, hoik vien ex mawh tau.

Awm pa hoik naog Khwan Singax ka daux krax im ju ex, Simiang Yesux chix kieh ex ot mai pa nhim mai moh ka paox tix, tix kaux lai tix kaux heue.

- Lox tiag?

*Keud ti yaox ka nham pa hu daux kaux maix.*

*Maix chix tawng pa chuh siniak, yam jhok sokrhawm ka nham mai plooi nham hu ku daog ka daux tokaux tix heue. Nham maix ot ka daux kaing: maix, ka daux taix maix, ka daux caong maix, mai ot ka daux kraung pakpeung kuceu heue.*

1 Yohan 3:24

Philippix 4:6-7

## *Ceucao pa mawh rhawm tix mu*

*Awm an, Khwan Singax Singeh kawx mawh nan heue. Nawh ot ka daux kawn praix Siyiex kukaux, mai mawh Nawh pa vien ka ex ot tau ka daux pa nhim mai ka daux rhawm tix mu heue.*

Ex koe beeh glawm ti “Priex” ka rhawm tix mu, pa hoik tawx Khwan Singax Singeh ka ex heue.

- Dee bleeh sang ah, ex ang khaw ti yuh ceu pa sivix, ang khaw ti yuh ceu pa gwieh ka paox pa yumrhawm mai sinax pwı̄ yumrhawm tang kaux heue.
- Ex paw kieh ceu pa ang ih rhawm paox tix koe ka daux ex kawn nyiexma Siyiex, via ka ceu an khankix heue.

Yakop 3: 17-18

## **NY. Pawlux mhaing ex tawng (7) ceu pa vien ka pwı̄ yumrhawm kieh mawh tau**

 Phat ka Efesux 4:4

Daux baux in Pawlux mhaing ex tawng aliah ceu ka grawng pa vien ka pwı̄ pa yumrhawm tau heue.

### **1. “Tokaux Tix Mu”**

- Kawnpraix Siyiex hoik vien tau kheu Khwan Singax Singeh mai mawh to kaux tix mu - pa mawh Ceucao heue.
- Simiang Yesux mawh Kaing:, mai ex mawh kraung pakpeung ka daux Tokaux Nawh heue.
- Kheu pa tix ex mawh siag Tokaux Khrit, Ceucao Nawh lie?
- Bawg Yam yumrhawm ex ka Simiang Yesux mawh Cao Taoh tix, ex hoik com ka daux Khwan Singax Singeh heue.

Kawlawsie 1:18

 Phat ka Romax 6:3

### **2. “Khwan Tix Mu”**

- Khwan Singax Singeh koe Tix kaux khaing, mai Nawh ot ka daux ex kukaux kheu mawh ex kawn nyiexma Siyiex heue.

 Phat ka Romax 8:9

### **3. “Pa keud pot Tix Mu khaing”**

- Pa keud pot pwı̄ pa yumrhawm pa ot kudah mawh pa tix?

 Phat ka Romax 8:10-11, 23-25.

**Pa** keud pot ex mawh nin, Simiang Yesux tag sang deeh hoek mai ex tag ot mai Nawh mai tag awm Nawh leeing ju heue.

2 Thesalonix 4:16-17

 Phat ka Efesux 4:5-6

1 Yohan 3:1-3

## *Ceucao pa mawh rhawm tix mu*

### **4. “Simiang Tix Kaux Khaing”**

- Viang ex tang haktiex ot kawx, viang tang pak ngai kawx, viang tang lox sikah kawx, ex koe Simiang Tix Kaux khaing- mawh Simiang Yesux Khrit heue.

### **5. “Krax Yumrhawm Tix Mu khaing”**

- Pa mawh kawnpraix Siyiex tete, viang ot haktiex mawx ang ah, krax yumrhawm mawh tix mu khaing heue.
- Ex khawm uik yumrhawm ka Simiang Yesux pa awm paox pa deuh num ka Gumlox Siyiex heue.

### **6. “Baptis Tix Ceu khaing”**

- *Baptis* plak jhi ka grawng lih hoek ot Khwan Singax Singeh ka daux ex yām yumrhawm ex ka Khrit heue.
- Khwan Singax Singeh yuh ex mawh Tix Mu tau mai Simiang Yesux Khrit heue.
- Yam yumrhawm ex, Khwan Singax Singeh sau ex ka daux Cao Khrit heue. Mawh kheu nan ex hoik yum tau mai Khrit, hoik kham ti sipaung tau mai Khrit mai hoik kaoh im tau mai Khrit heue.
- Khwan Singax Singeh hoik baptis ka pwi pa yumrhawm khawm uik ka daux Tokaux Khrit heue.

### **7. “Siyiex Tix Kaux mai Keeing ka piang khawm uik”**

- Pwi yumrhawm khawm uik pa ot kudah, koe Keeing Tix kaux khaing.
- Siyiex mawh Keeing ex.
- Ex lih mawh kawnpraix Nawh yam hoik hoik yumrhawm ex ka Simiang Yesux mai deeh keh tix bawg ka daux siawpsibrawm Khwan Singax Singeh heue.



Phat ka Romax 8:14-16.

1 Kawrinthux 15:1-7

2 Thesalonix 2: 13-14

Romax 6:3-4

1 Yohan 4:7

## **NY. Lox neep**

Ex pa hoik yumrhawm ka Simiang Yesux Khrit, hoik pon bwanson plak Khwan ka daux meung raoma heue.

Ex tawng ka bwanson khankix ka daux rhawmrhi tix mai tawng krax moh Keeing raoma ka ex miex ding heue.

Ex tawng grawng ot Yesux Khrit ka daux ex, Khwan Singax Singeh Nawh ot ka daux ex mai tawx siawpsibrawm khawm uik ka ex sonsang im ju pa khraox ka daux Nawh heue.

Romax 5:5

Ex ah lox ting bwanson ka Simiang liak, kheu hoik kieh ex tawng ka krax moh Nawh, mai sonsang deeh moh ka paox tix, tix kaux lai tix kaux, mai hoik yuh ex mawh Tix Mu ka daux Khrit heue.

## *Ceucao pa mawh rhawm tix mu*

### **Lox chawk**

1. Yam tiiem Pawlux ka lai Efesux, nawh ot dee mawx lie?

*Nawh ot ka daux thawng Romax heue. (Phat ka Efesux 4:1)*

2. Sonsang koe pa nhim mai pa gauxrhawm ka daux kawnpraix Siyiex, pakpeung pa keud (attitude) ex caw ti mawh pa tix?

- 1) *Ex caw ti koe rhawm pa awn pa tiiem. Ex ang khaw ti keud tokaux tix mawh pa nie mhawm khaing pwi tang kaux. Ex yuh tokaux tix tiiem sivoe pwi, caw ti nabyam ka krax keud krax sawn kix, mai ceu pa yuh kix. (Romax 12:3)*
- 2) *Ex caw ti koe rhawm pa awn pa tiiem. Ex caw ti chix rieb ka ceu pa gau pwi tang kaux mai pa thung pwi tang kaux ka ex.*
- 3) *Ex caw ti lang gun lang yeung. Ex caw ti gun yeung ka paox tix, tix kaux lai tix kaux heue. (Phat ka Efesux 4:2)*

3. Sang chix een ex rhawm pa tieem, pa awn pa tiiem mai pa lang gun yeung yuh ka mawx? Been ex kawn pwi simie ti pawk bix mai ang rhawm yuh paox ka pwi pa toi ka ex ang mawh lie?

*Koe krax tix nyaing khaing. Gau ti yuh ka pa hoik sidiex Pawlux daux lai Romax 6 awawx.*

4. Pawlux ah nin, pwi pa yumrhawm khankix "... nied ti coca sonsang priex pa mawh tix mu khaing pa dex mai Khwan Cao ka daux pa hoik vien tix tau ka ceu pa nhim ..." . Pawlux sang ah ka patix?

*Nawh ah nin, ex ang khaw ti yuh ceu pa sivix, ang khaw ti gwieh ka paox tix mai ka paox kawnpraix Siyiex. Ex caw ti via ka ceu pa ang chix ih rhawm paox tix ka daux kawn nyiexma Siyiex heue.*

5. Phat ka Efesux 4:4-5. Pa hoik krai Pawlux aliah ceu, pa hoik vien tau ka kawnpraix Siyiex, mawh patix lie? Krai sidawng awawx.

k) **TokauxTix Mu.** Kawnpraix Siyiex hoik vien tix tau ka daux Khwan Singax Singeh mawh Tokaux Tix Mu khaing heue.  
*Simiang Yesux mawh Kaing: mai ex mawh siag Tokaux Nawh .. heue.*

kh) **Khwan Tix Mu.** Khwan Singax Singeh koe Tix Mu khaing heue.  
*Nawh ot ka daux ex pa mawh kawn praix Siyiex kukaux heue.*

ng) **Pa keud pot Tix mu.** Pa keud pot pwi pa yumrhawm khawm uik mawh nin, Simiang Yesux tag deeh hoek mai kix tag ot tau mai Nawh mai tag awm Nawh leeing ju heue.

s) **Simiang Tix Kaux.** Viang pwi pa yumrhawm tang haktiex ot tix kawx, tang pakngai kawx, tang lox sikah kawx kix krub ka Simiang Yesux Khrit tix kaux khaing heue.

sh) **Krax yumrhawm Tix mu.** Kawnpraix Siyiex tete, viang kix ot dee mawx ang ah, krax yumrhawm hoik mawh tix mu khaing. Kix

**Ceucao pa mawh rhawm tix mu**

*yumrhawm ka Simiang Yesux an, awm pa hoik tiiem ti deuh ka daux gumlox Siyiex heue.*

ny) **Baptis Tix ceu khaing.** Khwan Singax Singeh hoik baptis ka pwi pa yumrhawm khawm uik ka daux Tokaux Khrit heue.

t ) **Siyiex Tix Kaux mai Keeing ka piang khawm uik.** Pwi pa yumrhawm khawm uik viang ot dee mawx ang ah, koe Keeing Tix Kaux khaing heue. Ex lih mawh kawnpraix Nawh, yam yumrhawm ex ka Simiang Yesux mai deeh keh tix bawg kheu siawpsibrawm Khwan Singax Singeh heue. ( Phat ka Efesux 4: 4- 6)

## Lawg Gau [ 8 ]

**Simiang Yesux tawx Kawncau pa ting khankix, Cao jhai khankix, Pwi sidiex loxbwan khankix, Sara ceucao mai Sara khankix ka Ceucao**

### K. Lox singeuh

Ka daux lai Efesux, Simiang jhi Bwanson pa hoik tawx Nawh ka ex ka daux Khrit heue.

Mai Nawh jhi ex yaox krax pa hoik bak Tix son ex, sonsang ot ex ka daux rhawm tix mu, kheu bwanson khankix heue.

Simiang mawh **Cao liang yung** ex heue. Nawh tawng ka yung Tix\*.

Nawh hoik tawng ex lo krax teem, sonsang pon ot ex ka daux pa **h** rhawm paox tix heue.

### Grawng dawd

Daux lawg in ex sang gauawn grawng khawng-phak pa tawx Simiang Yesux ka ceucao heue. Nawh tawx kawncau pa ting khankix, cao jhai khankix, pwi lih tawx loxbwan gauxrhwam khankix, sara ceucao khankix mai sara khankix ka ceucao heue. Nawh tawx pwi yuh kaing khankix sonsang ting huan ceucao krax tawng krax yung ka Simiang Khrit, mai sonsang chix koe rhawm tix mu, sonsang mawh pa die huan mai grum naog ka daux Yesux Khrit heue.

### KH. Simiang Yesux hoik tang tawx ceu pa chix yuh ka kawn nyiexmapa ot daux Tokaux Nawh (members of His Body)

Ex mawh tix mu ka daux Khrit, kheu *Khwan Singax Singeh* heue.

Ex koe Keeing tix kaux khaing.

Nawh hoik tawx ceu pa tang chix yuh ex, mawh kheu nan ex chix yuh kaing pa tang son Nawh ka daux Ceucao Nawh heue.

Phat ka Efesux 4:7

Simiang hoik tawx ceu pa chix ka ex heue. Sonsang chix shiao ka ceu pa hoik tawx Nawh, Nawh baox tawx riangrao mai pingnya cuyi ka ex heue.

Phat ka Romax 12:4-8

Siyiex yuh siag pa ang awm paox mai kleuk tix tau, mai yuh ka kawn pwi heue. Siag mawx siag an, tang koe kaing yuh tix heue.

Awm an, Simiang Yesux hoik tawx ceu pa chix yuh ex, ka kawn nyiexma (member) Nawh heue.

Pa bak Nawh mawh nin, kawn nyiexma khankix caw ti shiao ka khawng-phak pa hoik tawx Nawh ka kix sonsang kieh Ceucao (Tokaux Nawh) kaux cong heue. Simiang Yesux tawx ceu pa lo Ceucao khankix heue.

Phat ka Efesux 4:7-10

Baux lai pa teei Pawlux ka daux lai Yaogyaw, nawh jhi ex yaox ka rieng pakpeung cao bung, pa pex ka kuceu heue.

Pawlux kleuk ex yaox ka Simiang Yesux Khrit, pa hoik pex ka krax yum heue.

Awm mawh Nawh Cao pa pex, Nawh tom tawx khawngphak pa pex khankix ka Ceucao Nawh heue.

\*Yaogyaw 23:  
1 Petru 2:25

1 Kawrinthux 12

Yaogyaw 68:18

1 Kawrinthux 15:55-57

**NG. Siyiex tawx pwi pa pon khawngphak ka Ceucao**



Phat ka Efesux 4:11-12

Khawngphak pa liang ra: mu mawh kawncau pa ting mai cao jhai khankix heue.

Pawlux hoik grux krai ex mhong ka daux lai cie nawk, grawng mawh pwi inkix, num jaong ceucao heue.

Kheu pa tix ah nin lie? Kheu Simiang Yesux tawx gumlox Tix ka kix heue.



Phat ka Efesux 2:19-20

Gumlox Siyiex:-

- Gau ex ka grawhgrawng Siyiex

- Teem ex sonsang tawng ex ka Nawh

- Krai ex mhong krax pa sang pon krax Taoh

- Krai ex mhong, krax im ju ex caw ti awm kawnpraix Tix heue.

Khaix hoik uik krai ka Gumlox Siyiex, ang lai lo kawncau pa ting mai cao jhai khankix ka daux ceucao heue.

Num jaong, pa sum Siyiex son nyiex bwan Tix, hoik hoik heue.

Yesux tawx pwi pa lih tawx loxbwan ka ceucao heue.

- Pwi pa tawx loxbwan mawh pwi pa hu krai loxbwan gauxrhawm heue.

- Daux singaix pwi tom nie, yuh kaing sidiex loxbwan son Simiang, mai hu krai grawng Yesux Khrit heue.

Yesux tawx sara ceucao mai sara sidiex ka ceucao heue.

- Dee bleeh *sara ceucao* mawh *cao liang yung* heue.

- Simiang Yesux, pa mawh cao liang yung pa mhawm, tawx sara ceucao khankix jhak ka Yung khankix heue.

- Sanglang:

*Pawlux hu tix dah hoik tix dah mai krai lox bwan heue.*

*Phan pwi khankix yumrhawm ka Yesux, nawk kraix khrawm ka kix tau mai sum ka ceucao tan heue.*

*Pwi khankix gau sawn ka gumlox Siyiex heue. Khwan Singax Singeh tauk (equip) ka pwi ceucao sonsang deeh shiao ka daux ceucao heue.*

*Pawlux yaog kix mawh sara ceucao, kheu Khwan Singax Singeh hoik tauk (equipped) ka kix heue.*

Efesux 2:20

1 Petrus 5:1-4

## *Yesux tawx Kawncau pa ting, Cao jhai, pwi sidiex loxbwan, Sara ceucao mai sara*

### **- Deeh ci: ti deuh**

*Ka daux lai Kawncau, ex phat grawng laux lee Pawlux ka veng  
Milet khaix hoik sidah krax hu tix bawg loe mai Yam deeh ing ka  
veng Yeruxsaliem heue.*

### **Jhi kix yaox dee ot Milet ka daux rieng awawx.**

Phat ka Kawncau 20:17

*Pwi pa viex Pawlux hu mai tix ka veng Milet mawh cao bung  
kaing ceucao( elder) Efesux heue.*

Phat ka Kawncau 20:28

*Pawlux kok kix cao bung kaing ceucao mawh “ cao jhak mai sara  
ceucao ” heue. Grawhgrawng nawh kheu mawh kix pwi pa thung,  
pa jhi ka kaing pa yuh ceucao heue. Pawlux krai ka cao bung kaing  
ceucao khankix sonsang yuh kaing pa kia ngien ka cub yung Siyiex  
heue.*

*Cao bung kaing ceucao khankix kia ngien ka cub yung Simiang  
pa ot ka daux Efesux yuh ka mawx? Pawlux ah nin ka kix,  
“.... tawx ceu pa ih ka ceucao Siyiex .. ” heue.*

- Sara ceucao caw ti tawx priex ka kawnpraix Siyiex, caw ti sidiex  
gumlox Siyiex ka kix heue.

- Awm hoik tawx Simiang Yesux cao bung kaing khankix ka ceucao  
Efesux, Nawh ca kawn tawx cao bung kaing son Ceucao tom singaix  
heue.

## **S. Siyiex tawx pwi pa hoik pon khawngphak sonsang tauk(equip) mai sum ceucao Nawh heue.**

Phat ka Efesux 4:11-13

Kheu pa tix Simiang Yesux tawx pwi pa pon khawngphak ka ceucao lie?  
“ Sonsang grum mhawm pwi singax singeh khankix... ”

1 Kawrinthux 12:7;  
14:12,26;  
Kawlawsie 1:24-29;  
2:1-3

Khwan Singax Singeh tawx ceu pa chix ka ceucao sonsang chix sidiex  
mai sonsang chix tauk (equip) ka Ceucao heue.

Mawh kheu nan, pwi yumrhawm kukaux chix gau ka paox tix, chix kieh  
krax tawng krax yung ka Siyiex ting huan tawng ka alo Nawh heue.

### **- Keud sawn**

*Yam hoik keh ex ka daux nyiemma Siyiex, Siyiex tawx ex mawh  
ghhawk kawn riex ju(adult son), viang mawh nan ex ang nyang  
chix yuh kaing Nawh awm pwi ting heue. Krax pa tawng ex, mai  
pa yaox pa cim (experience)ex khankix ca kawn awm kawn ngie  
pa khraox keh heue.*

## *Yesux tawx Kawncau pa ting, Cao jhai, pwi sidiex loxbwan, Sara ceucao mai sara*

Siyiex tawx beeh glawm sidiex ka cao bung kaing ceucao khankix son-sang sidiex ka pwi khraox yumrhawm khankix, yuh ka mawx sonsang ting huan kix mai die huan ka daux krax yumrhawm mai krax tawng krax yung heue.



Phat ka Efesux 4:14

Sara pa ang mawh ang meh(sara pie) khankix *ngu ngik*(twist) ka Gumlox Siyiex heue.

Pwi pa yumrhawm, pa ang nyang ting huan krax yumrhawm mai krax tawng krax yung khankix, yie lud krax kheu lox sidiex sara pa ang mawh ang meh ( sara pie) heue.

Cub pwi pa ngu ngik ka Gumlox Siyiex(cult) nyaw glaw ka pwi pa ang bax rielx krax yumrhawm mai krax tawng krax yung ka Gumlox Siyiex heue.

- Lox tiag:

*Kawn nyawm khankix yie yumrhawm ka ceu pa krai pwi ka kix heue. Awm an, kawn ngie pa kawn awn ju plak khwan khankix yie pie pwi ka kix mai kieh kix lud krax mai hawt khaix lox sidiex pa ang mawh khankix heue.*

- Lox tiag:

*Pawlux tiag pwi pa ang bax gau mai pwi pa ang nyang die huan ka reu pa ang koe sidax, pa sibroe piang rawm sigrit sigra yam phlu bhaung ting heue. Reu an hu jee hu blaong mai tibawg bawg cawang jee jee blaong blaong heue.*

*Pwi yumrhawm pa ang bax nyang yaox gau, pa ang nyang die huan khankix ang chix tawng ka Kaw pa sang yumrhawm heue. Bawg liang, kix tag yumrhawm ka sara pie tix kaux, khaix an, nawh prah ka sara an mai deeh hawt khaix sara pie tangkaux khankix heue.*

Siyiex ang simie kawnpraix Nawh lud krax hu tix heue.

### **SH. Simiang simie siag Tokaux Nawh kusiag ting huan mai chix ti yuh kaing khaw caw**



Phat ka Efesux 4:15

Siyiex ang joeng simie ex ting huan plak krax tawng krax yung nong, kawn simie ex tawng grawng mawh Simiang Khrit krax im ju ex ku yam heue.

- Pa tawng ka Simiang Yesux, mawh mhai pa bak ex, mawh mhai pa bak krax yumrhawm ex heue.

- Nie tawng ex ka Nawh, nie chix plih ex pwi yaox ka *pa mawh pa meh*, ka daux lox sikah tix mai ka daux kaing pa yuh ex heue.



Phat ka Efesux 4:16

Kawlawsie 2:4-8

Yakop 1:5-8

Kawlawsie 1:28; 2:2-3

Philippi 3:7-11;  
Yohan 17:3

*Yesux tawx Kawncau pa ting, Cao jhai, pwi sidiex loxbwan, Sara ceucao mai sara*

- Lox tiag:

*Jhak ka tokaux ex awawx. Mawh ngawg ex pa kleuk ka tokaux ex mai ka kaing: ex heue. Plawng taix mai plawng caong ex kawx kleuk ka tokaux ex heue. Jhak ti yaox taix ex mai caong ex kawx hu kleuk ka plawng taix mai plawng caong heue. Baox jhak, giien taix ex mai giien caong ex hu kleuk ka taix mai ka caong heue.*

*Phan giien taix mai giien caong ang kleuk ka taix mai ka caong, sang chix yuh ex kaing lie? Phan taix ex mai caong ex ang kleuk tix ka plawng taix mai plawng caong sang chix yuh ex kaing lie? Phan giien taix ex, taix ex, giien caong ex, caong ex ang kleuk tix ka tokaux, sang chix yuh kaing lie? Phan plawng taix ex, caong ex, plawng caong ex mai tokaux ex ang kleuk tix ka kaing: ex, sang chix yuh kaing lie? Ang doh chix.*

*Siag pa koe ka daux kaux ex khankix caw ti kleuk paox tix, mai siag mawx siag an, caw ti yuh kaing yuh tix khaw caw, sonsang pon yuh tokaux ex ka kaing mhawm mhawm heue.*

Awm an, Khrit mawh kaing:, ex mawh siag Tokaux Nawh heue.

1 Kawrinthux 12

Khwan Singax Singeh hoik kleuk ex ka Nawh heue.

Kawlawsie 1:18

Ex ang doh chix yuh kaing pa hoik tawx Siyiex siglaing, phan ex ang tawng grawng mawh Nawh Kaing:, mai grawng mawh Nawh dee een ex rhawm heue.

Ex caw ti doh keud, grawng lo ex ka paox tix, tix kaux lai tix kaux.

Siag tokaux ku siag caw ti tang yuh kaing yuh tix khaw caw heue. Phan yuh nan, tokaux khawm mu ting huan mai koe krax nyawm ot mai koe pa gauxrhawm heue.

 Phat ka Efesux 4:13

In mawh pa simie Siyiex son pwi pa yumrhawm khawm uik heue.

Rieng job ngai



Siyiex simie pwi yumrhawm khawm uik mawh tix mu ka daux krax yumrhawm, ka daux krax tawng krax yung ka Khrit mai pa die huan ka daux Nawh heue.

Kheu grawng in Nawh tom tawx ka ex cao sidiex lox bwan, sara ceucao, sara khankix ka daux singaix heue. Ka: an dix, Nawh taw. Kawncau pa ting mai Cao jhai khankix heue.

Siyiex simie ex:

- Mawh tix mu, kheu mawh ex pwi yumrhawm ka Khrit tix kaux heue.
- Mawh pa tawng ka Yesux Khrit.
- Mawh pa awm ka Nawh.

Romax 8:28-29  
1 Yohan 3:2

#### NY. Lox nyep

Ah lox ting bwanson ka Simiang kheu tawx Gumlox Nawh ka ex, khaing kawncau pa ting mai khaing cao jhai khankix. Ah ting bwanson ka Nawh, kheu tawx cao sidiex loxbwan gauxrhawm khankix, sara ceucao khankix mai sara khankix heue.

#### Lox chawk

1. Khwan Singax Singeh hoik yuh ex mawh tix mu ka daux Khrit mai ex koe Keeing tix kaux khaing heue. Phan mawh nan, ex pon khawngphak khwan pa awm paox tix, sonsang yuh kaing plak khwan pa awm paox tix lie?  
*Ang mawh nan, Siyiex tawx khawngphak pa tang ka ex, mawh kheu nan ex tom pon yuh kaing pa tang plak khwan son Nawh, ka daux ceucao Nawh heue. (Phat ka Romax 12:4-8)*

*Yesux tawx Kawncau pa ting, Cao jhai, pwi sidiex loxbwan, Sara ceucao mai sara*

2. Simiang hoik tawx pwi ka Ceucao sonsang sidiex mai sonsang kieh Ceucao mawh pa die huan ka daux krax tawng krax yung ka Simiang Yesux heue. Ara pwi khankix mawh pa tix lie?

*Kawncau pa ting, cao jhai, pwi lih tawx loxbwan gauxrhawm, sara ceucao mai sara khankix heue. (Phat ka Efesux 4:11,13)*

3. Kawn kok ka sara ceucao mawh patix?

*Pwi bung kaing mai cao bung cao kia. (Kawncau 20:17,28)*

4. Kaïng cao bung ceucao mawh pa tix?

*Sonsang sidiex gau mai tauk (equip) ka ceucao, sonsang chix kawn nyiexma ceucao khawm uik ralai teem ka paox tix, joh ka paox tix sonsang ting huan krax tawng krax yung ka Simiang mai ka alo Nawh heue.*

5. Ka pwi yumrhawm pa lud krax kheu sara pie, Pawlux tiag kix awm pa tix?

*Tiag kix awm reu pa ang koe sidax, pa sibloe ka piang rawm sigrit sigrah yam ting bhaung heue. (Phat ka Efesux 4:14)*

6. In mawh rieng phekisdawng (illustration) pa mhawm son pwi Khrityan pa ang koe krax gaux mai pa ang koe pa die huan yuh ka mawx?

*Khrityan pa ang koe krax gau, pa ang koe pa die huan khankix ang tawng ceu pa sang yumrhawm mai ang tawng sang caw ti yumrhawm ka pwi mawx heue. Bawg liang, kix tag yumrhawm ka sara pie, khaix an, kix prah ka kaw an mai hawt khaix sara pie tang kauz heue.*

7. Mhai pa bak Siyiex son kawnpraix Nawh mawh pa tix lie?

*Siyiex simie ex gau sawn ka grawng Simiang Yesux Khrit khaing Gumlox Nawh mai sonang meed sonsang tawng ka Nawh mai kieh Nawh mawh Simiang ka daux krax im ju ex heue.*

8. Bwan-siag pa pon ex kheu meed ex, tawng ex ka Simiang Yesux mai kieh Nawh kwang ka krax im ju ex ku yam mawh patix lie?

*Ex chix plih pwi yaox pa mawh pa meh ka daux lox sikah tix mai ka daux kaing pa yuh tix heue.*

9. Ceucao mawh Tokaux Khrit heue. Mawx mawh Kaing: Ceucao lie?

*Yesux Khrit mawh Kaing: ka Ceucao Nawh heue.*

10. Kheu patix ex mawh siag Tokaux Khrit lie?

*Siag pa koe ka daux tokaux ex kleuk ti mawh kaux tix mu, mai tokaux deeh kleuk tix ka kaing: heue. Awm an ex tix kaux lai tix kaux kleuk tix tau mai kleuk ka Khrit pa mawh Kaing: ka ex heue.*

11. Ceucao mawh Tokaux Khrit heue. Ex een rhawm ka pwi mawx lie?

*Ex een rhawm ka Simiang Yesux mai een rhawm ka paox tix heue.*

12. Ka daux Tokaux Khrit, kaing pa yuh kaux pwi mawx pwi an ting ceu miex ding lie? (Doh keud, grawng mawh ceucao, Tokaux Khrit awawx).

## Lawg Gau [ 9 ]

### Im ju pa khraox ka daux Khrit- baux 1

#### K. Lox singeuh

Ex pa mawh tokaux cie Khrit, sang caw ti ot yuh ka mawx lie?

Paw vi pi awm ka grawng mawh ex siag son tix kaux lai tix kaux ka daux Khrit awawx. Ka: ang ex nyang pon krax taoh, krax im ju ex koe pa lhat pa graung heue.

Pwi jeeih lox (commentator) tix kaux ah yuh nin:

“Pwi yumrhawm tix kaux peung ang doh chix pie lhen ka pwi tang kaux, kheu siniak ka daux tokaux nawh hoik tawx satix hu ka dong grawng pa hoek ceu pa caox ka dex nawh heue.”

#### KH. Khrityan ang khaw ti hawt khaix been haktiex pa prim



Phat ka Efesux 4:17

Kheu Siyex hoik tawx ka pwi pa yumrhawm ka ghawg pa khraox ka daux Simiang Yesux, Pawlux tom khyox khaw ka kix sonsang ang lai ot awm pwi tang ceu tang cat heue.

Pwi tang ceu tang cat ot kix yuh ka mawx?

Pawlux ah nin, kix ot “....ka daux rhawmrhi pa giex..”

- Pwi pa ang tawng ka Siyex ot yuh nin daux singaix heue.

- Rhawmrhi kix keud son tix nong nong, simie yuh ka ceu pa caox .

- Pa bak kix mawh sonsang yuh krax gauxrhawm tokaux tix, viang mawh nan krax im ju kix naog ngie ka ceu pa lauxrhawm, pa lhat pa graung heue.

- Viang kix pon krax gauxrhawm kawx, phimap kix ca thung kix ka krax ciyang leeing ju heue.

- **Keud Sawn:**

*Ka: ang ex nyang pon krax taoh, ex kawx hoik awm an: heue.  
Ex ca keud mai yuh tom fahrhawm ka ceu pa caox khankix  
heue.*

*Viang mawh nan, fahrhawm ex tete lie? Ang! Pa keud ex khankix  
mawh pa yie laux mai ang koe bwanson heue.*

*Mawh kheu grawng in heue, Pawlux tom tawx satix ka pwi  
yumrhawm khankix sonsang ang hawt khaix been pa keud  
haktiex heue.*



Phat ka Romax 12:2

#### Grawng Dawd

Lawg in plih ex yaox ka ceu pa tang sinax pwi pa pon krax taoh mai pwi pa ang bax pon krax taoh, mai plih ex yaox lox tawm Siyex ka pwi pa yumrhawm khankix sonsang ot kix ka daux Ju pa Khraox ka daux Khrit heue.

Tawx satix ka pwi pa ca kawn ot ka daux krax intju pa prim heue.

Siyex hoik tawx krax im ju pa khraox ka daux Khrit mai yuh kaing ka daux rhawmrhi ex mai yuh ex mawh pa khraox ka daux Khrit heue.

Efesux 2:1-3;  
1 Petrus 1:18

Hebre 2:14-15  
Romax 6:23

## *Im ju pa khraox ka daux Khrit- baux 1*

Krax keud pwi haktiex khankix mawh pa chix laux ngie heue.

 Phat ka Romax 4:18

- Krax tawng krax yung kix hoik mawh pa faik.
- Rhawmrhi kix hoik dug, ang chix yaox ka ka pa mawh pa meh heue.

2 Kawrinthux 4:4

 Phat ka Romax 1:18-19

Siyiex plak jhi pa rah pa see, viang mawh nan haktiex thiang ti tik heue.  
Mawh kheu nan, bwansiag (result) lih mawh pa tix lie?

 Phat ka Romax 1: 21-22, 28; 3: 11

Yam yumrhawm ex ka Simiang Yesux, ex hoik keh ka daux pa khraox  
mai ex pon ngai pa riieng pa khraox heue.

Ex mawh pwi khraox tau mai krax im ju pa khraox ka daux Khrit heue.

Nawh tawx rhawm rhi pa khraox sonsang chix tawng ex sidawng ka  
pa mawh pa meh heue.

Phan ex ca hawt khaix pa keud mai pa thung pwi haktiex in, ex mawh  
pwi deux pwi aw heue.

- .. “ *Kheu pa thox ka daux rhawmrhi kix, kix hoik singai ka Siyiex heue*”

Kalatix 2:20  
1 Kawrinthux 5:17

- Kheu ca thiang ka gumlox Siyiex, pwi pa ang yumrhawm lih mawh pwi  
ka kien rhawm mai ang lai yuh ti tawng mai cu nghiet ka lox Nawh  
heue.

- Mawh kheu nan, kix ang lai dex ka Siyiex mai ka Ju Leeing ju heue.

1 Kawrinthux 2:16

 Phat ka Efesux 4:19

Pawlux tjiem grawng pa awm paox ka Pwi yumrhawm Romax heue.

 Phat ka Efesux 1:29-32

Kawn praix Sātan khankix im ju yuh nan heue. Phan mawh nan, kawn  
praix Siyiex khankix im ju yuh ka mawx lie?

### **NG. Khrityan khankix caw ti prah kaing yuh ka daux been pa prim mai yaog ti yuh kaing pa khaw mai pwi pa khraox.**

Ka: ang ex nyang mhong mai tawng ka gumlox Siyiex, rhawmrhi ex  
kawx riex tete heue.

Ex hoik singai khaing Siyiex, kheu rhawm pa riex mai rhawm pa caox  
ex heue.

Viang mawh nan, yam in ex hoik kleuk tau mai Simiang Yesux heue.

- Nawh hoik gau sawn, sonsang tawng ex ka pa mawh pa meh heue.
- Nawh tawx sibrawm ka ex sonsang im ju ka daux Nawh heue.
- Nawh hoik tawx ka ex Khwan Singax Singeh Tix heue.

## ***Im Ju pa khraox ka daux Khrit - baux 1***

- Phan ex tawng tokaux tix mawh pa yum ka daux phimap, krax im ju Yesux tag ot ka daux ex heue.
- Mawh kheu nan krax im ju ex caw ti tang khaing ka: ang ex nyang keh tix bawg heue.



Phat ka Efesux 4:20-24.

Yam hoik pon ex krax taoh, ex peeik ti tik pa prim, pa mawh kawn phimap kheu Adam heue.

Siyiex yuh ex mawh pa khraox heue.

Nawh loh rhawmrhi ex khawm uik- pakpeung rhawm keud ex, mai jhawm keud ex - sonsang ang ex lai deeh ceep ka ceu pa prim heue.

Ex pon krax taoh dom mawx, Khwan Singax Singeh hoik com ex ka daux Simiang Yesux heue. Mai ex ceep ka pwi khraox - pwi khraox pa ot ka daux Khrit- kheu hoik cox khre Siyiex ka ex heue.

Siyiex hoik yuh ex mawh pwi khraox, hoik kieh ex singax mai rah see heue.

Siyiex hoik yuh ex mawh pwi khraox ka daux Khrit, mawh kheu nan ex im ju ka daux pa keud pa sawn ceu pa singax mai yuh kaing ka daux pa singax heue.

### **- Deeh ci ti tawng :**

*Yam jah, Siyiex phan ka Adam ka daux rieng pakpeung Tix, sonsang chix tawng, chix moh mai chix cu nghiet ka Nawh heue. Phan Adam ang yuh phimap, ex tag mawh pwi pa tawng , pa moh mai pa cunghiet ka Siyiex heue.*

*Kheu Adam yuh phimap, ex tom hoik singai khaing Siyiex heue. Bwansiag(result) pa pon khaing an mawh pa tix? Ex lih keh awm keeing ex Adam heue. Ex ang lai chix tawng, chix moh mai chix cunghiet ka Siyiex heue.*

Viang mawh nan, ex pa hoik yumrhawm ka Siyiex hoit keh pa khraox tix bawg heue.

- Siyiex hoik yuh ex kukaux mawh pwi khraox heue.

- Siyiex hoik yuh ex awm rieng pakpeung Tix- sonsang Singax mai rah see awm Nawh heue.

- Yam in,ex hoik chix tawng , chix moh mai chix cunghiet ka Siyiex heue.

Siyiex lai chix yuh ex mawh pwi khraox yuh ka mawx?

Khwan Singax Singeh gau ex ka Gumlox Siyiex heue.

- Siyiex gau ex tawng grawhgrawng Nawh heue.

- Nawh jhi ex yaox, grawng lo ex ka Nawh heue.

Romax 6:11  
Kalatix 2:20

2 Kawrinthux 5:17

Romax 6:3-4

Philippix 2:5-8

Yam Jah 1:26-27

Romax 5:12

Yohan 17:3;

Romax 8:1-14;

Kawlawsie 3:1-10.

Yohan 14:26;  
16: 13-14.

## ***Im ju pa khraox ka daux Khrit- baux 1***

- Nawh jhi ex yaox, sang caw ex ti im ju yuh ka mawx heue.

Ka daux Khrit, Siyiex tawx pa lo ex kuceu sonsang im ju ex ka daux ju pa khraox heue.

Ex hoik peeik ka pwi pa prim, pa im ju ka daux Adam mai hoik ceep ka pwi pa khraox pa hoik yuh Siyiex ka daux Khrit heue.

Krax im ju Khrit ot ka daux ex, koe ka daux ex heue.

2 Petrus 1:3-4

Kawlawsie 1:27

### **- Lox Tiag:**

*Koe pwi caung ti ih tix kaux, nawh ceep kraung pa khreeing heue. Pwi viex nawh hu ka pwi cao mi tix kaux heue. Cao mi an tawx kraung ceep pa khraox ka nawh mai nhie nawh peeik ka kraung pa khreeing mai ceep ka kraung pa khraox heue.*

*Nawh peeik ti tik ka kraung pa caox mai ceep kraung pa khraox heue.*

*Khaix hoik tik nawh ka kraung pa khreeing, sang deeh ceep nawh ka kraung pa khreeing an lie?*

*Ang tau ti ceep. Phan nawh mawh pwi pa chix keud, nawh tag peeik ti kix ka kraung pa khreeing heue. Mai nawh tag ceep ka kraung pa khraox heue.*

Khaix yumrhawm ex ka Simiang Yesux mawh Cao Taoh Tix, ex kawx peeik ti kix ka krawung pa prim, pa mawh pwi pa prim, mai tawk yum ka kaux pa prim kaux phimap tau mai Khrit heue.

Mai ex ceep ka kraung pa khraox- pa mawh pwi khraox ka daux Khrit heue.

Mawh kheu nan, krax im ju ex caw ti tang khawm mu hèue.

Krax im ju ex caw ti plih (reflect) ka pa yuh Siyiex ka daux ex heue.

 Phat ka Efesux 4:17

### **S. Krax im ju pwi prim, pa khaw ex ti peeik ti tik mai krax im ju pwi khraox pa khaw ex ti ceep**

Ex hoik peeik ti tik ka pwi prim, pa mawh pa ot ka daux Adam heue.

Ex hoik ceep ti deuh ka pwi khraox, pa mawh ka daux Khrit heue.

Kheu grawng in Pawlux krai ex Khrityan khankix mhong, ka ceu pa khaw ex ti yuh mai pa ang ex khaw ti yuh heue.

Kalatix 15:16-26

- Yuh ti tawng awawx, ceu pa cunghiet ex ang mawh pa coca cao tix.

- Chix cunghiet kheu kieh Khrit ot ka daux ex, kheu hoik ot Khwan Singax Singeh ka daux ex heue.

Ex ang chix ti lhen ka paox tix heue.

## *Im ju pa khraox ka daux Khrit- baux I*

 Phat ka Efesux 4:25

Ex caw ti krai pa mawh pa meh ka kukaux heue.

- **Keud sawn:**

*Sonsang chix krai ex ka pa mawh pa meh kied ting ceu heue.  
Kheu pa tix lie? Kheu ceu pa yuh ex pwi pa yumrhawm hu  
kleuh hu krox ka paox nyiexma cie Tokaux Cao Khrit heue.*

Grawng pa songrhawm mawh pa tix?

- Phuk lai sigang khri ah nin, ex caw ti songrhawm ka phimap mai  
caw ti thiang ku ceu pa koeng ka Siyiex mai ceu pa koeng ka pa  
mawh pa meh heue.

 Phat ka Efesux 4:26

- **Keud sawn:**

*Ex caw ti tawng yuh nin, ceu pa songrhawm pa dex dawd ka  
phimap, mawh siag pa ot ka daux pwi prim, mawh pa hoik  
peeik ex ti tik yam hoik pon ex krax taoh.*

*Phan ex koe pa songrhawm pa dex dawd ka phimap, ex khaw  
ti krai ka Simiang mai ka pwi tix kaux kaux, ka ceu pa hoik  
phit ex heue.*

 Phat ka Efesux 4:27

- **Keud sawn:**

*Ka daux krax im ju ex, phan ex kieh phimap mai pa songrhawm  
ex koe ka daux ex, awm hoik tawx ex akhwang ka Satan heue.  
Satan tag shiao ka ceu inkix mai laux yuh ka krax im ju ex mai  
krax im ju pwi tang kaux khankix heue*

 Phat ka Efesux 4:28

Phan ex briex awm pwi pa ang yumrhawm, paw lai yuh nan. Loh  
rhawmrhi ex heue. Ex caw ti coca yuh kaing mai gwieh ti tawx mau  
riang pa pon ex ka pwi pa lo krax teem krax coi khankix heue.

 Phat ka Efesux 4:29

Ka: ang ex nyang pon krax taoh, ex krai ceu pa ang ex khaw ti krai.

Ex klah lox mai kieh pwi saux rhawm ka tix heue.

Viang mawh nan, khaix hoik mawh ex pwi pa yumrhawm, ex chix  
krai lox nyawm rhawm, chix tawx riang rao ka pwi, chix teem ka pwi  
ka daux lox sikah tix heue.

Makux 3:5

 Phat ka Efesux 4:30

Tokaux ex mawh nyiex bwan Siyiex heue.

Siyiex hoik deuh mhai Tix pa mawh Khwan Singax Singeh pa ot ka  
daux ex ku kaux, kieh mawh mhai pa sang yaog ex kaoh khaing

Hebrie 10:25

Romax 8:10-11;  
1 Thesalonix 4:15-17

## *Im ju pa khraox ka daux Khrit- baux 1*

krax yum, yam deeh hoek Simiang Yesux Hkrit ka ex heue.

Mawh kheu nan, ex ang khaw ti kieh been pa prim koe ka daux ex.

### **- Lox tiag:**

*Phan ex kawn ah lox caox awm ka:ang ex nyang pon krax taoh,  
hoik awm yuh ex kieh Khwan Singax Singeh songrhawm heue.*

*Phan pwi pa moh maix tix kaux kaux, ah lox caox ka maix,  
maix tag sauxrhawm ang mawh lie? Maix tag laux rhawm ang  
mawh lie? Maix tag lauxrhawm heue.*

*Awm an, ex hoik kieh Khwan Singax Singeh songrhawm, yam  
kieh ex tokaux tix ot greem phimap heue.*

Ex ang khaw ti kieh Khwan Singax Singeh songrhawm kheu ceu in.

 Phat ka Efesux 4:31

Ah lox pa kin jhawm, ceu pa lih koe pa songrhawm khankix mawh pa yaox ex ka daux been pa prim heue. Ceu an khankix hoik yum, yam pon ex krax taoh heue.

### **- Deeh ci: ti deuh:**

*Phan pwi tix kaux kaux, ah lox caox ka maix, sang pawk maix  
ka kaw an yuh ka mawx? Maix tag deeh pawk lox pa caox heue.*

Awm pa ah Pawlux ka daux baux 24, ex hoik mawh pwi pa ceep pa khraox heue. Siyandex hoik yuh ex mawh pa rah pa see mai pa Singax Singeh heue.

 Phat ka Efesux 4:32

### **- Keud sawn:**

*Tix bawgbawg, kied nu ti ploi phimap ka pwi pa hoik ah lox  
caox ka ex heue. Ex keud yuh nin, kix ang keung ti pon krax  
ploi phimap ex heue.*

*Phan mawh nan, mawh keung ex ti pon krax pluat phimap  
khaing Siyandex lie? Ang keung. Pa keung ex mawh krax ciyang  
leeing ju heue. Viang mawh nan, Siyandex ploi Simiang Yesux yum  
tang ex, mai Nawh pluat phimap ex khawm uik heue.*

*Krax moh ceu in heue, pa simie Siyandex ti kieh ex jhi ka pwi tang  
kaux khankix.*

Ex khaw ti pluat phimap ka pwi mai moh ka kix, awm moh Siyandex ka ex mai pluat phimap ex heue.


Sang pon yuh ex nan lie?

Pon heue. Phan mawh nan, sang yuh ex ka mawx lie?

Yam hoik pon ex krax taoh, ex hoik tik ka pwi Adam, pa mawh pwi prim mai ceep ka pwi pa khraox, pa singax mai pa rah pa see, pa hoik yuh Siyandex ka ex ka daux Khrit heue.

## *Im ju pa khraox ka daux Khrit- baux 1*

**Rieng joh ngai:**



Ex koe Simiang Yesux Khrit pa ot ka daux ex heue.

Ex chix ti mhaing ka Nawh, yumrhawm ka Nawh khaing sonsang tawx bwanson pa chaoxrhawm mai riangrao ka ex sonsang chix ploi phimap pwi tang kaux, awm hoik ploi Siyex ka phimap ex heue.

### **SH. Lox nyEEP**

Ex ah lox ting bwanson ka Siyex kheu teem ex peeik ti tik ka been pa prim mai ceep ka pwi khraox, pa hoik yuh Nawh ka daux Khrit heue.

Ex ah lox ting bwanson ka Siyex kheu loh rhawmrhi ex mawh pa khraox, sonsang nie nie awm ex ka Simiang Khrit heue.

Ka daux Khrit ex chix pluat phimap cie pwi tang kaux khankix, awm hoik ploi Siyex ka phimap ex ka daux Khrit heue. Mawh kheu nan ex ah lox ting bwanson ka Siyex heue.

### **Lox chawk**

1. Kheu patix Pawlux khyox ka pwi yumrhawm khankix sonsang ang ot awm pwi pa ang bax pon krax taoh lie?

*Kheu glhawk pa khraox pa hoik tawx Siyex ka ex ka daux Simiang Yesux heue. (Phat ka Efesux 1:3; 2: 4-6)*

## *Im ju pa khraox ka daux Khrit- baux 1*

2. Awm pa krai daux lai Efesux 4:17-19, praix klawng plak khwan cie pwi pa ang pon krax taoh mawh pa tix?

*k. Pa tawng kix mai krax keud kix yie jieh mai ang koe bwanson. Ka daux rhawm kix naog ka- ceu pa caox, pa keud son tokaux tix, krax gauxrhawm haktiex pa ang kaux cong, pa nhim pa ang kaux cong- khankix heue.*

*kh. Pa tawng kix hoik faik. Rhawmrhi pwi pa ang yumrhawm hoik thox ka pa mawh pa meh.*

*ng. Kix ca yuh ti ang tawng ka pa mawh pa meh, kheu rhawm kix sidaing riex mai ang cu ti nghiet ka lox pa mawh pa meh heue.*

*s. Kix ang tawng ceu patix mawh pa caw mai ceu pa tix mawh pa ang caw. Mawh kheu nan, kix yuh awm rhawm alo tix mai ceu caox heue.*

3. Pa ting ceu 3 ceu, pa gau ka daux lai Efesux 4:22-24 mawh tix?

*1) Bawg Yam pon ex krax taoh, ex hoik peeik ti tik ka krax im ju pa prim, pa ot ex ka daux Adam heue.*

*2) Siyiex ca yuh ex mawh pa khraox. Nawh loh rhawmrhi ex - pakpeung rhawm keud (attitude), jhawm keud (opinion) - sonsang ang ex lai ceep ka pa prim mai hawt khaix krax pa prim heue.*

*3) Bawg Yam pon ex krax taoh, Khwan Singax Singeh com ex ka daux Simiang Yesux Khrit heue. Ex ceep ka pwi khraox- pwi pa hoik yuh Siyiex ka ex kadaux Khrit heue.*

4. Ex lih mawh pwi khraox yuh ka mawx?

*Ex yumrhawm ka Yesux Khrit mawh Cao Taoh ex heue. Yam an, Siyiex yuh ex mawh pwi khraox pa ot ka daux Khrit heue. Mawh kheu nan ex tom chix tawng, chix moh mai chix cunghiet ka Siyiex heue.*

5. Ex hoik peeik ti tik ka pwi prim, pa ot ka daux Adam mai ex hoik ceep ka pwi khraox, pa hoik yuh Siyiex, pa ot ka daux Khrit heue. Sibrawm pa caw ti koe ka daux krax im ju ex mawh pa tix?

*Ka daux siawpsibrawm Khrit pa ot ka daux ex, ex caw ti keud, caw ti sikah, mai caw ti yuh ka daux pa moh ka Siyiex heue. Krax im ju ex caw ti tang: khaing pwi haktiex pa ang nyang pon krax taoh heue.*

6. Lox tawm Pawlux ka daux lai Efesux 4:26, koe dee bleeh yuh ka mawx ?  
“ Paw kieh singaix klip ka piang ceu pa songrhawm songrhi pex”.

*k. Ex caw ti songrhawm ka phimap mai ceu pa koeng ka Siyiex mai ka pa mawh pa meh heue. Viang mawh nan, ceu pa songrhawm ex paw kieh mawh phimap ka ceu pa keud ex, pa krai ex, mai paw kieh mawh pa caox ka pwi tang kaux heue. (Phat ka Efesux 4:26)*

## *Im ju pa khraox ka daux Khrit- baux I*

*kh.Phan ex yuh phimap yam songrhawm, phan ang mawh nan, ca songrhawm jheeng jheeng, ex caw ti paoh krai phimap ex ka Simiang mai ka pwi pa hoik phit ex tix kaux kaux heue.*

7. Awm pa koe daux lai Efesux 4:27, pwi mawx pa sang pon akhwang ti yuh pa sivix ka daux krax im ju ex, phan ex ca kawn ot ka daux phimap tix lie?

*Mawh Satan pa pon akhwang ti yuh pa sivix ka daux ex heue.*

8. Awm pa koe daux lai Efesux 4:30, pwi mawx pa sang songrhawm ka ex phan ex ca ah mai ca yuh ceu pa caox, awm pa sax yuh ex ka: ang ex nyang pon krax taoh lie?

*Khwan Singax Singeh pa ot ka daux ex tag sang songrhawm heue.*

9. Siyiex tawm ex jhi krax moh ceu pa tix ka pwi pa hoik phit ka ex lie?

*Krax moh pa chix pluat phimap, awm pa hoik jhi Siyiex ka ex ka daux Simiang Yesux Khrit heue.*

10. Kheu patix, ex lai chix plak jhi krax moh, pa hoik moh Siyiex ka ex lie?

*Kheu mawh ex pa hoik keh heue. Ex hoik peeik ti tik ka pwi pa prim mai hoik ceep ka pwi pa khraox pa singax mai pa rah pa see pa hoik yuh Siyiex ka ex heue. Yesux Khrit ot ka daux ex mai tawx ka ex sibrawm pa chix moh awm moh Nawh ka ex heue.*

## Lawg Gau [ 10 ]

### Im ju pa Khraox ka daux Khrit -Baux 2

#### K. Lox singeuh

Jah ka Efesux 4:17, ex hoik gau grawng pa tang sinax krax im ju pa prim ka daux Adam mai krax im ju pa khraox ka daux Khrit heue.

Ex hoit peeik ti tik ka pwi prim ka daux Adam mai hoik ceep ka pwi khraox ka daux Khrit heue.

Ex mawh pwi khraox ka daux Khrit<sup>1</sup>.

Khwan Singax Singeh ot ka daux ex, Khrit ot ka daux ex sonsang chix cunghiet ex ka lox tawm Siyiex heue.

Ex hoik luan khaing pa gang phimap heue. Ex ang lai khaw ti ot awm pwi haktiex khankix heue<sup>2</sup>.



Phat ka Efesux 4:17-24

Ka daux simin ting 5, gau ex ceu pa khaw ex ti yuh mai ceu pa ang ex khaw ti yuh, kheu hoik mawh ex pwi khraox ka daux Khrit heue.

#### KH. Kawn praix Siyiex caw ti lawng krax ka daux krax moh



Phat ka Efesux 5:1

Yam ang ex nyang pon krax taoh, ex hawt khaix Satan mai yuh awm nawh, ang cunghiet ka lox tawm Siyiex, nied im ju pa khreeing, im ju son tokaux tix nongnong heue.



Phat ka Efesux 2:1-3

Viang mawh nan, Siyiex hoik toek ex lih khaing nyiexma Satan, mai hoik deuh ex ka daux nyiexma Siyiex heue.

Ex hoik mawh kawnpraix pa moh Siyiex heue. Ang khaw ti hawt jawh (mimic) ka Satan, ang khaw ti hawt ka been haktiex heue.

Pa khaw ex ti yuh mawh, kieh Khrit ot ka daux ex, ka daux krax moh Siyiex heue.

##### - Keud sawn:

*Viang ex ot ka daux nyiexma Siyiex kawx, tibawg bawg kied nu son ex ti prah ka been pa prim mai im ju pa khraox ka daux Khrit heue.*

Siyiex hoik tawx ceu pa lo ex khawm uik heue.

Nawh chix tawx yuh ka mawx lie?

- Hoik yuh ex pa khraox ka daux Khrit heue.

Grawng dawd

Lawg in gau ex tawng grawng mawh Yesux num ka daux krax im ju ex Khrityan heue. Kheu moh Yesux ka ex mai tawx tokaux Tix ka ex mawh pa tan pa lu son phimap ex, ex caw ti moh ka paox tix mai im ju son Siyiex heue. Lawg in tiag ex yaox, krax im ju pa ang yumrhawm mawh yuh ka mawx, krax im ju pwi pa yumrhawm ka daux Khrit, pa ot ka daux siawp sibrawm Khwan Singax Singeh, mawh yuh ka mawx heue. Tawx riangrao ka ex son sang ot ka daux ju pa khraox ka daux Khrit mai sonsang naog ka Khwan Singax Singeh heue.

<sup>1</sup> 2 Kawrinthux 5:17

<sup>2</sup> Romax 6

Kawlawsie 1:13

Romax 8: 14-16

Kawlawsie 1:27-29

## *Im Ju pa khraox ka daux Khrit - baux 2*

- Hoik yuh ex awm pakpeung Tix heue.
- Khwan Singax Singeh ot ka daux ex heue.

Phat ka Efesux 4:24

Phat ka Efesux 5:1-2

Pa moh Siyiex, hoik plak jhi sidawng khaing Simiang Yesux, yam hoik tawx Nawh ka tokaux Tix ka piang khaoxlhak sonsang tawx ngawh phimap ex heue.

Krax moh ceu in heue, pa simie Siyiex yaox ka daux ex.

### **- Deeh ci ti deuh:**

*Baux Yam phuk lai sigang khri pa prim, pwi Isarilax gleeing ti tan tosat ka Siyiex heue. Viang mawh nan, pa tan kix, ang doh chix kieh Siyiex fahrhawm heue.*

*Viang mawh nan, Yam hoek Yesux, Nawh tan lu ka Tokaux Tix ka Siyiex son ex heue.*

*Ex hoik phat na. Pa tan lu Cao Khrit awm pa sioe bhawng pa mhawm ka Siyiex heue.*

*Dee bleeh sang ah nin, Keeing ex Siyiex kied khaw rhawm ka Simiang Yesux, kheu Nawh koe rhawm sibieh ti tawx ka Tokaux Tix, mawh pa tan pa lu son ex heue.*

Ex kawx caw ti koe rhawm pa simie ti tawx ka Keeing ex, sonsang kieh krax moh Yesux naog ka daux krax keud ex, lox sikah ex mai ceu pa yuh ex khankix heue.

Phan krax moh Siyiex naog ka daux krax im ju ex, krax im ju ex tag kieh Siyiex fahrhawm heue. Pwi tag tawng ka Siyiex kheu ex heue.

## **NG. Kawnpraix Siyiex caw ti hu ka daux pa riieng**

Phat ka Efesux 5:3

Ex mawh pwi singax singeh heue.

Hoik yuh ex mawh pa singax (santified)- Siyiex hoik laug ti deuh sonsang yuh kaing jhaw Nawh heue.

Mawh kheu nan, ex ang lai khaw ti kieh phimap shiao ka tokaux ex.

Phat ka Romax 6:12-13

Phat ka Efesux 5:4

Phan ex naog ka Khwan, ex tag sikah ceu pa mhawm mai lox pa mawh pa meh heue.

### **- Keud sawn:**

*Pwi haktiex pa ot hawt sivie ex, krai kix grawng pa tix, ex tawng kukaux heue. Sonsang laig sikah mai kix ang mawh pa nu. Yie.*

*heue.*

Yohan 3:16  
1 Yohan 4:9-10

Hebré 10:11-14

Romax 5:5

2 Kawrinthux 2:14-15

## *Im Ju pa khraox ka daux Khrit - baux 2*

*Viang mawh nan, Yesux ot ka daux ex. Nawh nghiet ka lox sikah ex. Phan ex tawng ka ceu in, ex ang lai rhawm kieh Nawh songrhawm ka ex heue.*

Pwi pa yumrhawm, caw ti sikah lox pa mhawm pa mhiem heue.

Jheeh ex caw ti yaogyaw mai ah lox ting bwanson ka Siyiex son krax moh Nawh mai bwanson pa chaoxrhawm Nawh ka ex khaing ka daux Yesux Khrit heue.

 Phat ka Efesux 5:5

Pwi pa klawd ju khankix ot greem pa seeing pa brai mai rhawm pa simie ti cie, mawh kheu nan kix ca yuh ceu pa caox heue.

Kix yuh nin, kheu kix ang mawh kawnpraix Siyiex heue.

Kawnpraix Siyiex chix ti phit, chix ti yuh phimap heue.

Viang mawh nan, kix ang yuh phimap sijheeng, kheu mawh kix pa hoik keh tix bawg mai Khwan Singax Singeh ot ka daux kix heue.

1 Thesalonix 5:16-18

### **- Keud sawn:**

*Phan mai cang klad dee koe glaox mawh ca ot maix ka daux glaox lie?*

*Ang ot! Maix tag yaog ti kaoh heue. Phan chix, dom mawx dom an, hu khoek tix heue. Phan maix bleeh ka nyiex, maix heem tix mai sidaux kraung ceep tix heue.*

*Kheu pa tix lai yuh nan lie? Ex ang simie ti ot mai glaox pa khreeing heue. Pa khreeing yuh nan ang mawh been ot ex.*

*Phan mawh nan, sang ah ex ka lig yuh ka mawx? Lig phan yaox ka glaox, lulieh daux glaox heue. Kheu kix moh ka glaox heue.*

*Viang maix heem ka lig kawx, ang ot rheung, pham yaox ka glaox baox lulieh daux glaox heue.*

Awm mawh ex pwi pa yumrhawm ka Khrit, ex ang lo tix ot ka daux phimap heue.

Ka daux ex koe krax im ju Yesux mai ka daux Nawh:-

- Kieh ex luan khaing phimap pa prim heue.
- Ex chix ti via ka ceu pa nyaw pa glaw ku singaix.
- Ex chix ti sawg ka bwan, mai kieh singai khaing phimap heue.

Phan tiag ti yaox, pwi pa ot ka daux Adam, pwi pa ang nyang bax pon krax taoh:-

- Ca kawn ot ka daux phimap pa prim heue.
- Hawt khaix pa nyaw pa glaw ku singaix.
- Ca kawn mawh pwi gang ka daux phimap heue.

1 Yohan 1:8-10

## *Im Ju pa khraox ka daux Khrít - baux 2*

### - Keud sawn:

*Phan jhak plak praix, pwi pa ang nyang pon krax taoh kawx awm pwi rah pwi see heue. Ka daux krax im ju nawh pon yuh ceu pa haok huan ku ceu heue.*

*Viang mawh nan, ka daux rhawm nawh, ca kawn singai khaing Siyiex, mai yuh tokaux tix mawh pwi pa rah see mai een rhawm ka tokaux tix heue. Ka ceu in Siyiex ang chix ti rieb kah.*

Phat ka Efesux 5:6

Pwi tom nie yie lud krax keud tix mai ah nin, Siyiex ang tawng ka phimap.

Pwi tiblah chix keud yuh nin, kheu Siyiex moh ka kawn pwi, Nawh ang dohploi kix hu ka daux mawnarhok.

Viang mawh nan Siyiex hoik krai ti deuh sidawng ka daux Gumlox Tix yuh nin, Nawh tag sang prawng mai ciyang leeing ju ka kix pa tieh feen mai pa koeng ka Nawh heue.

Phat ka Efesux 6:5-7

### - Deeh ci ti deuh:

*Siyiex laux yuh ka pwi pa ang yumrhawm khawm uik, yam mawh baux yam Noax heue.*

*Siyiex baox yieh laux ka Sawdom mai Gawmawrax kheu khaing pa caox pa caig pa yuh kix heue.*

Phat ka Lai Yam Jah 18:20-21; 19:24-25

Pakpeung jhawm keud( attitute) Siyiex ka phimap ang tieh ang loh.

Yesux hoik taoh ka ex khaing krax pa ciyang leeing ju son phimap ex heue. Mawh kheu nan, ex ang khaw ti deeh hu ka been pa prim heue.

Ex paw vi nghiet ka lox nyaw pwi, sonsang yuh phimap tau mai pwi tang kaux awawx.

Phat ka Efesux 5:7

### - Keud sawn:

*Phan pwi tix kaux yaox moeng nawh it tau mai pwi tang kaux, rhawm nawh sang yuh ka mawx lie?*

*Phan pwi yumrhawm ka Siyiex tix kaux, tik ka Siyiex, Siyiex tag songrhawm ka nawh miex ding lie?*

*Phan ex keud ka grawng pa hoik yuh Siyiex ka son ex, ex ang lai khaw ti yuh paox phicaox mai tieh feen ka Nawh heue.*

Phat ka Romax 12:1-2, Efesux 5:8

Ex kawx yie mawh pwi pa ot ka daux pa faik heue.

Mathiex 23:23-28

Romax 6:23

2 Petrus 2:1-9; 3:3-7

1 Kawrinthux 6:15-20  
Yakop 4:4-5

## *Im Ju pa khraox ka daux Khrit - baux 2*

- Ex yuh ti ang tawng ka pa mawh pa meh heue.
- Krax im ju ex mawh pa keud son tokaux tix mai pa gauxrhawm ka phimap heue.

Viang mawh nan, ceu in khankix hoik loh tix phao.

Yam in ex hoik mawh **kawnpraix pa riieng** heue.

- Khwan Singax Singeh hoik yuh ex mawh pwi pa riieng, kheu Siyiex mawh Keeing ex heue.
- Khwan Singax Singeh hoik gau ex ka pa mawh pa meh, mai Siyiex hoik yuh ex mawh pwi pa khraox ka daux pakpeung Nawh heue.

### Phat ka Efesux 4:24

- Phan ex ca kawn mawh siliex phimap, hoik mawh pa phit miex ding lie? Phan ex yuh ti ang tawng ka pa mawh pa meh, ex hoik phit heue.
- Ex caw ti im ju awm pwi pa tawng ka pa mawh pa meh mai ot tau mai pa mawh pa meh- pa mawh Simiang Yesux Khrit heue.

### Phat ka Romax 13:12-14

### Phat ka Efesux 5:9

Phan ex ot ka daux pa riieng, awm alo pa mawh pa meh, krax im ju ex tag awm khaox pa plix ka plix pa mhawm pa mawh “..pa mhawm pa mhiem, pa rah pa see mai pa mawh pa meh..” heue.

### Phat ka Efesux 5:10

Pa phat ex ka gumlox Siyiex ang ah, keud dum (meditate) ka gumlox Siyiex ang ah, tan lu ka tokaux tix ka Nawh ang ah, ex tawng mawh pa khaw ka rhawm Siyiex heue.

### Phat ka Efesux 5:11

Ex ang lai yuh ka ceu pa gaux rhawm haktiex, ex caw ti prah khankix heue.

Ex caw ti sidieks mai plih kix yaox ka phimap kix, sonsang chix tawng kix mawh kawn phimap awm pa yaox Siyiex ka kix heue.

Ex sang yuh ka mawx ka in lie?

Phan Khwan Singax Singeh lih ot ka daux ex, ex tag chix ot ka daux pa cunghiet ka Gumlox Siyiex heue.

Phan ex yuh nin, kawn phimap tag yaox krax im ju ex mawh kied tang khaing krax im ju kix heue.

Lheu khaing an, ex caw ti sidieks mai plih kix yaox phimap, ka daux Gumlox Siyiex pa mawh pa meh heue.

Viang mawh nan, yuh satix yam krai ex ka grawng pa ang mhawm heue.

Pa caw ex ti krai mawh grawng pa phit, plih kix yaox ka phimap mai kieh

## **Im Ju pa khraox ka daux Khrit - baux 2**

kix doh keud doh sawn ka phimap pa yuh tix heue.

 Phat ka Efesux 5: 12<sup>1</sup>-13.

Grawng pa ploi Simiang Yesux ka Khwan Singax Singeh, mawh sonsang sidiex ka phimap mai sonsang yuh pwi tawng ka phimap tix heue.

 Phat ka Yohan 16:7-11

Ex caw ti sidiex ka Gumlox Siyiex mai plak jhi ka phimap haktiex awm pa yuh Noax, ka: sang kheem Siyiex ka haktiex ka rawm heue.

Yam sidiex ex ka Gumlox Siyiex, Khwan Singax Singeh shiao ka Gumlox Siyiex, sonsang plak jhi ka phimap kix heue.

Khaix hoik plak jhi ex ka phimap pwi, phan ex prah ka kix yuh nan, sang khaw rhawm Siyiex lie?

Ang doh khaw! Ang joeng kieh ex plak jhi ka phimap pwi, ex caw ti jhi krax pa sang pon krax taoh ka daux Simiang Yesux Khrit heue.

Viang pwi tix kaux kaux tang tiah khaing Siyiex kawx, nawh chix ti rieb ka pa rrieng, phan ang mawh nan, chix ti rieb ka krax im ju pa khraox ka daux Simiang Yesux Khrit.

 Phat ka Efesux 5:14

### **S. Kawnpraix Siyiex caw ti hu ka daux pa koe pingnya cuyi**

 Phat ka Efesux 5:15

Kawnpraix Siyiex khankix ang khaw ti nied ot awm pwi pa ang nyang pon krax taoh heue.

Pwi pa ang pon krax taoh, ang deuh Gumlox Siyiex ting ceu.

Viang mawh nan, Siyiex tawx ka kawnpraix Tix pingnya cuyi khaing ka daux Gumlox Tix heue.

 Phat ka Efesux 5:16

Phan ex tiag ka leeing ju leeing phan, bawgyam ot ex piang haktiex mawh pa dawd, tivud ngie heue.

Pwi pa ang yumrhawm khankix, thiang ka Siyiex ka daux krax im ju kix heue.

Awm mawh siag Tokaux Khrit, ex chix ti im ju mai yuh ka kaing pa nhie Siyiex ex yuh heue.

 Phat ka Efesux 5:17

Pwi yumrhawm pa koe pingnya cuyi, tag gau sawn ka Gumlox Siyiex, sonsang chix tawng ka alo Siyiex mai yuh ka alo Nawh heue.

### **SH. Kawnpraix Siyiex caw ti hu ka daux Khwan**

 Phat ka Efesux 5:18

<sup>1</sup> Pwi pa koe pingnya cuyi khankix plih lih dee bleeh kuceu ka lai Efesux 5:12 heue. Pwi tiblah ah nin, ex ang khaw ti krai ceu pa phit pwi pa ang bax yumrhawm khankix heue. Pwi tiblah ah nin, ceu pa caox pa koe ka daux pwi pa ang tawng ka Siyiex, caw ti plak jhi ka daux krax im ju ex pwi pa singax, pa mawh kawn praix Siyiex heue.

Phan ex teei dee bleeh yuh nan, ang tau ti mawh pa khaw kheu Pawlux hoik plak sidawng ka daux lox sidiex tix daux lai (Romax 1:24-32; I Kaw 6:9-10) heue. Ex koe beeh glawm sidiex ka Gumlox Siyiex, mai Gumlox Siyiex hoik plak jhi sidawng ka phimap, mawh kheu nan, ex kawx koe beeh glawm ti plak jhi phimap cie pwi pa ang nyang yumrhawm, sonsang yaox kix ka pa rrieng cie Siyiex pa mawh pa meh heue.

## *Im Ju pa khraox ka daux Khrit - baux 2*

Pwi tiblah nyaux plai mai tiblah nyaux rawm plix siet mai lih mawh pa yoek heue.

Ceu pa nyaux kix, hoik kieh simu simhak (behavior) kix tang heue. Kix yuh ka ceu pa caox, ceu pa ang koe bwanson heue.


Pwi pa yumrhawm khankix, ang khaw ti tawx akhwang ceu in ka Satan heue.

Phat ka Efesux 4:27

Pa tawm Siyex mawh sonsang naog ex mai Khwan Singax Singeh heue.

Phat ka Efesux 5:18

**Rieng joh ngai:**



Phat ka Romax 6:11-13

Khwan Singax Singeh loh simu simhak yuh ex, sonsang pon ot ex awm Yesux Khrit heue.

Khwan Singax Singeh thung ex yuh ka ceu pa khaw ka rhawm Siyex.

Ceu pa yuh pwi pa naog ka Khwan Singax Singeh mawh jinkix heue.

Phat ka Efesux 5:19-21

Yam naog ex ka Khwan Singax Singeh, ex sikah tix kaux lai tix kaux  
“... ka daux lox yaogyaw, mai lox lai rhax mai lai rhax plak khwan..”

Yam yaox pwi pa yumrhawm khankix bawg mawx ang ah, ex caw ti sidiex gau, caw ti tawx riang rao mai krai lox nyawmrhawm tix kaux lai tix kaux heue.

Hebrei 10:24-25

## *Im Ju pa khraox ka daux Khrit - baux 2*

- Lai Yaogyaw mawh lai pa naog ka lox pa tawx riangrao heue.
- Yam yaox krax pa kharhawm ang ah, ceu pa kin saux ang ah, phan ex phat ka lai Yaogyaw mai phuk lai sigang khri khankix, chix tawx ceu pa nyawm rhawm ka ex heue.

Yam naog ex ka Khwan Singax Singeh, ex chix Yaogyaw mai chix krub ka Siyiekh heue.

- Ex chix ti krub ka Simiang, yam yuh ex kaing mai yam laux ex heue.
- Dee mawx ang ah, ex chix yaogyaw ka Nawh heue.
- Siyiekh moh ti nghiet ka pa yaogyaw ex heue.

 Phat ka Efesux 5:20

Yam naog ex ka Khwan Singax Singeh, ex chix ah lox ting bwanson ka Simiang, viang krax ot krax koe ex yuh ka mawx ang ah.

- Viang ex ot mai pa kharhawm kawx, ex kawn chix ah lox ting bwanson ka Simiang, kheu ex tawng Nawh yuh ex awm ka Khrit heue.

 Phat ka Romax 8:28-29.

 Phat ka Efesux 5:21

Yam naog ex ka Khwan Singax Singeh, ex chix priex rhawm awn rhawm tiem mai chix ti ot greem paox tix, tix kaux lai tix kaux heue.

Ex ot greem paox tix, awm ot ex greem Simiang Yesux Khrit heue.

- Phan ex hu ka daux Khrit, ex ang lai yaw rangdi tix heue.
- Ex nghiet lox paox tix mai ralai gau ka paox tix, mai ex caw ti tawng yuh nin, Simiang Yesux sidiex gau ka ex sonsang awm ex ka Nawh heue.

### **NY. Lox nyeep**

 Phat ka Efesux 5:1-2

Ex ah lox ting bwanson ka Simiang kheu tawx krax im ju pa khraox ka daux Khrit heue.

Ah lox ting bwanson ka Nawh, kheu baox thie Khwan Singax Singeh Nawh ka ex mai kieh ex chix im ju ka daux pa moh mai pa tan pa lu- kheu Yesux Khrit ot ka daux ex heue.

### **Lox chawk**

1. Ka: ang ex nyang pon krax taoh, ex hawt khaix Satan mai krax pa lawng Satan heue. Viang mawh nan, yamin, sang caw ex ti hawt jawh ka krax pwi mawx lie?

*Ex caw ti hawt jawh ka krax cie Siyiekh, pa mawh Keeing ex yamin heue. (Phat ka Efesux 5:1)*

2. Krax moh ceu patix pa simie Siyiekh koe ka daux ex lie?

*Krax moh Siyiekh, pakpeung pa hoik yuh Simiang Khrit ex yaox, yam*

## *Im Ju pa khraox ka daux Khrít - baux 2*

*tawx Nawh ka Tokaux Tix ka piang khaoxlhak, sonsang tawx ngawh ka son phimap ex heue.*

3. Awm pa ah daux lai Efesux 5:3, pakpeung jhawm keud (attitude) ex ka grawng phimap caw ti mawh ceu tix?

*Ex ang lai khaw ti kieh phimap ot mai tix, baox tix bawg heue.*

4. Awm pa ah daux Efesux 5:4, ceu patix pa caw ex ti plud ka been haktiex, pa sax hoik yuh ex yam ot ex ka daux pa ang yumrhawm lie?

*Son krax moh Nawh mai pa chaox rhawm Nawh pa hoik plak jhi khaing Simiang Yesux Khrít, ex yaogyaw mai ah lox ting bwanson ka Siyiex heue.*

5. Awm pa ah daux Efesux 5:5, mawh pa tix pa kwang ka daux krax im ju pwi pa caox pa caig mai pa ting lawhpax (vhiex) lie?

*Ka daux pwi pa ang mawh kawnpraix Siyiex heue.*

6. Kawnpraix Siyiex chix yuh phimap awm pwi pa ang nyang pon krax taoh heue. Viang mawh nan, pa tang ka daux pwi pa yumrhawm mawh patix?

*Kawnpraix Siyiex ang lai chix mawh siliex phimap heue.*

7. Pwi tiblah keud, Siyiex moh ka kawn pwi, mawh kheu nan Nawh ang lai ciyang ka kawn pwi son phimap kix ah nan heue. Grawng pa sang ciyang Nawh ka ex, ex chix tawng yuh ka mawx?

*Phuk lai sigang khri hoik krai sidawng, Siyiex tag ciyang ka phimap khawm uik heue. Nawh kieh rawm kheem ka haktiex, mai laux yuh ka Sawdom mai Gawmawrax kheu kaing pa caox pa caig pa yuh kix heue.*

8. “Ex mawh pwi pa rieng” pa ah nan, dee bleeh mawh patix lie?

*Sang ah nin, Khwan Singax Singeh hoik yuh ex mawh pwi pa rieng, kheu Siyiex hoik mawh Keeing ex yamin heue. Khwan Singax Singeh hoik sidieks gau ka ex ka pa mawh pa meh, mai Siyiex hoik yuh ex mawh pwi khraox ka daux pakpeung Tix heue.*

9. Awm pa ah daux lai Efesux 5:8-9, phan ex ot ka daux pa rieng, phan ang mawh nan, phan ex ot awm alo pa mawh pa meh cie Siyiex, sang chix tiag ex ka krax im ju ex ka patix lie?

*Krax im ju ex tag awm khaox pa mhawm, pa plix ka plix pa mhawm pa mawh “..pa mhawm pa mhiem, pa rah pa see mai pa mawh pa meh” heue.*

10. Khrityan pa koe pingnya, shiao ka bawgyam tix yuh ka mawx?

*Nawh tag yuh awm pa nhie Simiang nawh yuh, ka daux Gumlox Nawh heue.*

11. Awm pa ah daux lai Efesux 5:16, ex ot ka daux haktiex pa caox heue. Phan mawh nan, pwi pa yumrhawm sang caw ti ot yuh ka mawx?

*Caw ti nghiet ka Gumlox Siyiex ka daux sibrawm pa hoik tawx khaing Yesux Khrit heue.*

12. Haktiex hoik deux hoik aw. Gumlox Siyiex chix tieb tie ka pa deux pa aw ka ex yun ka mawx lie?
- Gumlox Siyiex plak jhi ka alo Siyiex ka ex, sonsang pon ti im ju awm pa thung Nawh ka ex heue.*
13. Awm pa ah ka daux Efesux 5:18, sang caw ex pwi pa yumrhawm yuh pa tix, tang nyaux ex ka plai lie?
- Pwi pa yumrhawm caw ti naog ka Khwan Singax Singeh heue.*
14. Ka daux lai Efesux 5:19-21, mhai sakse 4 ceu, pa plak jhi Pawlux, pa caw ti koe ka daux krax im ju pwi tix kaux ( ka daux ceucao tix mu), mawh pa tix lie?
- 1) *Ex sikah mai paox tix, "...ka daux lox yaogyaw, mai lox lai rhax mai lai rhax plak khwan.."*
  - 2) *Rhawmrhi ex tag naog sijheeng ka lox yaogyaw mai kaing krub ka Siyiex heue.*
  - 3) *Ex tag ah lox ting bwanson ka Simiang, viang krax ot krax koe ex koe yuh ka mawx ang ah heue.*
  - 4) *Ex tag mawh pa awn pa tiem mai ot greem paox tix, tix kaux lai tix kaux, awm ot ex greem Simiang heue.*

## Lawg Gau [11]

### Lox tawm Siyiex ka Mex, ka Moeng, ka Miex Keeing , ka Kawn nyawm, ka Caoma mai ka Pwi cang khankix

#### K. Lox Singeuh

Ka daux lai Efesux 5:18, Siyiex tawx lox ka pwi pa yumrhawm khawm uik “.. sonsang naog ka Khwan Singax Singeh.”

Phan Khwan Singax Singeh thung ka krax im ju ex:-

- Ex sikah tix kaux lai tix kaux.. “..ka daux lox yaogyaw, mai lox lai rhax mai lai rhax plak khwan ...”
- Rhawm ex tag naog sijheeng ka pa yaogyaw ka Siyiex.
- Ex ah lox ting bwanson ka Siyiex, viang ex yaox ceu tix ang ah.
- Ex tag deuh tokaux tix awn tiem mai cunghiet ka tix kaux lai tix kaux awm cunghiet ex ka Simiang heue.

Phan krax im ju ex naog ka Khwan Singax Singeh, paoxpie pa yuh ex nie koe jhawm heue.

In mawh ceu pa plak jhi ex pa chaoxrhawm ka nyo sinie mai ka paox pa tawng khankix heue.

Ex caw ti kieh Khwan Singax Singeh naog ka daux krax im ju ex, sonsang koe ceu pa yuh paoxpie sijheeng heue.

#### - Keud sawn:

*Pawlux ang krai grawng pa caw ex ti mhawm ka paox tix, ang krai grawng pa caw ex ti yungyi ka paox tix, viang ankix mawh pa ting ceu heue.*

*Pa krai nawh mawh grawhgrawng mawh pa im ju pa tan pa lu, pa ang lai keud son tokaux tix, awm pa hoik yuh Yesux ka ex yaox heue.*

*Ex ang chix yuh awm an: lie? Chix. Siyiex hoik tawx Khwan Singax Singeh ka ex, mawh kheu nan Khwan Singax Singeh tom kieh ex im ju awm Khrit heue.*

Kheu hoik ot Khwan Singax Singeh ka daux krax im ju ex, koe bwanson yuh nin. Moeng mai mex, miex keeing mai kawn nyawm, caoma mai pwi cau pwi soi khankix chix cunghiet ka paox tix mai chix moh ka paox tix heue.

#### KH. Moeng caw ti cunghiet ka mex tix, awm cunghiet ka Khrit

Pawlux krai grawng moeng sivoe heue.

 Phat ka Efesux 5:22

Moeng khankix sang chix cunghiet ka mex tix yuh ka mawx?

#### Grawng dawd

Lawg in gau ex tawng ka lox tawm Siyiex ka mex, moeng, miex keeing, kawn nyawm, caoma mai pwi cang khankix heue.

Kaing: ting mawh nin,

- Paox pie sinax Yesux Khrit mai Ceucão Nawh mawh pakpeung pa yuh paox pie sinax mex mai moeng heue.
- Yesux Khrit sidiek gau ka Ceucão Nawh khaing gumlox Tix heue.
- Dee yuh ex paox pie kuceu, pa yumrhawm khankix caw ti deuh num ka Khwan Singax Singeh sonso: g chix plak jhi grawng Siyiex ka daux kix heue.
- Yesux ang jhak ka pakngai kawn pwi.

## **Mex, Moeng, Kawn nyawm, Miex keeing, Caoma, mai Pwi cang khankix**

Moeng tix kaux awm cunghiet nighth ka Cao Khrit, nighth caw ti cunghiet ka lox mex tix heue.

- Moeng khankix caw ti rieb ka sibrawm mex tix mai cunghiet ka mex tix mai deuh mawh awm cunghiet ka Khrit heue.
- Moeng tix kaux sonsang cunghiet ka mex tix ang mawh pa yie, viang mawh nan, phan nighth ang cunghiet ka mex tix, hoik awm ang cunghiet ka Simiang heue.

Kheu pa tix, moeng caw ti cu nghiet ka mex tix lie?

 Phat ka Efesux 5:23

Siyiex yaog ti deuh ka mex mawh kaing:, mai mawh cao pa tiebtie son moeng tix heue.

Awm mawh Simiang Yesux, kaing: ka Ceucao, ex caw ti cunghiet ka Nighth heue. Moeng kawx caw ti cunghiet ka mex tix heue.

Pawlux ah nin, Simiang Yesux, “.... *mawh cao taoh ka tokaux*.”

- Simiang Yesux moh ka ex mai tawx tokaux tix sonsang taoh ka ex khaing pa ciyang leeing ju heue.
- Awm hoik yaog Siyiex ka Simiang Yesux mawh Cao Taoh ka Ceucao, ka mex khankix kawx Siyiex hoik yaog ti deuh mawh cao tiebtie son moeng tix heue.

 Phat ka Efesux 5: 24

Phan mex cau ka moeng, pa ang khaw ka gumlox Siyiex, sang caw moeng ti nghiet lie?

Ang nghiet! Daux lai Romax ah nin, ex caw ti nghiet ka lox sibrawm pa kwang ka ex heue.

 Phat ka Romax 13:1

Yam simiang haktiex tawx lox ka kawncau pa ting khankix sonsang ang kix nghiet ka lox Simaing Yesux mai ang cu kix sidiex lox bwan, mawh yuh kix patix lie?

 Phat ka Kawncau 5:28-29

Mawh kheu nan, pa mawh moeng tix kaux caw ti cunghiet ka mex tix, phan ang mawh pa phit ka Gumlox Siyiex<sup>1</sup> heue.

## **NG. Mex caw ti moh ka moeng tix, awm moh Khrit ka Ceucao**

 Phat ka Efesux 5:25

**- Keud sawn:**

Mex khankix caw ti yuh ti tawng ka lox tawm Siyiex ka daux baux in heue.

Phan mex moh ka moeng tix, awm moh Khrit ka Ceucao tix, nie lheu yie son moeng ti sang cunghiet ka lox sikah mex tix heue.

<sup>1</sup>Ka daux ex, phan koe bun pa caw ti mex ka pwi pa ang yumrhawm, chix ti chawk ka nighth, mawh ceu pa tix pa tiebtie mex nighth, ka krax yumrhawm tix mai ka Gumlox Siyiex. Moeng pa mawh Khriyan caw ti yuh satix, sonsang ang kieh paox pa ang yumrhawm saux rhawm ka ex heue.

Mai chix ti kum, mawh grawng pa tix pa nu ti hawt yuh ka lox mex Khriyan lie?Bawgblah mex pa yumrhawm caw ti loh pakpeung rhawm keud (attitude) tix heue.

## *Mex, Moeng, Kawn nyawm, Miex keeing, Caoma, mai Pwi cang khankix*

### **- Keud sawn:**

Sang chix moh simex tix kaux *ka moeng tix awm moh Simiang Yesux ka Ceucao Tix lie?*

*Phan mawh khaing riang rao tokaux tix ang chix. Khwan Singax Singeh simie ti baox krax moh Khrit ka daux ex heue.*

 Phat ka Efesux 5:25-27

Simaing Yesux taoh ka ceucao Tix khaing pa ciyang leeing ju, ka daux pa tawx ka Ju Tix son ngawh phimap ex heue.

Viang mawh nan, pa bak Nawh ang mawh pa taoh khaing pa sang ciyang pasax, mai bla ex deeh yuh ka phimap ang hoik mawh.

Pa bak Nawh mawh sonsang thai loh ex ka krax im ju tix, sonsang singax ex ka daux krax pa keud ex, ka daux lox sikah tix, ka daux kaing pa yuh tix awm Nawh Cao heue.

Simiang Yesux grux cox khre son bawg yam pa sang lih hoek Nawh ka ex, mai sang teei ex ot mai Tix Leeing Ju ka daux Meung Raoma heue.

*Phan mawh nan, Nawh thai loh ka Ceucao Tix yuh ka mawx, sonsang singax ex mai singeh awm Tokaux Tix lie?*

Nawh yuh ceu in ka daux Gumlox sibrawm Tix heue.

 Phat ka Efesux 5:26

Simiang Yesux ploi Khwan Singax Singeh hoek ka haktiex, sonsang shiao Nawh ka phuk lai sigang khri mai loh krax pa keud ex, pa sikah ex mai ceu pa yuh ex heue.

Ceu pa yuh mawh inkix-

- Yam phat ex mai mhong ka Gumlox Siyiex, Khwan Singax Singeh plak jhi ex yaox, ceu pa tang khaing Simiang Yesux, ka daux krax im ju ex heue.

- Phan ex mawh tix mu tau mai Khwan Singax Singeh, Nawh tawx satix ka ex ka Gumlox Siyiex, ka grawng pa hoik pon ex krax taoh khaing sibrawm phimap, kheu hoik yum ex tau mai Khrit mai deeh kaoh im tau mai Nawh heue.

- Phan ex yumrhawm ka Gumlox pa krai Siyiex ka ex, mai cunghiet ka Khwan Singax Singeh, Nawh tag thung ex ka krax keud krax sawn ex, ka lox sikah ex, mai ka kaing ceu pa yuh ex ka daux pa cu pa nghiet ka Gumlox Nawh heue.

Kheu grawng in heue, Simiang Yesux tom gwieh ti deuh ka ex son Tix, sonsang ang ex lud shiao ka tokaux tix son phimap pa khreeing pa brai heue.

Nawh tawx sibrawm ka ex, sonsang im ju son Nawh heue.

Romax 8:28-29  
Kawlawsie 1:28

Yohan 14:26;  
Romax 8:1-16;  
1Kawrinthux 2:6-16;  
Kalatix 5: 16-25;

Romax 6:6  
Kalatix 2:20

Philippi 4:13

 Phat ka Efesux 5:28-30

## ***Mex, Moeng, Kawn nyawm, Miex keeing, Caoma, mai Pwi cang khankix***

Simex tix kaux, sang chix moh ka moeng nawsuh ka mawx lie?

Phan nawsuh ah ka moeng tix, "Aux moh ka maix", hoik kup lie?

Ang! Simiang Yesux ah ngie moh ka ex khaing lie?

Ang! Nawsuh plih ex yaox krax moh Tix ka daux ceu pa yuh Tix heue.

- Nawsuh tawx ju Tix ka ex.

- Nawsuh tawx ceu pa lo ex mai tiebtie ka ex kusingaix.

- Nawsuh thai loh krax im ju ex, ka Gumlox Tix heue.

- Nawsuh ang doh grham, ang doh tik ka ex.

Nawsuh kia ngien ka ex awm kia ngien Simiang Yesux ka Ceucao,(pa mawh Tokaux Nawsuh), ang Nawsuh doh grham ka ex. Simex khankix kawx caw ti kia ngien ka moeng tix, ang chix tik ang chix grham ka kix heue.<sup>2</sup>

Tom Yam jah ti kaw haktiex, Siyiex nawb sibrawm (ordained) ka simex, sonsang chix moh mai kia ngien ka moeng tix heue.

Siyiex phan yuh ka Adam sivoe, pa mawh simex pa liang tix kaux, ka: ang Nawsuh nyang phan ka Evax heue.

Siyiex phan Adam khaing phawng tiex heue.

Viang mawh nan, Nawsuh phan ka Evax khaing siag tokaux Adam heue.

 Phat ka lai Yam Jah 2: 21-24

Mawh kheu nan, Adam ang joeng mawh pa tang kia ngien ka tokaux tix khaing, hoik mawh pa kia ngien ka Evax pa mawh siag tokaux tix heue.

**- Keud sawn:**

*Tokaux maix ang lai jhak, ang lai kia ngien ka siag tokaux tix lie? Ang doh mawh nan. Maix kia ngien ka tokaux tix mhawm mhawm heue. Mawh kheu nan, mex tix kaux caw ti kia ngien ka moeng tix, kheu moeng nawsuh mawh siag tokaux nawsuh heue.*

 Phat ka Efesux 5:31

Yam tee ti mawh mex moeng, Siyiex ah nin, Nawsuh hoik yuh kiex mawh tix mu heue. Ang lai mawh pwi ra: kaux.

Mawh kheu nan, kix ang khaw ti keud ka tokaux tix mawh pwi ra: kaux. Mawh tix kaux khaing heue.

Mex mawh kaing:, mawh num sibrawm mai moeng mawh tokaux nawsuh, pa caw nawsuh ti moh kah, pa caw nawsuh ti tiebtie kah, mai pa ang khaw nawsuh ti prah grham kah heue.

 Phat ka Efesux 5:32

Ang yie son ex ti sang tawng ka grawng in:

- Khrit mai Ceucao Nawsuh, chix ti mawh kaux tix mu yuh ka mawx?

- Ex ang lai doh chix tiah khaing Nawsuh yuh ka mawx?

1 Yohan 3:16-18

Hebrei 13:5-6

<sup>2</sup> Kah kum ti yaox, simex plak jhi krax moh kix, mai kia ngien ka moeng kix yuh ka mawx?

## **Mex, Moeng, Kawn nyawm, Miex keeing, Caoma, mai Pwi cang khankix**

Viang mawh nan Gumlox Siyiex krai ex mhong ka Pa Mawh Pa Meh mai ex yaogyaw ka Simiang son krax moh Nawh pa kied ting lhaong ka piang ex heue.

 Phat ka Efesux 5:33

Pawlux nyeep lox sidiex tix ka grawng mex mai moeng, mai tawx satix ka khawm ra: kaux ka grawng koe beeh glawm ka piang paox tix, tix kaux lai tix kaux heue.

Mex caw ti moh ka moeng tix.

- Moeng caw ti koe krax nabyam mai cunghiet ka mex tix.

**Pakpeung joh ngai:**



Paoxpie ceu pa yuh nin heue, pa nawb Siyiex ka Ceucavo Nawh mai son mex mai moeng heue.

Ex tag chix im ju yuh nin, phan ex kieh Khwan Singax Singeh lih hoek naog ka daux krax im ju ex heue.

### **S. Kawn nyawm khankix caw ti cunghiet ka lox miex keeing tix**

Pawlux baox krai grawng yuh paoxpie sinax miex keeing mai kawn nyawm khankix heue.

 Phat ka Efesux 6:1

Siyiex tawm lox ka kawn nyawm khankix sonsang nghiet ka lox miex-

Kawlawsie 3:20

## ***Mex, Moeng, Kawn nyawm, Miex keeing, Caoma, mai Pwi cang khankix***

keeing tix khankix heue.

- Pa ang nghiet ka lox miex keeing, awm pa ang nghiet ka lox Siyex heue.

- Pa nghiet ka lox tete, nghiet titax neh, ang lai ngau, ang lai thiang.

Kawn nyawm tix kaux, pa yumrhawm ka Yesux, chix ti cunghiet ka daux siawpsibrawm Khwan Singax Singeh heue.

 Phat ka Efesux 6:2-3

Siyex tawm lox ka kawn nyawm khankix sonsang moh ka miex keeing, nabyam ka miex keeing mai sonsang cunghiet ka lox miex keeing heue. Kheu miex keeing khankix mawh:-

- Pa hoik nawb Siyex sibrawm (ordain) ka piang kix
- Sonsang joh mai teem ka kix
- Sonsang tiebtie ka kix.

## ***SH. Keeing khankix sidiex ka daux pa gun yeung ka kawn nyawm khankix sonsang chix cu nghiet kix ka Gumlox Siyex***

 Phat ka Efesux 6:4

Keeing khankix ang khaw ti kieh kawn nyawm tix songrhawm.

Kalawsie 3:21

Ceu pa tiebtie ex ka kawn nyawm tix, mawh patix lie?

- Chax nie luan tiebtie mai ang lai kieh kawn nyawm yuh ka ceu pa simie kix ti yuh.
- Ang koe rhawm pa gunyeung mai chax nie luan mhaing kix yuh kuceu.
- Nied ah lox caox ka kawn nyawm, ang ah lox mhawm, lox pa moh.
- Ca glhat ka kix mai ca kieh kix saux rhawm heue.
- Chax nie tawx dam pa kin.
- Ang koe bawgyam ti nghiet ka lox pa krai kix, ang yuh ti tawng ka grawng kix.
- Chax nie luan haoh kaing mai ang pon tawx bawgyam pa sang yuh kaing tau mai kix.
- Viang sidiex ka kix sang caw ti ot yuh ka mawx kawx, tokaux cao ang pon hawt yuh awm lox sidiex tix.

Miex keeing khankix, phan ex simie kawn tix moh ka tix, nab yam ka tix mai cu nghiet ka tix, ex caw ti kia ngien ka kix awm kia ngien Keeing Raoma ka ex heue.

Ex ang khaw ti tap toi mai ah lox caox pa ang khaw ka kix heue.

Keeing khankix, caw ti gau ka kawn tix ka daux pa khaw ka alo Siyex, mai sidiex, tawx riang rao ka kix ka gumlox Siyex ku singaix heue.

## ***Mex, Moeng, Kawn nyawm, Miex keeing, Caoma, mai Pwi cang khankix***

Miex khankix kawx caw ti yuh nan heue. Viang mawh nan, keeing caw ti thung yam sidiex ka kawn nyawm khankix heue.

- Keeding tom nie, prah kaing sidiex ka moeng tix heue.
- Bawgblah, miex teei beeh glawm khawm uik mai ang lai kieh keeing koe sibrawm ka piang kawn tix heue.
- Pa ang ex nyawm rhawm mawh nin, nyiex tom nie ang koe keeing.
- Ceu in ang mawh pa bak Siyiex.
- Mex, mawh kaing: ka moeng, mawh kheu nan, keeing koe beeh glawm ti sidiex ka kawn nyawm heue.
- Miex mawh cao joh ka keeing mai caw ti hawt yuh awm pa yuh mex dee sidiex mai gau ka kawn nyawm kix heue.

Phan grham miex sidiex tix kaux khaing, sidaing nu son nawh heue.

- Siyiex simie ti mawh Keeing ka kix pa ang koe keeing khankix heue.
- Phan keeing mawh pa ang yumrhawm, miex caw ti sidiex ka kawn nyawm heue. Sidiex ka daux ping nya mai riangrao pa tawx Siyiex heue.

Miex keeing khankix, koe beeh glawm ti sidiex ka kawn tix, mai tawx riang sonsang chix cunghiet ka Gumlox Siyiex heue.

- Sara pa gau kawn nyawm daux nyiex cawng, sara pa gau daux nyiex bwan, sara pa priex ka kawn nyawm khankix, mawh pa teem tete heue.
  - Viang mawh nan, beeh glawm pa tawx Siyiex, mawh ka keeing heue.
- Dee pa jiet mhawm ti gau ka nyiexma tix, mawh yam rom ex ti rawg bwan tau ka daux nyiexma heue.
- Nyiexma pa krub ka Siyiex tau, mawh nyiexma pa mhawm heue.
  - Lheu khaing Gumlox Siyiex, lox sidiex pa ting ceu son nyiexma ang lai koe.
  - In awm *mau num* tix ceu, pa sang pon ex ka khawngphak leeing ju heue.

Daux kaing sidiex ex ka kawn nyawm, mhai pa bak ex mawh sonsang chix yumrhawm kawn nyawm ka Khrit mai chix ot greem veei sibrawm Khwan Singax Singeh heue.

## **NY. Kawn soi caw ti soi son cao tix, awm pa soi kix ka Cao Khrit**

Pa kleuk ex ka daux kaing mawh pa tix?

Yam tiem Pawlux ka grawng in ka pwi yumrhawm Efesux, kix tom nie mawh siliex pwi heue.

- Kix tag daox ka ceu pa mhaing Simiang kix yuh nan, yam an heue.  
(Kheu kix mawh kawn Nawh heue.)

## *Mex, Moeng, Kawn nyawm, Miex keeing, Caoma, mai Pwi cang khankix*

- Sang caw kix ti yuh ka mawx ka cao tix?

Khwan Singax Singeh thung Pawlux tiem lox sidiex son siliex khankix heue.

 Phat ka Efesux 6:5

Siliex khankix caw ti yuh ka ceu pa khaw ka rhawm cao tix, mai yuh son kix awm pa simie kix ex yuh heue.

Pa yuh kix ceu tix ang ah, yuh awm pa yuh son Simiang Khrit, pa mawh Cao Raoma heue.

Ex tix kaux kawx ang mawh siliex, viang mawh nan ka daux ex tiblah yuh son pwi awm siliex heue.

Pa sidiex Pawlux ka siliex mai cao khankix, mawh son kix pwi cang mai caoma( employer) khankix kawx heue.

 Phat ka Efesux 6:6

Phan mawh nan, pwi soi Khrityan khankix sang caw ti yuh ka mawx?

 Phat ka Efesux 6:7-8

Ex yuh kaing cang, sonsang pon mau, pa sang eei kaux, khaing caoma heue.

Viang yuh ka mawx ang ah, mhai pa bak ex caw ti mawh kaing soi, pa lih min plakngai Simiang ex Yesux Khrit heue.

Nawh tawx khawngphak leeing ju, son pa yuh son Nawh Cao heue.

- Yam ah ex khawngphak ang ah ka kraung khrai pa mi ex ka piang haktiex in.
- Yam bleeh ex ka Raoma, Simiang Yesux sang tawx khawngphak ka kawn Tix khawm uik, son kuceu pa hoik yuh kix son Nawh Cao heue.

**- Keud sawn:**

*Ka daux ex mawh ngie pwi cang pa tux pa pon khawngphak heue.  
Viang mawh nan, phan ex kieh Khwan Singax Singeh lih naog ka daux krax im ju ex, ex chix kia ngien ka paox cang pa ang bax yumrhawm khankix awm Simiang Yesux kia ngien ka ex heue.*

**- Keud sawn:**

*Mai phan ex pon akhwang ti yuh kaing son paox pa yumrhawm tix kaux kaux, ex ang khaw ti nied yuh ka ceu pa iak riang kix heue. Ex caw ti deuh kix mawh siag Tokaux Khrit mai caw ti coca ti yuh bwanson ka kix, mai coca ti soi ka son kix heue.*

### **T. Cao khankix caw ti kia ngien ka pwi soi khankix awm lox tawm Simiang. Doh keud awawx, Siyiex ang jhak ka pakngai kawnpwi**

Bawgyam tiem ka lai in, pwi pa yumrhawm tiblah kawn cie ka siliex mai kawn kwang ka siliex heue.

Kawlawsie 3:17, 22-25

## ***Mex, Moeng, Kawn nyawm, Miex keeing, Caoma, mai Pwi cang khankix***

Kix sang caw ti kia ngien ka siliex yuh ka mawx lie?

 Phat ka Efesux 6:9

Lai sigang khri baux in caw ti shiao son caoma khankix heue.

- Caoma (employers) khankix caw ti kia ngien ka pwi cang khankix ka daux krax pa khaw pa caw heue.
- Caoma (employer) khankix caw ti tawng, grawng ang Simiang jhak ka pakngai pwi.
- Cao mai siliex, caoma mai pwi cang, cao mi mai pwi hot- khawm uik awm paox plak Sivoe ngai Siyiex heue.

Kawlawsie 4:1

### **TH. Lox nyEEP**

Sonsang chix yuh paoxpie ka pwi, sang pon aux krax teem dee mawx lie?

Mawh ngie ka daux Simiang mai ka daux Gumlox Nawh heue.

Phuk lai sigang khri pa koe daux singaix, ca awm yam jah ti teeim heue.

Ah lox ting bwanson ka Simiang son lox tawm Nawh, mai son pa tawx Nawh kuceu, sonsang pon yuh ex paox pie ka daux Siyiex heue.

Kieh ex ku kaux nie huan mai kieh awm ka Simiang Khrith heue.

### **Lox chawk**

1. Awm pa ah daux Efesux 5:22, moeng tix kaux sang caw ti cunghiet ka mex tix yuh ka mawx lie?

*Moeng tix kaux caw ti cunghiet ka mex tix, awm cunghiet nawh ka Simiang heue. Moeng khankix caw ti rieb ka sibrawm mex tix mai cu nghiet ka kix awm cunghiet kix ka Simiang heue.*

2. Awm pa ah daux Efesux 5:23, kheu pa tix moeng caw ti nghiet ka lox mex tix lie?

*Kheu Siyiex yaog nawh mawh kaing: phan ang mawh nan pa koe sibrawm, sonsang tiebtie ka moeng tix heue. Simiang Yesux koe sibrawm ka piang Ceucão, ex caw ti cunghiet ka Nawh heue. Awm an: moeng khankix kawx caw ti cunghiet ka mex tix heue.*

3. Sang caw moeng ti nghiet ka lox mex tix khawm uik, viáng mawh pa ang khaw ka Gumlox tawm Siyiex lie?

*Ang! Moeng caw ti cunghiet ka lox mex tix ku gum ka daux kuceu, phan mawh pa khaw ka Gumlox Siyiex heue.*

4. Awm pa ah daux Efesux 5:25, simex tix kaux sang caw ti moh ka moeng tix yuh ka mawx?

*Awm moh Simiang Yesux ka Ceucão heue. Awm kia ngien Simiang Yesux ka Ceucão, caw ti kia ngien ka moeng tix heue. Ang pon ti prah, ang pon ti grham ka moeng tix heue.*

***Mex, Moeng, Kawn nyawm, Miex keeing, Caoma, mai Pwi cang khankix***

5. Simiang Yesux shiao patix sonsang thai loh ka Ceucao Nawh, mai sonsang singax ex awm Nawh lie?  
*Nawh shiao Gumlox Tix heue.*
6. Khwan Singax Singeh shiao ka phuk lai sigang khri yuh ka mawx sonsang thai loh ka krax im ju ex lie?  
*k. Yam phat ex mai Yam mhong ex ka Gumlox Siyex, Khwan Singax Singeh jhi ex yaox ka ceu pa tang ex khaing Simiang Yesux heue.*  
*kh. Phan ex mawh tix mu tau mai Khwan Singax Singeh, Nawh kieh ex doh keud ka Gumlox Siyex, pa kieh ex fahrhawm ka grawng hoik pon ex krax taoh khaing pa kwang phimap, kheu pa yum ex tau mai Khrit mai pa hoik kaoh im tau mai Nawh heue.*  
*ng. Phan ex yumrhawm ka Gumlox Siyex mai cunghiet ka Khwan Singax Singeh, Nawh tag jhawp krax im ju ex mai thung krax pa keud ex, lox sikah ex mai ceu pa yuh ex khankix heue.*
7. Kheu patix Siyiex lai tawm lox ka simex khankix, sonsang moh mai kia ngien ka moeng tix, awm moh mai kia ngien ka tokaux tix lie?  
*Yam simex tix kaux mai bun tix kaux teei paox tix, Siyiex hoik ah nin, kiex mawh tix kaux khaing heue.*
8. Kheu patix kawn nyawm khankix caw ti nabyam ka miex keeing tix lie?  
*Kheu miex keeing tawx kraung ceep eep sawm mai tiebtie ka kawn tix heue. Miex keeing mawh sibrawm pa hoik yaog Siyiex (appointed authority) ti deuh ka piang kawn nyawm khankix heue.*
9. Phat ka Efesux 6:4 . Miex keeing khankix, tibawg bawg kieh kawn nyawm tix laux rhawm, songrhawm yuh ka mawx lie?  
*k. Kheu chax nie luan tiebtie, ang kieh kawn nyawm yuh awm rhawm pa simie tix.*  
*kh. Ang gun yeung, mai chax nie lox sidiex.*  
*ng. Nied ah lox, nied ah lox caox, ang keud ka lox sikah tix, ang koe krax moh ka kawn nyawm tix.*
- s. Ca glhat ka kawn nyawm mai ca kieh kix songrhawm.*  
*sh. Chax nie kin yam tawx dam.*  
*ny. Viang nhie kix yuh pa mhawm kawx, tokaux cao ang tie hawt yuh awm lox pa sidiex tix.*  
*t. Ang simie ti nghiet ka lox pa sikah kawn, ang tawx bawg yam ka son kix.*
10. Siyiex tawx beeh glawm ka pwi mawx sonsang sidiex mai gau ka kawn nyawm khankix lie?  
*Ka keeing khankix heue.*

*Mex, Moeng, Kawn nyawm, Miex keeing, Cao ma, mai Pwi cang khankix*

11. Keeing khankix sang caw ti gau sawn ka kawn tix yuh ka mawx?  
*Ka daux pakpeung pa yungyi ka Siyiex mai ka daux lox sidiex kungaix, tawx riangrao ka kix khaing Gumlox Siyiex. (Efesux 6:4)*

12. Khaw miex khankix ti sidiex gau ka kawn tix lie?  
*Khaw heue. Kix caw ti teem mai hawt joh ka mex tix, yam sidiex gau ka kawn nyawm khankix heue.*

13. Sang caw ex ti een rhawm yuh ka mawx ka caoma (employer) lie?  
*Yuh kuceu awm pa chix ex, sonsang mawh pa khaw ka rhawm kix. Ex yuh son kix kuceu, deuh ceu pa yuh ex mawh pa yuh ka Simiang Yesux, pa mawh Cao Raoma heue. (Efesux 6:5)*

14. Caoma sang caw ti een rhawm ka pwi cang tix, yuh ka mawx?  
*Kix caw ti priex kix ka daux krax pa khaw, doh keud grawng mawh Cao kix mawh Simiang Yesux pa ot ka daux Meung Raoma heue. Simiang pau ti jhak ka Caoma (employer) khawm pwi cang khankix heue. Caoma ang khaw ti piawm ka Yesux, pa ang jhak ka pakngai pwi heue. Cao mai siliex, Caoma mai pwi cang, pwi mi mai pwi hot - kix khawm uik mawh pa awm paox ka daux pakngai Nawh heue.*
-

## Lawg Gau [12]

### Ceep kraung naing Siyiex tom grum- Baux 1

#### K. Lawg Singeuh

Ex pwi pa yumrhawm ka Khrit, mawh nyio sinie ka piang haktiex in heue.

- Raoma mawh nyiex ex, viang mawh nan ang nyang yaox ti ot.

- Ex ot ka piang haktiex dee ot pwi koeng heue.

Yesux hoik yuh ceu pa lo ex ku ceu sonsang pex ex leeing ju ka Satan, ka phimap mai ka krax yum heue.

Viang mawh nan ex kawn ot ka piang haktiex pa naog mai phimap heue. Satan ca kawn mawh cao kwang (prince) ka haktiex in heue.

Viang Satan mawh pa som kawx, ca yuh naing ka Siyiex mai ka ex pa mawh pwi pa yumrhawm ka Yesux Khrit heue.

Sang yuh ex naing ka pwi koeng pa koe sibrawm yuh ka mawx?

Yesux hoik tawx ceu pa lo ex ku ceu, sonsang mawh ex pa pex ku singaix heue.

Nawh nie lheu ting sibrawm khaing pwi koeng heue.

Simiang hoik tawx lox tawm ka ex khaing ka daux Pawlux, ka grawng naing, grawng kraung naing, mai sonsang puing ka kraung naing yuh ka mawx mai sonsang chix pex yuh ka mawx heue.

#### KH. Khrityan caw ti ting riang ka daux Simiang



Phat ka Efesux 6:10

##### - Keud sawn:

*Yam mawh bawg yam lih hu khaing Ejiptux, pwi Isarilax tang tawng ka cao tix mawh pa ang lai koe pa keud pot heue.*

*Simiang hoik taoh kix khaing pa mawh siliex ka daux haktiex Ejiptux heue. Viang mawh nan, yam hoek kix ka Rawm Sigrit Sigr Pa Raoh, kix yaox kru naing simiang Pharaw pheet ka kix mai sang deeh giex kix mawh siliex heue.*

*Kix tawng ka cao tix, mawh pa ang koe riangrao ti sang taoh ka tokaux cao tix, khaing lien pa koe kraung naing tom grum heue.*

*Mose ang cu kix lhat, mai ah nin, een rhawm ka Simiang, mawh ngie Simiang pa pon taoh ka ex ka daux tawm taix pwi koeng heue.*



Phat ka lai Lih Hu 14:13-14

Ex pa yumrhawm kawx, hoik awm pwi Isarilax pa ot dex Rawm Sigrit Sigr heue.

Siyiex hoik taoh ka ex khaing sibrawm Satan heue.

#### Grawng dawd

Lawg in krai ex mhong grawng kraung naing Khrityan, pa mawh kraung naing cie Simiang Yesux Khrit heue. Tawx riang rao ka ex sonsang cung tom kaux ka daux Khrit mai sonsang pon tiebtie ka pa cheeik Satan heue. Viang pwi koeng ka ex, ting riang kawx Yesux hoik pex ka Satan ang mawh lie? Ka daux Khrit, pwi yumrhawm ku kaux ot siu. Khrit tag tiebtie ka ex khaing ceu pa caox pa yuh Satan khankix ka ex heue.

Hebrei 11:13-16;

1 Petrus 1:1;

Philippix 3:20-21;

1 Kawrinthux 15:54-57;

Kawlawsie 1:19-20;

1 Yohan 5:11-12

1 Petrus 5:8-9

Philippix 4:13

Plak jhi 12:10-11; 20:10;

Lih Hu 14

Kawlawsie 1:13

## *Ceep kraung naing Siyiex tom grum -baux 1*

Phan mawh nan, Satan ang lai baox yuh krax sivix ka ex lie?

Ang mawh nan.

- **Keud sawn:**

*Pharaw piawm ka Isarilax, khaix hoik taoh Simiang ka kix  
khaing Ejiptux lie?*

*Ang piawm. Satan kawx awm an heue. Ang doh piawm sonsang  
pon kwang ka ex pa mawh Kawnpraix Siyiex heue.*

Satan ang doh piawm, tom hoek ex ka Meung Raoma heue.

Mawh sang chix teei Satan ka ex mai deuh ex ot greem sibrawm tix lie?

Ang. Ang doh chix.

Satan ang doh chix deeh teei ka ex.

Siyiex tag ang doh kham ti som ka Kawn praix Tix pie tix kauxk kawx.

Yohan 10:27-30

 Phat ka Romax 8:38-39.

Ang lai chix song Satan tete, sonsang deeh teei ka ex mawh cie tix.

Nawh chix sidien ka ex, chix yuh pa sivix ka ex, viang mawh nan ang lai  
chix ti kieh mawh cie tix.

I Yohan 4:4

Nawh chix ti pie ka ex, sonsang ot ex awm ka: ang ex nyang pon  
krax taoh heue.

 Phat ka Efesux 4:27

Pawlux tawx satix ka ex, son ang ex tawx akhwang ka Satan heue.

Phan tawx, Satan tag jhawp akhwang an mai tag pon sibrawm:

- ti pie lhien ka ex
- ti yuh ex songrhawm
- ti kieh ex briex
- ti kieh ex ah lox caox
- ti kieh ex kin-rhawm(bitter)
- ti kieh ex koeng ka paox tix
- kheu yuh ex ceu in khankix, kieh Khwan Singax Singeh pa ot ka  
daux ex songrhawm heue.

Efesux 4:30

Ex ang chix pex ka Satan ka riang rao tix nong nong.

Ex caw ti ting riang **ka daux Simiang** mai ka daux **siawpsibrawm**  
**Nawh** heue.

 Phat ka Romax 13:12-14

Ex caw ti ceep ka Simiang Yesux heue.

## **Ceep kraung naing Siyiex tom grum -baux 1**

Phan yuh nan, ex tag pon cung ka riang rao Nawh mai ka sibrawm Nawh, sonsang tiebtie ka ceu pa glaw pa nyaw khawm uik, mai ceu pa pie Satan khankix heue.



Phat ka Efesux 6:10

Viang mawh nan, sang chix **ting riang ka daux Simiang** yuh ka mawx?

Sonsang ting riang ka daux siawpsibrawm Nawh, sang caw ti yuh pa tix?

### **NG. Khrityan caw ti ceep kraung naing tom grum, kheu mawh pa hoik tawx Siyiex ka daux Simiang Yesux**

Ex tag “*..ting riang ka daux Simiang, mai ka daux siawpsibrawm Nawh..*” phan ex cunghiet ka lox tawm Nawh heue.



Phat ka Efesux 6:11

Yam tjiem Pawlux ka lai in son pwi yumrhawm Efesux, nawh mawh pwi thawng ka daux veng Romax, taix nawh tix khawn mai taix lien Romax tix kaux hoik vien tix tau ka maox ceng heue.

- Lien Romax pa vien taix tix tau mai taix Pawlux, ang tau ti mawh lien pa hoik ceep kraung naing sonsang hu puing ka naing heue.
- Viang mawh nan, Pawlux hoik sax yaox lien Romax, pa hoik ceep kraung naing tom grum naog heue.

“**CEEP KA** kraung naing Siyiex khawm mu...”

Yam krai ex ka grawng baux in, ex sang ah ka kraung naing lien Romax pa ot ka daux naing heue.

Siyiex tawx kraung naing kuceu, ka daux Simiang Yesux Khrit heue.

Mawh kheu nan, ex tom kok mawh kraung naing Siyiex heue.

Sonsang ceep ex ka kraung naing Siyiex, mawh beeh glawm ex heue.

Mawh kraung naing inkix heue, pa tawx Siyiex ka ex sonsang pon tiebtie ex ka kaing pa caox pa bak Satan ti yuh ka ex heue.

“*.. Ceep ka* kraung naing Siyiex **Khawm mu..**”

Lien Romax teei kraung naing , mai tang ceep cao tix heue.

- Maox rawd nyoi, sibex tie naok, kiep, plah tie, mhok rhiem, vaig.
- Khaix an, nawh tie ka tokaux tix ka plah tie mai taix nawh hoik giex ti deuh ka vaig heue.

Awm an, Siyiex tawm ex ceep ka kraung naing ka tokaux tix mai shiao ka kraung naing ku mu pa hoik tawx Nawh ka ex heue.

#### **- Keud sawn:**

*Lien Romax tix kaux sang prah nawh ka mhok rhiem tix yam hu nawh ka daux naing lie? Keud maix yuh ka mawx? Ang doh prah.*

*Ceep kraung naing Siyiex tom grum -baux I*

Rieng joh ngai

KRAUNG NAING  
CIE LIEN ROMAX



KRAUNG NAING CIE  
PWI YUMRHAM

SIMIANG

YESUX

KHRIT

Phan kraung naing ang grum, ex ang chix tiebtie ka jhawm lhak Satan.

- Keud sawn:

*Yam kawn puing naing, phan lien peeik mhok tix sang chix lie?  
Ang chix.*

*Phan nawh peeik mhok tix, nawh tag mawh pwi yhot heue.*

Siyiex hoik tawm lox ka ex, sonsang ceep ka kraung naing pa hoik tawx Nawh, ang cu ex peeik phan naing ang nyang uik heue.

Phan mawh nan, naing pa yuh ex ka Satan sang sidah yam mawx?

Mawh yam prah ex ka haktiex in, mai yam hu ot ex tau mai Simiang ka daux Meung Raoma heue.

S. Ex yuh naing ka Satan

Phat ka Efesux 6:12

Pawlux hoik ah nin, Khrityan ang yuh naing ka pwi . Yuh naing ka Satan mai phicaox khankix heue.

## *Ceep kraung naing Siyiex tom grum -baux 1*

### **- Lox tiag:**

*Pwi pa yumrhawm ka Siyiex tag sipub ka pa cheeik pa map heue.*

*Phan ah lox tiag, pwi tag map ka ex yam krai ex lox bwan heue.*

*Yam sipub ex ka ceu in, ex yie tang phimap ka pwi an, ang lai keud mawh kaing pa yuh Satan heue.*

*Satan shiao ka pwi sonsang yuh ka kaing pa caox heue. Ex pwi kawx koe beeh glawm kheu hawt yuh ex kaing Satan heue. Pwi tix kaux kawx ang khaw ti tang phimap ka Satan kheu phimap tix heue.*

*Pa khaw ex ti tawng mawh nin, ex yuh naing ka Satan, ang mawh ka paox kawn pwi. Ex caw ti moh ka pwi pa map ka ex heue. Ex caw ti yuh awm pa chix tix, sonsang tawng kix ka Pa Mawh pa Meh Siyiex- ka daux krax ot ex, ka daux pa krai ex Gumlox Siyiex ka kix heue.*

*Kix mawh pa hoik pon giex Satan heue. Pa bak ex mawh sonsang pon taoh ex ka kix, khaing siawpsibrawm Satan heue.*

Mawh kheu nan, Pawlux tom ah nin, ex yuh naing ka Satan heue.

Nawh ah lox in, sonsang chix keud ex tom raux ka pa simah simaing heue.

2 Kawrinthux 1:8-11;  
6:3-10; 11:23-28;  
Hebrie 5:7-9

### **- Keud sawn:**

*Yam yuh pwi pawie blok paox tix, yam mawh daux baux yam Pawlux, pwi mawx som, caw ti koh ti tik sokngai nawh heue. Mawh kheu nan, pwi mawx som, sokngai nawh ang lai koe ka daux krax im ju nawh heue.*

Pa caw ex kukaux ti tawng mawh nin, Satan mai phicaox khankix tag yuh awm pa chix kix, ti pie ka ex, son ang ex chix cunghiet ka Gumlox Siyiex, mai son ang ex pon yuh kaing son Siyiex heue.

Satan ang lai chix kieh ex mawh cie tix heue.

Viang mawh nan, phan ex ang ceep ka kraung naing pa hoik tawx Siyiex ka ex (khaing Simiang Yesux), Satan tag jhawp akhwang pa pon tix mai tiebtie ka ngai ex sonsang ang ex chix yuh ka lox tawm Siyiex heue.

2 Kawrinthux 11:13-15

### **- Keud sawn:**

*Phan maix ting huan ka daux krax tawng krax yung ka Gumlox Siyiex, mai ting huan ka daux Khrit, maix tag yaox pa glaw pa nyaw pa yuh Satan ka ex ang koe ceu heue.*

*Phan ah lox tiag, ka: ang maix nyang pon krax taoh, Satan glaw maix briex kraung pwi heue. Viang mawh nan, khaix hoik pon maix krax taoh, ang lai glaw maix briex ka kraung pwi heue.*

*Tang an, maix tag uik yuh ka bawg yam tix heue. Satan tag glaw*

## **Ceep kraung naing Siyiex tom grum -baux 1**

*maix koi yuh ka kaing son cao tix heue.*

*Paw vi keud ka tokaux tix mawh pa hoik riex, ka daux kaing pa ang ex sax pub pa glaw pa nyaw awawx.*

*Ca teei bawg yam ka daux Gumlox Siyiex, ca keud dum (meditate) ka Gumlox Siyiex, ca rawg bwan, yumrhawm ka Simiang sonsang plak jhi phimap ka daux krax im ju tix heue.*

*Doh keud ka in awawx. Pie Tokaux Simiang yuh naing ka Satan mai pex ka nawh heue. Yesux mawh pa nie ting pingnya, pa nie ting riang rao, pa nie ting sibrawm khaing Satan heue.*

*Ex yuh naing ka siawpsibrawm mai vawng haktiex pa ot daux pa faik heue.*

*Satan hoik kraix khrawm ka phicaox khankix ka greem sibrawm tix mai kix tang koe kaing pa pie lhien mai kaing pa thung pwi haktiex thiang ka Gumlox Siyiex heue.*

### **- Lox tiag:**

*Ka daux meung ex, simiang, vawng, mai pwi num pa tat see khankix koe sibrawm heue. Sibrawm kix ot ka piang paox tix mai ka greem kix mawh simiang iak, cao kaing: naing khankix, pwi pa yuh tang meung, pwi pa tat see iak khankix pa ot heue. Pwi pa ot ka greem khankix koe beeh glawm ti sang yuh ka kaing pa cau pwi pa ot ka piang kix heue.*

*In mawh rieng joh ngai pa simie Pawlux ti kieh ex yaox heue. Satan hoik deuh kawncau pa caox khankix ku dah, sonsang yuh kaing pa tawx nawh ka kix heue. Satan mawh vawng kix heue. Kix yuh awm lox tawm nawh ka piang haktiex ku dah heue.*

Satan chix ti ot tix dah khaing, ka daux bawg yam tix taix neh heue.

Sibrawm nawh ang doh awm sibrawm cie Siyiex.

Daux baux 12, Pawlux hoik ah ti deuh yuh nin ka grawng Satan mai phicaox khankix, “*Khwan pa caox, pa ot dee lhaong*” heue.

In hoik kieh ex tawng yuh nin, ex yuh naing ka ceu pa caox pa caig pa yuh Satan, mai ka siawpsibrawm pa caox, pa kwang ka piang pwi pa ang nyang bax pon krax taoh ka piang haktiex in heue.

Ka daux lai pa tiem Pawlux ka pwi yumrhawm Efesux ah nin, ka: ang nyang pon krax taoh ka daux sibrawm Siyiex, ex kawx ot greem pa kwang Satan, pa mawh “*vawng sibrawm bhaung*” heue.

 Phat ka Efesux 2:2-3

1 Yohan 4:4

## **SH. Khrityan caw ti ceep kraung naing Siyiex**

Beeh glawm ex mawh sonsang ceep ex ka kraung naing Siyiex khawm mu, sonsang pon tiebtie ex ka Satan yam ot ex “*ka daux singaix sipub ex ka ceu pa caox pa caig*” heue.

## *Ceep kraung naing Siyiex tom grum -baux I*

Ngaix mawx ang ah, chix ti mawh singaix pa caox heue. Singax pa caox an, mawh singaix pa glaw Satan ka ex heue.

Ex caw ti ceep kraung naing Siyiex, kheu ang ex tawng sang hoek pa caox ka piang ex Yam mawx heue. Ex ang chix tawng sang hoek pa glaw pa nyaw pa kin ka ex Yam mawx heue.

Ex ceep kraung naing Siyiex, sonsang pex ex ka Satan ang hoik mawh.

Yesux hoik pex ka Satan. Mawh sonsang pon tiebtie ex ka Satan heue. Tawng ka grawng hoik pex Simiang Yesux ka Satan, ka daux pa kham Nawh ti yum, deeh kaoh im mai deeh haok ing ka Meung Raoma heue.

Ex yuh naing ka Satan, pa hoik som ka Simiang Yesux heue.

Simiang Yesux koe siawpsibrawm ka piang Satan mai ka piang kawn-cau nawh khankix heue.

Mawh kheu nan, sonsang pon tiebtie ex ka Satan, ex caw ti ceep ka Khrit kieh mawh kraung naing ex heue.

- Ka daux Khrit, ex tiebtie ka Satan heue. Pon thiang ka nawh heue. Ang lai lhat ka ceu pa yuh nawh ka ex heue.
- Ex ang pon ti yumrhawm ka tokaux tix sonsang pex ka Satan heue. Pa caw ex ti yumrhawm mawh ka grawng pa hoik pex Simiang ka Satan heue.

Ka daux lawg pa ghoik, ex sang gau ka kraung naing tix ceu hoik tix ceu heue.

Ex tag yaox sidawng grawng mawh Yesux kraung naing ex heue.

- Ka daux Khrit, ex pon krax pa tiebtie mai sibrawm son naing heue.
- Ex caw ti yumrhawm ka Nawh heue. Kheu Nawh mawh pa pex ka Satan heue. Nawh sang tiebtie ka ex khaing ceu pa yuh Satan ka piang ex heue.

### **NY. Lox nyeepl:**

Ex mawh nyo sinie ka piang haktiex in heue.

Ex ca sipub ka siawpsibrawm Satan heue.

Viang mawh nan, Siyiex hoik tawx ceu pa lo ex sonsang pon tiebtie ex ka Satan heue.

Ex ah lox ting bwanson ka Simiang kheu Nawh mawh pa Pex Leeing Ju mai tawx pa pex ka ex son ngaix mawx ngaix an heue.

### **Lox chawk:**

1. Pon tiebtie ex ka Satan mai phicaox , kheu riang rao tix lie?

*Ang pon. Ex caw ti ceep ka Simiang Yesux mai tiebtie ka daux riang rao Nawh mai ka daux siawpsibrawm Nawh, ka ceu pa glaw pa nyaw mai ceu pa cheeik phicaox khankix heue. (Efesux 6:10)*

Mathiex 28:18

### **Ceep kraung naing Siyiex tom grum -baux I**

2. Satan sang tik ka kaing pa sivix pa yuh nawh ka kawn praix Siyiex lie?  
*Nawh ang doh tik, tom sidah hoek ex ka Meung raoma .*
3. Satan chix deeh teei ka ex ot ka greem sibrawm tix lie?  
*Ang chix. Ang doh chix tibawg kawx. Satan ang lai chix teei ka ex mawh cie tix. Siyiex ang doh kham ti som nai ka kawn praix tix heue. ( Phat ka Romax 8:33,39 )*
4. Viang Satan ang chix deeh teei ti cie ka ex kawx, pa chix yuh nawh kawn koe heue. Mawh patix lie?  
*Nawh chix pie ka ex, thung ex ot awm ot ex ka: ang ex nyang pon krax taoh heue.( Phat Efesux 4:27)*
5. Ex sang chix **ting riang ka kaux Khrith** yuh ka mawx lie?  
*Ceep ka kraung naing Siyiex khawm mu, mai ca ceep ka kraung naing an sijheeng heue. ( Phat ka Efesux 6:11)*
6. Sonsang ang Satan lai chix pie ka ex, lo ex ti ceep kraung naing miex ceu lie?  
*Ex caw ti ceep khawm mu mai caw ti shiao kraung naing kuceu pa hoik tawx Siyiex ka ex heue.*
7. Kheu patix kraung naing Khrityan lai kok mawh kraung naing Siyiex ?  
*Kheu mawh kraung naing pa tawx Siyiex, ka daux Yesux heue.*
8. “Jhawm lhak phicaox” pa ah Pawlux mawh patix?  
*Mawh ceu pa pie pa lhen Satan .(Phat ka Efesux 6:11)*
9. Naing pa yuh pwi yumrhawm ka Satan, kheu pa tix Pawlux lai shiao rieng phekisdawng (illustration) pa blok ka paox tix lie?  
*Sonsang tawng ex ka naing pa kin, pa yuh ex heue.*
10. Ex ang yuh naing ka pwi, yuh naing ka Satan heue. Sonsang sidawng ex ka lox in, tawx lox tiag tix mu ka grawng in liak.  
*Pwi pa ang yumrhawm, phan klat ka lox bwan pa krai ex, ex keud mawh pwi pa sivix ka ex, ang lai keud mawh kaing pa yuh Satan.*
11. Pwi ang lai koe beeh glawm ka piang kaing pa yuh tix lie?  
*Ang mawh nan. Kix koe beeh glawm heue. Kix ang chix ti ah phimap- ka Satan son phimap pa yuh kix.*
12. Dee bleeh baux 12 mawh tix? “.. naing pa yuh ka siawpsibrawm, ka vawng haktiex pa ot ka daux pa faik khankix..”.  
*Satan hoik kraix khrawm phicaox nawh ka greem sibrawm tix, mai kix tang koe kaing yuh, pa pie pa lhen mai pa thung pwi thiang ka lox Siyiex heue.*
13. Pa ah Pawlux “ Singaix pa caox ” sang ah ka patix?  
*Sang ah ka bawgyam, pa kin glaw Satan ka ex heue.*
14. Ex ceep kraung naing Siyiex, sonsang pex ka Satan lie?  
*Ang mawh. Simiang Yesux hoik pex ka Satan, yam hoik yum Nawh, yam kaoh im Nawh, yam deeh haok ing Nawh ka Raoma heue.*

## Lawg Gau [13]

### Ceep kraung naing Siyiex tom grum-Baux 2

#### K. Lox Singeuh

Sivoe sang hu lien tix kaux ka daux naing, nawh caw ti tawng grawng kraung naing tix heue.

Nawh caw ti rien sonsang chix shiao khankix heue.

Ex Khrityan, yie sipub ka pwi ang kaux sijax mai pwi koeng pa koe siawpsibrawm pa ang ex chix yaox ka ngai heue.

Bawg Yam mawx ang ah naing pa kin chix ti taoh heue.

Viang mawh nan, cao kaing: naing ex hoik tawx kraung naing ku ceu, sonsang porntiebtie ka pwi koeng pa caox khankix heue.

Ex jhak ka kraung naing pa hoik tawx Siyiex ka ex ka daux Khrit.

Grawng dawd


Lawg in gau ex ka kraung naing Khrityan tix ceu hoik tix ceu heue. Krai grawng mawh Gumlox Siyiex mai Yesux Khrit, kraung naing ex heue. Ka daux Khrit ex ot siu, Satan ang lai chix yuh naing ka ex.

#### Rieng joh ngai

KRAUNG NAING  
CIE LIEN ROMAX



KRAUNG NAING CIE  
PWI YUMRHAWM



Jhi kix yaox kraung naing tix mu hoik tix mu mai gau sawn awawx.

## *Ceep kraung naing Siyiex tom grum -baux 2*

### **KH. Khrityan caw ti nhawd maox nyoi pa mawh Pa Mawh Pa Meh**

Yam ceep lien Romax ka kraung naing, pa liang nawh ti ceep mawh mhok rhiem heue.

Phat ka Efesux 6:14

Pawlux ah nin, ex caw ti nhawd maox nyoi pa mawh Pa Mawh pa Meh heue.

Tokaux Yesux Khrit mawh Pa Mawh Pa Meh heue.

Phat ka Yohan 14:6

Gumlox Siyiex mawh Pa Mawh Pa Meh heue.

Phat ka Yohan 17:17

Phan mawh nan, sang ceep ex maox nhawd nyoi yuh ka mawx?

- Ka daux pa gau ka Gumlox Siyiex
- Ka daux pa yumrhawm ka Khwan Singax Singeh, sonsang sidiex gau ka ex sonsang tawng ka Simiang Yesux.
- Gah hu khaing pa een rhawm ka tokaux cao tix, caw ti een rhawm ka Simiang Khrit mai ka Gumlox Nawh khaing.
- Kieh Simiang Khrit mai Gumlox Nawh hoek lih naog ka daux krax im ju ex.

Tawng heue, Gumlox Siyiex pa mawh **Pa Mawh Pa Meh**, tiebtie ka ex, khaing pa cheeik Satan heue.

Phat ka Yohan 8:32

- Ka daux Khrit mai ka daux Gumlox Nawh, ex chix yaox sidawng ka ceu pa caw mai ceu pa lud heue.
- Pa cheeik Satan viang cheung miex ding kawx, Simiang Yesux tag plak jhi Pa Mawh Pa Meh ka ex heue.

### **NG. Khrityan caw ti ceep sibex tie naok, pa mawh Pa Rah Pa See**

Khaix hoik ceep lien Romax ka mhok, nawh ceep sibex tie naok heue.

Phat ka Efesux 6:14

Yesux Khrit mawh Pa Rah Pa See cie ex heue.

Phat ka Efesux 3:19-24

Phan mawh nan, sang ceep ex ka sibex Pa Rah Pa See yuh ka mawx?

- Pa tawng ex khaing Gumlox Siyiex mawh nin, Nawh hoik rieb ka ex awm pwi Pa Rah Pa See ka daux Yesux Khrit heue.
- Gah hu khaing ceu pa een rhawm ka tokaux cao tix. Een rhawm ngie ka Simiang Yesux nong nong, pa mawh Pa Rah Pa See son ex heue.

## *Ceep kraung naing Siyiex tom grum -baux 2*

- Kieh Simiang Khrit ot ka daux krax im ju ex heue.

Awm cung ex ka daux Khrit (pa mawh Pa Rah Pa See), Nawh tag tiebtie ka ex khaing pa cheeik Satan heue.

### **- Keud sawn:**

*Ex pwi pa yumrhawm phan phit ka Simiang, ex caw ti kyox ka Nawh, awm an phan ex hoik phit ka pwi, ex caw ti kyox ka pwi an heue. Ex caw ti rieb ka Pa Mawh Pa Meh, pa hoik ploi Siyiex ka phimap ex khawm uik heue. Nawh rieb ka ex mhawm mhawm kheu pa rah pa see Simiang Yesux Khrit heue.*

*Viang mawh nan, Satan simie ex deeh jhak ka tokaux tix heue. Nawh simie ex ciyang ka tokaux cao tix. Ang simie ex rieb ka ceu pa hoik yuh Yesux Khrit ka son ex.*

*Sang caw ex ti yuh pa tix, yam sipub ex ka ceu pa nyaw, pa kieh ex deeh ciyang ka tokaux tix lie? Ex caw ti een ngie rhawm ka Simiang Khrit heue. Caw ti ceep ka sibex tie naok cie Nawh pa mawh Pa Rah Pa See heue.*

### **Khrityan caw ti ceep kiep pa nhim cie Siyiex khaing ka daux Loxbwан**

Lien Romax ceep kiep pa koe jim rhiem, sonsang pon cung kix tom kaux yuh kix naing ka pwi koeng khankix heue.

Siyiex tawx caong pa cong ka ex, sonsang pon cung ex yam yuh Satan naing ka ex heue.

 Phat ka Efesux 6:15

Ex koe pa nhim ka daux Siyiex, ka daux Loxbwан Nawh heue.

Lheu khaing **kiep** pa nhim ka daux Khrit, tix ceu kawx ang chix tawx pa nhim ka ex.

Pa tawng ex sidawng mawh nin, Yesux Khrit yum son phimap ex, kham pa sipaung mai deeh kaoh khaing krax yum daux loe ngaix tingaix heue.

Pwi tix kaux kawx ang pon yieh pa nhim pa koe ka daux Siyiex.

 Phat ka Romax 5:1; 9-11; Efesux 2:13-18.

Phan mawh nan, sang ceep ex ka *kiep pa nhim* tau mai Siyiex yuh ka mawx?

- Caw ti yumrhawm ka Sigang khri pa hoik plih ex yaox grawng pa koe ex pa nhim tau mai Siyiex heue.
- Caw ti veeh khaing ceu pa een rhawm ka tokaux cao tix. Caw ti een rhawm ka pa hoik yum Simiang Yesux, pa hoik kham Nawh pa sipaung mai pa kaoh im Nawh khaing krax yum heue. Mai kieh grawng inkix mawh num riah pa nhim tau mai Siyiex heue.
- Ca kieh pa nhim Simiang Yesux lih naog ka daux rhawm ex mai ka daux rhawm keud ex.

1 Kawrinthux 15:1-6

Philippix 4:6-7

## Ceep kraung naing Siyiex tom grum -baux 2

Phat ka Mathiex 4:1-4.

*Simiang Yesux ang yaox ti ih priex tom miex ngaix mawx, mawh kheu nan, Satan tawx krax keud ka Yesux sonsang yuh ti ih khaomun ka simaox heue.*

*Viang mawh nan, Yesux thiang ti tik heue. Kheu patix lie? Kheu Keeing Raoma ang krai ti deuh sonsang yuh ceu an heue.*

Simiang Yesux hoik sipub ceu pa glaw kuceu heue. Viang mawh nan, Nawh ang sax yuh pa phit.

Mawh kheu nan, ex tom een rhawm ka Nawh mawh plah tie ka ex, yam sipub ex ka pa glaw pa nyaw heue.

Hebrie 4:15-16

## NY. Khriyān caw ti ceep ka mhok krax Taoh

Phat ka Efesux 6:17

*Viang lien Romax hoik ceep ka kraung naing tang ceu kawx, phan nawh ang ceep ka mhok, tag mawh mhai dee puing pwı koeng ka nawh heue.*

*Siyiex tawx lox ka ex... “ceep ka mhok rhiem ceu pa taoh..”*

*Siyiex hoik tawx krax taoh ka ex ka daux Yesux Khrit heue.*

### - Keud sawn:

*Ka: sang keh Simiang Yesux, kawncau raoma krai ka Yosiep, “... maix tag sum ceukaux nawh mawh YESUX: kheu nawh tag taoh ka pwı tix khaing phimap phigrham heue.”*

*Simiang Yesux hoik taoh ka pwı pa yumrhawm ka Nawh kukaux, khaing pa CIYANG ka phimap kix heue.*

*Kheu siawpsibrawm Nawh, ex pon pa luan khaing pa kwang SIBRAWM phimap heue.*

*Yam deeh hoek Simiang Yesux ka ex, Nawh tag pluat ex leeing ju khaing PA KOE phimap heue. Ex ang lai koe pa nyaw tibawg. Ex tag mawh pa grum mhawm ka daux pa keud ex, pa yuh ex kuceu heeu. Ex tag awm Simiang Yesux, pa ang kawb phimap.*

*Nawh tag pluat ka ex khaing sibrawm pa yum heue. Nawh sang yuh ka ceu in yuh ka mawx lie? Nawh kaoh khaing pa yum. Nawh hoik pex ka sibrawm pa yum, hoik kaoh khaing simeeig heue.*

Romax 6

*Tokaux ex tag yum sivoe, ka: ang Simiang Yesux deeh hoek ka piang haktiex in. Viang mawh nan, yam hoek Nawh, Nawh tag yaog tokaux yum ex kaoh khaing pa yum, mai ex tag ot tau mai Nawh leeing ju heue.*

1 Thesalonix 4:15-17

Phat ka Yohan 11:25-28

Phat ka Romax 8:11; Yohan 3:16

*Simiang Yesux hoik taoh ex khaing pa kwang Satan heue.*

## ***Ceep kraung naing Siyiex tom grum -baux 2***

 Phat ka Efesux 2:1-6

Phan mawh nan, sang chix ceep ex ka mhok pa taoh yuh ka mawx ?

- Ka daux pa gau sawn ka Gumlox Siyiex mai pa tawng ka:-

Grawng pa hoik taoh ka ex khaing pa ciyang mai khaing siawp-sibrawm phimap.

Grawng pa hoik taoh ka ex khaing sibrawm Satan mai pa yum.

Yam deeh hoek Simiang Yesux, ex tag pon pa pluat leeing ju khaing pa koe phimap, mai ex ang lai baox yuh phimap tix bawg kawx heue.

 Phat ka Romax 6:6-14

Tawng yuh nin, ex chix tiebtie ka Satan, yam glaw ex yuh phimap heue.

- Kheu ex ot ka daux siawpsibrawm Simiang Yesux Khrit heue.

- Nawh hoik toek ka ex khaing sibrawm phimap, khaing sibrawm Satan mai sibrawm pa yum heue.

Hebrie 2:14-15

1 Yohan 3:2-3;  
Plak Jhi 21:22;22:3-5

## **Khrityan caw ti jhawp ka Vaig Khwan pa mawh Gumlox Siyiex**

Kraung naing pa ghoik pa viex lien Romax mawh Vaig heue.

 Phat ka Efesux 6:17

Siyiex hoik tawx Vaig Khwan Singax Singeh ka ex, pa mawh Gumlox Siyiex heue.

Gumlox Siyiex mawh "... Vaig Khwan.." heue. Kheu patix kieh nie...

- Khwan Singax Singeh thung ka pwi pa tiem ka Phuk lai sigang khri...

- Khwan Singax Singeh shiao Gumlox Siyiex sonsang mawh pa gau pa sawn ka pwi pa ang nyang yumrhawm, sonsang :-

~Doh keud ka phimap,

~Yumrhawm ka loxbwan,

~Pon krax taoh heue.

2 Timose 3:16  
Hebrie 1:1  
2 Petru 1:20-21

Yohan 16:8-11

- Khwan Singax Singeh shiao Gumlox Siyiex, sonsang gau sawn ka pwi pa hoik yumrhawm, sonsang:-

~Nie lheu tanwg ex ka Simiang Yesux,

~Kieh krax im ju Nawh ot ka daux ex.

Yohan 16:12-15  
Kalatix 2:20

Kawn kok Yesux mawh "**Gumlox Siyiex**" heue.

Yohan 1:1-14

- Ka daux krax im ju Nawh, mai ka daux Lox sikah krai Nawh, Yesux plak jhi mai krai ka ex grawng Siyiex mawh ceu patix heue.

- Ex ah *Phuk lai sigang khri* mawh Gumlox pa tiiem ti deuh mai Simiang Yesux mawh Gumlox Pa Im heue.

Sang chix cu nghiet ex ka Gumlox tawm Siyiex yuh ka mawx, sonsang

## *Ceep kraung naing Siyiex tom grum -baux 2*

pon giex tom kaux mai shiao ka "... Vaig Khwan, pa mawh Gumlox Siyiex..." lie?

- Ka daux pa gau sawn, yuh ti tawng, coca ti ci, mai keud dum (meditate) ka Gumlox Siyiex pa hoik tiem ti deuh.
- Tawng ka Yesux, pa mawh Gumlox pa Im Ju. Awm hoik plak jhi ka ex ka daux Gumlox pa hoik tiem ti deuh heue.
- Veeh singai khaing pa een rhawni ka tokaux cao tix, mai een rhawm ka Gumlex Siyiex kubawg kuyam, mai ka Simiang Yesux, pa mawh Gumlox pa Im Ju heue.

### **- Lox tiag:**

*Phan paox grawm maix mhaing maix hu jhak rieng im tau mai tix, mai phan maix tawng rieng im an mawh rieng pa khreeing, mawh sang yuh maix ka mawx lie? Paox grawm maix hoik mhaing maix hu, hoik glaw maix ang mawh lie?*

*Viang mawh nan, maix thiang ti ang hu kheu Gumlox Siyiex hoik ah, pwi pa yumrhawm tix kaux ang khaw ti kleuk ka ceu pa khreeing heue.*

 Phat ka Efesux 5:3-4

### **- Keud sawn:**

*Sonsang tawng ex ka Gumlox Siyiex, mawh pa ting ceu heue. Phan ex hoik tawng ka grawng pa nyaw pa glaw pa krai ka daux Phuk lai sigang khri, awm hoik koe ex vaig pa lawm sonsang tiebtie ka khankix heue.*

Yam sipub Simiang Yesux ka pa glaw pa nyaw Satan ka daux tiag daux tu, Nawn shiao ka Gumlox Siyiex awm vaig Tix, sonsang tiebtie mai pex ka Satan heue.

- Simiang Yesux tawng ka Phuk lai sigang khri.
- Satan nyaw ka Nawn, tom hoek loe bawg.
- Khawm loe bawg, Simiang teei Gumlox Siyiex mai pawk ka Satan heue.

Awm an, ex kawx caw ti shiao Gumlox Siyiex sonsang tiebtie ka pa glaw pa nyaw Satan heue.

## **T. Khrityan caw ti rawg bwan kubawg kuyam**

Lien pa hoik ceep kraung naing tom grum, kawn lo tix ceu, ka sang hu nawn ka naing heue.

Nawn caw ti kleuk (communicate) ka cao bung naing sijheeng heue.

 Phat ka Efesux 6:18

Awm mawh ex pwi yumrhawm ka Khrith, ex ca greed hu dex dang-neung Siyiex pa ting siawpsibrawm heue.

Mathiex 4:1-11,  
Lukax 4:1-13

Philippix 4:6-7  
Hebrie 4:16, I Pet 5:7

## *Ceep kraung naing Siyiex tom grum -baux 2*

Nawh tawng grawng ex kuceu, tawng krax ot krax koe ex kuceu.  
tawng ka pwi pa koeng, pa sang sipub ex heue.

Nawh hoik tawx lox mukheu ka ex, grawng pa sang mawh e<sup>c</sup> pwi pa  
pex leeing ju ka daux Khrit heue.

Siyiex simie ex rawg, ka daux sibrawm Khwan Singah heue.

- Rawg sijheeng.
- Rawg ka daux krax pa chix tix ku ceu.
- Rawg ka daux pa khyox kuceu.
- Rawg son pwi yumrhawm khawm uik pa ot ku dah.

 Phat ka Romax 8: 26-27.

Siyiex simie ex rawg sijheeng, kheu ex lo ka Nawh sijheeng heue.

- Pa rawg ex ka Siyiex, plak jhi grawng een ex rhawm tix ka Siyiex sijheeng heue.
- Krax rawg bwan, phan ang mawh siag krax im ju ex, ex ang lai mawh pa een rhawm ka Siyiex heue.

Siyiex simie ex rawg ka daux krax pa chix tix kuceu heue.

- Pa rawg ex sijheeng mawh pa mhaing mai pa rieb khaing Siyiex.
- Lox khyox mawh, khyox grawng phimap ka Siyiex heue.
- Rawg son tang kaux, mawh pa rawg son pwi tang kaux heue.
- Pa rawg ex, caw ti ah lox ting bwanson mai yaogyaw ka Siyiex.

Siyiex simie ex rawg, mai khyox son kuceu heue.

- Nawh mawh Keeing ex, Nawh moh ti tawx ceu pa mhawm ka ex.
- Pa nu son Keeing ex, ang koe pie tix ceu kawx.

Siyiex simie ex rawg son pwi pa yumrhawm kukaux pa ot ku dah.

- Ex mawh kraung pakpeung cie Tokaux Khrit khawm uik heue.
- Awm ting huan ex ka daux krax Moh Nawh, ex kawx ting huan ka daux krax moh ka tix kaux lai tix kaux, mai simie ti rawg son tix kaux lai tix kaux heue.

Kawncau pa ting Pawlux, tawng ka tokaux tix mawh pa een rhawm ka Simiang heue.

 Phat ka Efesux 6:19-20

- Kheu Pawlux sidieb Loxbwan, pwi tom phyawk maox ceng ka nawh heue.
- Nawh tawng ka tokaux tix, Yesux Khrit hoik tawx beeh glawm ka nawh mawh kawncau pa ting tix kaux heue.

I Thesalonix 5:17

Mathiex 7: 7-11  
Romax 8:32

Romax 12:5

2 Kawrinthux 1:8-9  
12:9-19

Efesux 1:1

## Ceep kraung naing Siyiex tom grum -baux 2

- Viang mawh nan, nawh ang keud ka tokaux tix mawh pa nie ting khaing paox pa yunrhawm.
- Nawh tawng, pwi ceucão lo ti rawg bwan son nawh heue.
- Pawlux mhaing ka ceu in heue.
- Sonsang tawx Siyiex lox pa khaw ti krai heue.
- Sonsang chix sidiex lox bwan ka daux rhawm pa kua heue.
- Awm Pawlux, ex caw ti tawng ka ceu pa caw ex ti rawg heue.
- Ex khaw ti mhaing pwi rawg bwan son ex, sonsang chix sidiex ex ka grawng Khrit mai ka daux rhawm pa kua heue.
- Ex khaw ti nhi nhai krai lao ka paox tix ka grawng pa sivix mai ceu pa lo ex, phan yuh nan, ex chix ti rawg bwan son tix kaux lai tix kaux heue.

I Timose 1:16

### N. Lox nyEEP

Lox nyEEP pa tiiem Pawlux ka pwi pa yunrhawm Efesux mawh nin.



Phat ka Efesux 6:23-24.

Pawlux rawg bwan sonsang naog pwi pa yunrhawm khankix ka pa nhim Siyiex, krax Moh Siyiex mai sonsang mawh pa kaux cong krax yunrhawm heue.

Pawlux tawng, ceu pa nhim, krax moh mai pa yunrhawm kaoh khaing Siyiex, pa mawh Keeing ex mai Simiang Yesux Khrit heue.

Phan mawh nan, krax im ju ex sang chix naog ka pa nhim, pa moh mai pa yunrhawm yuh ka mawx?

Phan ex nghiet lox Khwan Singax Singeh, Nawh tag kieh ex naog ka pa nhim, pa moh mai pa yunrhawm heue.

Kalatix 5:22



Phat ka Efesux 5:18-20

Ex ah lox ting bwanson ka Simiang kheu tawx Nawh ceu pa lo ex kuceu ka daux Yesux Khrit heue.

Sonsang pon tiebtie ex ka pa koeng khankix, Nawh mawh Cao Tao ex mai kraung naing ex heue.

### Lox chawk

1. Ex ceep kraung naing Siyiex yuh ka mawx lie?
  - k. Ka daux pa gau sawn ka Gumlox Siyiex, pa mawh **Pa Mawh Pa Meh**
  - kh. Veeh hu khaing pa een rhawm ka tokaux cao tix mai een rhawm tix ka Simiang Yesux khaing.
  - ng. Kieh Khwan Singax Singeh lih naog ka daux tix .

*Ceep kraung naing Siyiex tom grum -baux 2*

2. Kraung naing Siyiex khankix mawh patix lie?

( Phat ka Efesux 6:14-17)

3. Caw ex ti rawg bwan yam mawx?

*Caw ti rawg ku bawg ku yam viang ot mai krax ot krax koe pa tix ang ah. ( Phat ka Efesux 6: 18)*

4. Pakpeung pa rawg ex bwan mawh patix ?

*Yaogyaw mai krub ka Siyiex, khyox khaw ka phimap pa hoik yuh tix, rawg mhaing ka ceu pa lo ex mai ceu pa lo paox pa yumrhawm khankix.*

5. Sang caw ti rawg yuh ka mawx?

*Ka daux siawpsibrawm Khwan Singax Singeh, ka daux pa haing rhawm, mai ca rawg sijheeng heue.*

6. Sang caw ex ti rawg son mawx lie?

*Son pwí pa yumrhawm khawm uik.*

\*\*\*\*\*

# Krax hu Pawlux ti sidieka Lox Bwan Gauv

